

Für d'Chinderstu...

1

MARSHALL MONTGOMERY
COLLECTION



Montgomery 7 d 14



Marshall Montgomery,
Morochach (Schweiz)
+ 302, Woodstock Road,
Oxford.

With love for our Fatherland
S. C. M.

Aug. 1921.

Für d'Chinderstube.

Poesie und Prosa in den Mundarten der Schweiz.

Gesammelt und herausgegeben
von
Otto Sutermeister.



Verlag von Orell Füssli & Cie. in Zürich. (1885.)
(Letztes Exemplar!)

Buchdruckerei F. J. Wild & Cie. in Brugg.

Wiegenlieder.

1.

Buuti heh! Buuti heh!
Christe briegg me nimmemeh;
Gueti Buebli tue nit gryne;
Schwig, de bist de gar e Fryne —
Buuti heh! Buuti heh!

Buuti heh! Buuti heh!
Lueg, der Ätti chunnt jeh de
Un er bringt e Wiehnechtchueche,
Christe mueß den o versueche —
Buuti heh! Buuti heh!

Buuti heh! Buuti heh!
Los, das Lämmtschi schreit meh meh!
O du söttisch og uf Ärde
Freine wien es Lämmtschi wärde —
Buuti heh! Buuti heh!

Buuti heh! Buuti heh!
So nes Buebli gitt's nit meh:
'S ist lybhafteig ja der Ätti;
O wen i das Chind nid hätti —
Buuti heh! Buuti heh!

Buuti heh! Buuti heh!
 Gseht, er briegget nimmeme;
 Ja, miß hãrzigs Buebli bist de,
 Nu das walt Gott, lube Chrischte —
 Buuti heh! Buuti heh!

J. C. Kuhn (Bern).

2.

Buuti! Buuti! Buuteli bu!
 Lyseli tue dyner Augleni zue.
 Muest nit gryne!
 Lue, die fryne
 Guete Meiteli gryne nit,
 Schwig, we d' fryni wãrde witt.

Buuti! Buuti! Buuteli bu!
 Schlafmys Lyseli! schlaf bis gnue.
 D's Mueti achtet,
 We's scho nachtet;

D's Mueterhãrz wott Schildwacht
 stah,
 Daß nüt Böses zue der cha.

Buuti! Buuti! Buuteli bu!
 Bhüet dir Gott dy süezi Rue!
 Wirst den älter,
 Ach! vil hãlter
 Wãhlt der Lust di mængisch a —
 ll de ist kes Mueti da.

G. J. Kuhn (Bern).

3.

Mys Buebeli! Gse Gott dy Schlaf,
 So wachst u wirst groß u brav!
 ll bist du das, so heft de gnue,
 ll bruuchst nit Gãld u Guet derzue.

Es isch so mänge ryche Ma
 Mit all sym Gãld gar übel dra;
 Er gãb sy besti Chue derfür
 Wãr's ihm um's Hãrz wie dir u mir.

Jã! Wãr kes rüewigs Gwüsse het,
 Schlaft nüt im beste Fãdrebett.
 Sys Gwüssen ist e Bölima,
 Vor dem er nit ertrünne cha.

Drum, Büebeli, wird groß u guet;
Gott gäb Dir's Ättis früsche Muet
u d's Muetis Härz u Tuget η,
So geit 's dir wohl. Es blyb darby!

G. J. Kuhn (Bern).

4.

Chömet u gschauet, was lyt da im Bett?
Gschauet! es Meiteli! hübsch isch's u nett,
'S luegt doch so lieblich und früntlich ech a;
Chönnt ig es härzigers Ängeli ha?

Schlaf nume, Meiteli! nimm da u schlaf;
Schlafisch, pos tusig, wie wirsch de so brav!
Bringsch es de wyter, we d' Schlaf hesch u Rue,
Selber as ig, wenn ig no so vil tue.

Wachst ja so glücklich u fröhlich denn uuf;
'S Ässen u Trinke, wie schmöck't's der de druuf!
Nimmisch geng u gisch nüt, u machsch doch so froh;
Cha das e Chönig, e Cheiser eso?

Froh wird i wäger je länger je meh,
Bien ig i's Meitelis Dügeli gseh;
Quege si hold de u früntlich mi a,
Isch's mer, as heig's der Alliebedi ta.

Schlaf jeh, du Härzigi, ruhig u guet!
Schlafisch, so chunnt der de Gsundheit u Muet.
Schlaf du, vo Sorge, vo Chümmere frei,
Auge voll Liebi bewache di treu!

Nach Ewald von H. Cornelius Sutermeister (Bern).

5.

'S Buebli muderet —
 Es schlaft eso nett,
 'S lit tüf im Chüssi
 Im warme Bett.
 Nu d' Ärmli rangged oben uus,
 Si chömed aber na nüd rächt druus.
 Es ghört na nüt
 Und gseht na nüt;
 Doch ob's nüd ghör und ob's nüd lueg,
 Es ist dem Buebli im Schlaf wohl gmueg.
 Jesh siht em — nei! e Flüg uf's Näsli
 Und chrabblet's.
 Und zletscht, wo's d' Flüg nüd wott verlaa,
 So fahrt's na mit dem Händli dernah.
 Uf einmal fäht's afä schreie —
 Was sind das für Stempeneie?
 Was ist das für enes Gschrei?
 Und d' Mueter lueget, was sei.
 Si nimmt en use, er cha scho stah!
 Und leit em sis farbig Röckli a
 Und leit em die warme Zinkl a d' Füech,
 Damit er nüd barfis sihe müech.
 So siht er i sim Gwändli,
 En artigs Blüemli im Händli —
 Das hebt er fest.
 Er siht und lueget still,
 Doch gseht er na nüd gar vill,
 Dänn d' Wält ist groß
 Und's Buebli chly,
 Bi wett's au scho drinn bewanderet sy?
 Ja, aber 's Mueß, das kännt's,
 Und wenn mer em nüd gitt, so pflännt's —
 Gschwind bringet's Pfändli und de Löffel bezue,
 So hät de guet lieb Kärli denn Rueh!

H. Kuegg (Zürich).

Abendlieder.

'S isch währli bald jeh Zyt,
Daß 's Kind in's Bettli lyt;
D' Fyrobeglogge litet scho,
I gfiech e Stern am Himmel stoh
Und d' Nacht isch nimme wyt —
'S isch währli bald jeh Zyt.

Und 's Begeli ufem Baum
Das schlooft und het e Traum,
Und d' Sonnen isch scho lang in d'Rueh,
Am Kindli falle d'Äigli zue;
Am Berg isch e goldige Saum,
E Liffli ruuscht im Baum.

Jeh schloof i frehlig y,
'S isch hitte lustig ghy;
Der lieb Gott het recht an mi dänggt
Und het mer hitt vil Freide gschänggt;
Er bhietet und segnet mi —
'S isch hitte lustig ghy.

Guet Nacht, jeh schloofen i
Uf mym liebe Kiffeli;
Der lieb Gott isch by mer und schänggt mer Rueh
Und macht mi fromm und deggt mi zue.
Ufem Baum schlooft 's Begeli —
Guet Nacht, jeh schloofen i.

Abel Burkhardt (Basel).

Morgenslieder.

1.

I bi do die ganzi Nacht
I mim Bettli inne glege,
Der lieb Gott het by mer gwacht
Mit sim treie Schuß und Sege
Und jeh wach i uff und sag:
Guete Tag!

D'Vegel tiend ihr Morgelied
Duffen uf de Bäume finge.
Nai, si werde niene nied,
Nai, wie hell die Stimmli klinge!
'S isch mer ganz, i feunt si jo
Schier verstoh.

Liebe Gott, i au, i sing,
Will mi in dym Lob ergehe;
Mit mym Kinderstimmli bring
I mi Morgeliedli jeh.
Herr, i bring, nimm's gnädig a,
Was i ka.

Lueg, wie scheen, wie herlig isch
D'Sunne iber d'Welt uffgange!
Siechsch am Berg dert d'Bäum und d'Bisch
Wien in Gold und Flamme prange?
Jo, vom Himmel strahlt mit Macht
Gottes Pracht.

Lege mi doch jehen a,
Bringe mir jeh myni Klaidli,
Daß i ume springe ka;

I will uffstoh waidli, waidli
Und au uff die langi Rueh
Eppis tue.

Liebe Gott, syg by dym Kind
Hitt uff alle syne Schritte,
Warn's vor jeder schlimme Sind,
Stergg's und mach's recht folgjam hitte,
Dafß mit Danggen i dä Tag
Schließe mag.

Abel Burkhardt (Basel).

2.

Guet Tag, mys Chind, i grüße di!
Jez darfschde wider wachber sy.
Wie heschde Bäckli rund und rot!
So chunnt es, wemm me schloofe goht
Zur rechte Zyt
Und rühig lyt!

Guet Tag, mys Chind, wie heiter bish!
Wie heschde Augli gsund und frisch!
Chumm jeze gleitig uf my Arm;
Do isch dys Rökkli, neu und warm.
Chumm uf my Schooß,
Mach groß, groß groß!

Guet Tag, mys Chind, Gott bhüeti di
Geng Tag u Nacht vor Leideli.
O blyb mer gsund und wird mer groß
Und gimm mer nie lei Meisterlos!
Mys Engeli,
Wie freusch de mi!

J. Hofstätter (Solothurn).

Schossreime und Pfandereien.

Chumm mis Buschi-Stümpfli,
Chumm und mach es Gümpli
Uf mini Chneu —
Grappeli-Bei —
Bald chunnt 's Büppli, mei!

* * *

I bin e chleine Pumpernickel,
I bin e chleine Bär;
Und wie mi Gott erschaffe het,
So wagglen ich derher.

* * *

I sitzen uf der Mamma Schoos,
I sitze niene lieber;
Si säge mer Alli meisterlos —
I lache nume drüber!

Reiterliedchen.

Chumm, Buebeli, cho rytte!
Chumm, ryt uf d's Ältis Schooß!
Das ist für selig Buebe
Bil besser as es Roß.
Draguner-Benz het fälber gseit,
Er syg icho mängisch abe gheit.

Dem Rüter schneit's u räguet's
Uf d' Nasen un i d's Gesicht.
Syß Roß chan ihm erschüüche,
U Baum u Sattel bricht.
Dir chan es keinish übel gah,
Dys Ätti's Hand u Hätz ist da.

'S Rüter lydet dickisch
 Gar Hunger oder Durst;
 Mueß schwarze Kumis ässe,
 U hätt er lieber Wurst.
 Dir chochet d's Mületi wyße Brei
 U Suppen u süßt Allerlei.

'S Rüter mueß ga chriege,
 Me sticht, me schießt ne z' Tod!
 Er fällt, er wird vertrappet,
 Ach, das erbarm si Gott!
 Dir dräut kei Find, kei Chrieg,
 kei Schlacht,
 Du läbst im Fride Tag u Nacht.
 G. J. Kuhn. (Bern).

Zoggeli, chasch au rite
 Jo, jo, jo!
 Uf alle beide Site?
 Jo jo jo!

* * *

Gesh im Rößli Haber ggäh?
 Trab trab trab —
 Wirf mer's Buebli über's Rößli ab!

* * *

Hopp hopp hopp!
 Rößli lauf Galopp!
 'S Rößli will nit laufe,
 'S Meitli will's verchaufe —
 Trapp trapp trapp
 Wirft 's Rößli 's Meiteli ab.

* * *

Hanselima hät Höfeli a
 Und 's Dägeli uf der Site;
 Hät 's Roß verchauf und 's Gäld verbuht,
 Jesh chan er nümme rite.

* * *

Hanseli am Bach
 Hät luter guet Sach:
 Hät Fischli am Morge
 Und Chräbseli z' Nacht.

* * *

Drei Rose im Garte,
Drei Tannen im Wald,
Im Summer isch's lustig,
Im Winter isch's halt.

* * *

Buttiheie soli,
'S Ghindli ist en Trolli;
Buttiheie, Wiegelistof,
Über's Jahr ist 's Ghindli groß,
Über's Jahr cha's Ghindli laufe
Und em sälber Strümpfli chaufe.

* * *

Es chunnt e Bär, wo chunnt er här?
Es chunnt e By, wo will si y?
Es chunnt es Mäsefeli —
I's chlyne, chlyne Härzhüfeli!

* * *

Ghineli, Müneli, Nasepizeli,
Augespiegeli, Stirnetüpfeli
Und es chlys chlys Haarrüpfeli!

* * *

Das Häärli will i rupfe,
Am Ohrli will i zupfe,
Die Augebedeli lufpe,
Und 's Näsli da la schnupfe,
Die rote Baggeli tupfe,
I's Müli ine schlupfe
Und da das Hälsfeli stupfe!

* * *

Wart es Wyli, beitt es Wyli,
Sig es Wily nider;
Und wenn d' es Wyli gsäße bist,
So chumm und säg mer's wider.

* * *

Güggerüggü! de Morgen am Trü!
 D' Herren i Not,
 D' Buuren i Ghot,
 D' Bueben i d'Schuel
 D' Meitschi a Spinnstuel.

* * *

Gia Popeia de Bappen ist guet,
 Wemm me brav Zucker und Zimmet dra tuet.
 Zucker und Zimmet und Mandelfern
 Äßet die chlyne Meiteli gern.

* * *

Heile heile Säge,
 Drei Tag Räge,
 Drei Tag Schnee —
 'S tuet em Ghindli nümme weh!

Fingerzählen.

Das ist der Duume,
 Dä ist gern Ruume,
 Dä seit: Wo näh?
 Dä seit: Go stähle —
 Und dä chly Lächer geit's go em Mueterli säge.

* * *

Das ist der Duume,
 Dä schüttlet Pfluume,
 Dä list sen uuf,
 Dä treit se hei —
 Und dä chly Schelm ist sen elei.

* * *

Dä isch i's Wasser gfallt,
 Dä het en use zoge,
 Dä hät en hei treit,
 Dä hät en i's Bett gleit —
 Und dä het's Vatter und Mueter gseit.

* * *

Fünf Engeli händ gfunge,
 Fünf Engeli chömed gprunge:
 'S erst bloöst 's Föürli a,
 'S zweut stellt 's Pfändli dra,
 'S dritt schüttet 's Böppli drö,
 'S viert tuet brav Zucker u,
 'S fünft seit: 'S ist agricht —
 Zeh, mis Buebli, brönn di nit!

* * *

Do ane lauft e Wegli,
 Do ane springt e Häsli —
 Dä het's gschosse,
 Dä het's brote,
 Dä het's ggäße,
 Und dä glei Binkis het müesse 's Tällerli uusschläde.

Nedereien.

Wann das Kind eine Geschichte hören will.

- 1) Soll i der e Gschichtli verzelle?
 'S isch e mol Frau gsi, die het e Kätzli gha,
 Si het's in Rhy trait, si het's wider welle,
 Soll i der's no emol verzelle?
- 2) Soll i der e Gschichtli verzelle?
 So i will der das Gschichtli verzelle,
 Von i gestert hät sellen im Großmüeterli verzelle
 Von eme Ma und ere Frau
 Und ere Welle Strau —
 Soll i der das Gschichtli verzelle? u. s. w.
- 3) O Ma, e Frau, e glaine Bueb,
 Die gangen uff Sant Jokeb zue,
 Und wo si uff Sant Jokeb kemme,
 Do kunnt e Ma, e Frau, e glaine Bueb,

Die gangen uff Sant Jokeb zue,
Und wo si uff Sant Jokeb kemme,
Do kunnt zc.

(So lange es der Erzähler oder der Zuhörer aushält).

Fraueli, wo sind er her?
„Vo Züri oben abe!“
Was händ er feil?
„Schöni roti Paradiäpfeli.“
Wie mäng um e Bage?
„Fünfi!“
Warum nit sächsi?

„My Ma will 's nit lyde.“
Seit der au e Hushaltigsli?
„Jo e Gaifli.“
Git es üch au Milch?
„I bi nit vo Altkirch.“
I glaub, er höret nit wohl?
„Woll, woll, e ganze Schübel voll.“

Nacherzählen.

Joggeli, gang go Birli schüttle!
D' Birli wän nit falle.
Do schickt der Herr das Hundeli use,
'S soll der Joggeli byße.
Joggeli will nit Birli schüttle,
D' Birli wän nit falle.

Do schickt der Herr das Bengeli use,
'S soll go 's Hundeli schlage.
Bengeli will nit Hundeli schlage,
Hundeli will nit Joggeli byße,
Joggeli u. f. w.

Do schickt der Herr das Fürli use,
'S soll go 's Bengeli brenne.
Fürli will nit Bengeli brenne,
Bengeli will nit u. f. w.

Do schickt der Herr das Wässerli use,
'S soll go 's Fürli lösche,

Wässerli will nit Fürli lösche,
Fürli u. f. w.

Do schickt der Herr das Chälbli use,
'S soll go 's Wässerli lappe.
Chälbli will nit Wässerli lappe,
Wässerli u. f. w.

Do schickt der Herr der Mehger use,
Er soll go 's Chälbli schlachte.
Mehger will nit Chälbli schlachte,
Chälbli u. f. w.

Do schickt der Herr der Henker use,
Er soll der Mehger henke.
Henker will nit Mehger henke,
Mehger will nit Chälbli schlachte,
Chälbli will nit Wässerli lappe,
Wässerli will nit Fürli lösche,
Fürli will nit Bengeli brenne,
Bengeli will nit Hundeli schlage,

Hundeli will nit Foggeli hyße,
Foggeli will nit Birli schüttle,
D' Birli wän nit falle.

Do chunnt der Herr selber use. —
Jez will Henker Mehger henke,
Mehger will das Chälbli schlachte,

Chälbli will das Wässerli lappe,
Wässerli will das Fürli löfche,
Fürli will das Bengeli brenne,
Bengeli will das Hundeli schlage,
Hundeli will der Foggeli hyße,
Foggeli will die Birli schüttle,
D' Birli fallen alli alli abe!

(Das Kind wird vom Knie heruntergelassen).

Nachsprechen.

Beck bad Brod, Bueb bring's bald!

Mehger weh mer 's Mehgermäffer, das i cha mi Sau erstäche.

Schau schau Schang, d' Sunn schynt scho!

3' Basel uf der Rhybrugg find drü liri leeri Röhrli und die drü
liri leere Röhrli lehred d' Lüt rächt rede und nid lorgge.

Meist mächt Most?

Kei chly Chind cha kei Chabischopf choche.

Wämm mer wäre, wo mer wötte, wo wäre mer wohl?

Ein Bige = Boge = Postpapyr, zwei Bige = Boge = Postpapyr u. s. w.

Hät der öppen Öpper öppen Öppis to?

Hinder 's Heiri-Hanse-Hallers Hüßli han i hundert Hase höre hueste.

Chäu d' Sach zerst, seb d' redst.

Verbergis.

(Mutter sucht überall.)

Nei, das ist au! Wänn ich nu wüßt,
Wo ietzt mis Buebli wider ist;
Ich find es halt nu niene meh;

'S ist druus und furt, Herr Je, Herr Je!
Iß' öppe gar verreis? Ja ja,
Nach Rußland und Amerika.
Gewüß hät's e so en schlimme Plan
Und fahrt ietzt mit der Nebahn
Gar zu de Mohren über's Meer.
Wo nimm ich dänn es Buebli her?
Das ist ja gar erschrockeli wit,
Und dert gitt ihm gwüß Niemert nüt;
Hett's Abie gseit, so hett's doch no
Bil gueti Mümpfeli übercho
Vom Honigbrot und Chueche da —
Jetzt hät's gar nüt. Wie wird's ihm gah!

(Buebli springt hinter der Tür hervor.)

Halt, Mamma, halt! ich bin no da!
Doch d' Gutsche stah scho vor der Tür;
De Schnächt füehrt 's Roß scho us der Schür;
Drum gib nu gschwind die guete Sache,
I mueß dänn d' Reis nüß hungrig mache.

Staub's Bilderwerk (Zürich).

Kinderfreunde aus der Tierwelt.

Treue Freundschaft.

Es Chätzli und es Mүүсли sind mitenand spaziere gange. Da chömed s' zum ene hōche Bruggli. Aber keis waget's übere. 'S Chätzli seit: „Mүүсли gang du vora!“ „Nei“, seit 's Mүүсли, „Chätzli gang du vora!“ Und 's Chätzli gaht. Aber, aber! es fällt abe, chunnt uf enen spitziige Stei und es git bi-gost es Loch i's Bүүchli.

Es schreit und rüeft dem Mүүсли: „Bitti, gang gschwind zum Schuemacher und hol Draht zum 's Bүүchli zuebüeze.“ 'S Mүүсли springt weidli zum Schuemacher und seit: „Schuemacher, gimm mer Draht, daß mer chönd em Chätzli 's Bүүchli zuebüeze.“ De Schuemacher seit: „Ja, wänn d' mer Vorste bringst.“ Da gaht 's Mүүсли zum Säuli und seit: „Säuli, gimm mer Vorste, daß i d'Vorste cha dem Schuemacher bringe, daß er mer Draht git, daß mer chönd dem Chätzli 's Bүүchli zuebüeze.“ 'S Säuli seit: „Ja, wänn d' mer Milch bringst.“ 'S Mүүсли gaht weidli zum Chüeli und seit: „Chüeli, gimm mer Milch, daß i d'Milch cha dem Säuli bringe, daß mer 's Säuli Vorste git, daß i d'Vorste cha dem Schuemacher bringe, daß mir de Schuemacher Draht git, daß i de Draht cha dem Chätzli bringe, daß mer chönd 's Bүүchli zuebüeze.“ 'S Chüeli seit: „Ja, wänn d' mer Gras bringst.“ Da gaht 's Mүүсли zum Buur und seit: „Buur, gimm mer Gras, daß i 's Gras cha dem Chüeli bringe, daß mer 's Chüeli Milch git, daß i d'Milch cha dem Säuli bringe, daß mir 's Säuli Vorste git, daß i d'Vorste cha dem Schuemacher bringe,

daß mir der Schuemacher Draht git, daß i cha de Draht dem Chäsli bringe, daß mer chönd 's Büüchli zuebüeze!" Da git em der Buur Gras. Da bringt's 's Gras dem Chüeli. Da git em 's Chüeli Milch. Da bringt's d'Milch dem Säuli. Da git em 's Säuli Borste. Da bringt's d'Borste dem Schuemacher. Da git em de Schuemacher Draht und da bringt's de Draht dem Chäsli und da händ'f' chönne das Büüchli wieder zuebüeze und da find'f' mitenand witer's ggange.

Nach dem Volksmund im „Kindergärtlein“ VIII (Zürich).

'S Bethli Gugguus.

Dem Bethli Gugguus
Sini Schäfli sind druus —
Macht nüt; lo si nume verschwinde.
Die finden elei
De Wäg wider hei
Und löhnd au d' Schwänz nit dehinde.

'S Bethli Gugguus
Schloft ɳ mit Verdruß
Und meint: Jez ghör se si schreie.
Doch wo's druf erwacht
Und d' Äugli ufmacht,
Ist halt no keis Schof do — o heie!

Do nimmt denn mis Chind
De Hooggestock gschwind
Und suecht sini Schöfli, die schlimme,
Und findt si au grad
Doch lueg au, wie schab!
Jez händ si d' Schwänzli doch nümme.

Doch einist, was gscheht?
Do gwahret mi Beth
En Baum him Spaziergang dur d'Matte;

Deert hange die Schwänz
Wie Jugendfest-Chränz
Und gähnd halt de prächigist Schatte!

Doch 's Betheli seit:
„Das dunkt mi nit gfreut,“
Und höögget die Schwänz vo den Gste
Und treit si i's Huus:
„Do, Schoof, läsed uus,
„'S kennt Jedes dank synen am beste.“
O. Crismann (Margau).

Vom Chäpli.

O mis Büfeli,
Bist so grüfeli,
Bist so tufigs nett;
Bist so artig und manierli,
Und bis Chöpfli ist so zierli,
Daß di eister streichle fett.

O du Chrügeli,
Alli Rügeli
Wottst zum Goope näh.
Laß säb Garn, laß' unterwäge,
Ober wart, i tuene 's säge,
Dänn tuet's aber Wätter gäh.

Bist es Trübbeli
Und es Strübbeli,
Wie 's kei jülers gitt.
Lueg die schöne rote Plägli,
Nimm die Plägli und die Fägli,
Mach und goop, so vil daß d' witt.

Gump, du Zäbbeli,
Gump, du Chräbbeli,
Goop und gump und spring;
So nes Häspeli mueß si drähe —
Aber wottst es Bögeli fähe,
Dänn, dänn bist es Lumpeding!
H. Kuegg (Zürich).

Ds Annebäbis Chäpli.

Da gschaimet ds Annebäbi,
Wie's trurig ds Chöpfli hänt
Und eister luegt a Bode
Und schmärzli nachedänkt!

Es spitzget alleeinist,
Als tät em ds Härz so weh —

Es jaislet eister stercher
Und flänned meh und meh.

Wol mecht's der Franzli treefte,
Verspricht em, was er cha.
Was nigt 's? Mys Annebäbi
Das nimmt kei Trost meh a.

Was isch em ächt begägnert,
Dem liäbe guete Härz?
Gahnt, holet doch e Dokter,
Sust stirbt das Ghind vor Schmärz.

O fraget nit! — 's isch grusig —
Es gilt am liäbste Schaz;
Denn hit isch, ach! ihm gstorbe —
En jungi, scheeni Schaz!

Joseph Wipfli (Uri).

De Guoni.

Was meinist, Spiz, de möchtißt au?
Ja, gäll, du bist nüd dumm!
Wänn d' amen Ort es Süppli
gshmöckst,

Da tuest di hurtig um.

Wänn d' nu es bigli warte magst,
So chunnt 's dänn au a dich.
Du bist en fule Pelz. Was meinist,
Wänn d' schaffe müescht wie ich?

I ha mi Doche umme treit,
Si hett suust fürchtig gschraue,
Und 's Gwändli hann ere gwätsche
alls,

De chasch es det na gschau.

Ja, wämm mer so es Ghindli hät,
Vergaht ein 's Ummelige.
Jez mueß i meine, was i heb,
Daß' nu e chly tuet schwige.

Ja, das ist anders, Spizi, mei,
So schaffe und so z'wäre,
Als wenn mer cha spaziere gah
Und umeftah wie d' Herre.

So ieh, schlack uus! Da häst no grad
Es Mümpfeli us der Tätsche.
'S ist guet, daß d' feini Chleidl
bruuchst,
Sunst müescht i s' au na wäsche.

H. Rüegg (Zürich).

Wo mer der Fritz, üse Chüngel, vergrabe hei.

Briegget, briegget, alli zäme,
Jedes, was es nume cha!
Üse liebe Fritz isch gstorbe,
Üse Fritzi, lueget da!

I däm Schindelbruckli inne
Sigt er u het d' Auge zue,
Wäger grad, wi wen 'r nume
So chly wett d'rglyche tue.

Aber nei, da a däm Beindli
Gseht dr, gseht dr da syß Bluet?
Ds Nachbuurs Maudi het ne bisse,
O! dä Maudi kennt me guet!

Mängisch het dä Schelm scho
gluufet,
Isch fogar i ds Höfli cho,
Und dä Morge, ach dä Morge
Het 'r üse Fritzi gnoch!

Dert bim Brunne, dert bim Türli -
Ds Schuelhuus = Bäbi het's grad
gseh,

Won es isch ga Wasser reiche -
Chinder, dert isch d' Mordtat gseh!

'S het dr Mörder du vertribe
U dr Frigi zuen is treit;
Weder gar nit lang isch 's gange,
Het 'r sech zum Etärbe gleit.

Chinder, d' Händ heit jiz zäme
U zieht Alli d' Chappen ab!
Sie bim alte Tierli-Bäumli
Bege mir ne jiz i ds Grab:

„Lieb-Gott, nimm dr Frigi Himel,
„Gib ihm Haber, gib ihm Ehlee;
„Mach, daß mir o use chöme
„U dr Frigi wider gseh!“

Gottfried Straßer (Bern).

Frösche-Hochzeit.

Es Fröschli ist im Wasser gsi,
Und i der Mühli 's Müüfeli.

De Frösch de will z'Visite goh,
Het Roß und Schild und Schwert mitgnoh.

Er sitzt zu Pferd gar hoch und stolz,
Die Bottine glänze wie Ebeholz.

Er chunnt vor's Mühli-Herlis Huus,
„Sind Ihr deheime, Jumpsfer Muus?“

D' Muus chunnt; Si gseht ganz staubig uus.
„I wär denn d' Jumpsfere vom Huus.“

„Hest öppen echli es Aug uf mi?“
„Ja, Jungfer Maus, ich liebe Sie!“

„Und wer mues eus denn zäme geh?“
„Mir wänd de Pfarrer Rahmuus neh.“

„Zum Schmaus, was git's für gueti Sache?“
„Drei Bohne, in es Pfund Anke bbache.“

Druf händ si gpiße mitenand,
Frösch, Muus u Rahe-Predikant.

Doch goht's nid lang, ist's Büsi cho,
Het Zumpfer Muus bim Fäcke gnoh.

Ach Scheiden und Meiden und das tuet weh!
De Frösch schlüüft under's Kanapee.

Das nützt ihn nüt; en Ent hunnt ine
Und schlüüft ihn abe mitsannt de Bottine.

D' Ragmuus salviert si under's Dach —
So schließt die Gschicht mit Weh und Ach.

O. Crismann (Murgau).

Frösch und Chreih.

Im See schwimmt es Fröschli, so feiß und so lieb!
Am Gstad stoht en Chreih, — paß uf! 's ist en Dieb!
„Chum as Land, chum as Land,“ seit zum Fröschli de Chreih.
„„Chume nit, chume nit, du bickst mi i's Bei.““

„Chum, chum, ufem Hübel ist Musik-Soaree,
„Deert darfst du denn tanzen im gäle Schilee,
„Im gäle Schilee und mit Borten am Gheid,“
„„Im gäle Schilee? Woll denn chum i bim Eid.““

„„Ade jeh, ade jeh, ihr Fischen im See,
„„I gohne go tanzen im gäle Schilee.““
„Paß uf,“ säge d' Fröschli, „blyb lieber im See“,
„„Ah bah““ seit de Frösch, „„händ nit Chumber, ade!““

De Frösch de löst nit, und de Frösch schwimmt a 's Land.
De Chreih de hunnt z'schwimme und git em schön d'Hand;
„Gottwilche, Herr Frösch, se Gottwilchen am Gstad,“
„„Dank heigist““, seit's Fröschli, „„dank heigist, Kamerad.““

„„Wo ist jeh ufem Hübel die Musik-Soaree?
„„Und wo cha me tanzen im gäle Schilee?““
„Do tanz!“ seit de Chreih, und er nimmt ne bim Ohr,
Und schlüüft e und frißt e mit Hut und mit Hoor.

O. Crismann (Murgau).

D'Brösmeli ufem Tisch.

Der Guggel het einisch zu sine Hüendlene gseit: „Chömed weidli i d'Stufe ufe go Brodbrösmeli zämebäcke ufem Tisch; Gufi Frau isch uusgange go ne Visite mache.“ Do säge do d'Hüendli: „Nei, nei, mer chöme nit; weist, d'Frau balget ame mit is.“ Do seit der Guggel: „Si weiß ja nüt dervo, chömed ihr nume; si git is doch au nie nüt Guets.“ Do säge d' Hüendli wider: „Nei nei, 's isch uus und verbi, mer gönd nid ufe.“ Aber der Guggel het ene kei Rueh glo, bis si endlig gange sind und ufe Tisch und do d'Brodbrosmeli zäme gläse hend in aller Strengi. Do chunnt justement d'Frau derzue und nimmt gichwind e Stäcke und steubt si abe und regiert gar grüseli mit ene. Und wo si do vorem Huus unde gsi sind, so säge do d'Hüendli zum Guggel: „Gse gse gse gse gsehst aber?“ Do het der Guggel glachet und numme gseit: „Ha ha han i's nit gwüßt?“ Do hend si chönne goh.

Kinder- und Hausmärchen aus der Schweiz.

Vogelsprache.

Hühnerweih:

Hiehar! Hiehar!

Hahn:

Tue d' Hüendli y! — Laß mer f' la gah! — La si lo sy, si sind jo my! — Uuf uuf! 'S ist jo Bzt, ha dir jo grüest!

Mach mi nid höh!

Henne:

Gaggaggaggaggai, 's Hüendli leit es Ei.

Gluckhenne:

Brugg Brugg! — Duck bi duck, alli Stuck, under mi Ruck!

Meiße:

Titi feil! Titi feil! — Zyt ist do, Mugge z' foh! —
Spiz di Schar, spiz di Schar! — 'S gfrürt, 's gfrürt!

Goldammer im Winter:

Me gitt is nüt!

Fink:

Wi wit? Wi wit? Nüd wit, nüd wit. — Hest heft heft, es ist Zit! —
Flink flink flink! Gschwind gschwind! — Bsinn di wohl,
bsinn di wohl! — Nüd deheim, wider hei!

Baunkönig:

Hüeti di! Hüeti di! — Ume goh! Z' regne cho!

Wachtel:

Bürste feil! — Tritt mi nit! — Schüß mi nit! —
Gimm mer Brot, 's het fei Not!

Schneevogel:

'S schnyt! 's schnyt!

Bi, bi, by!

'S Marie gaht zum Hüenerhuus
Und lat sini Bibi uus:

Guede Tag, ihr Hüenli my!
Chömet weibli, bi, bi, by!

Lueget Bibi, lueget da,
Was ich i mim Schürzli ha!

Wegglibrod und Waizchern
Äffet mini Hüenli gern.

Weibli, Bibi, bi, bi, by!
Chömet Alli, Groß und Chly!

D' Hüenli säget: mir sind da,
Gaggaggaggaggaggaggah!

Und de Güggel chräht im Tau:
Güggerügü! da bin ich au!

'S Chindli streut si Chernli by:
Äffet artig, bi, bi, by!

Seh, Herr Güggel, 's gaht nüd so
Laß de Chlinen au dervo!

Chömet, wänd zum Bächli gah,
Müend es Morgetränkli ha.

Sorgete Alli, Jung und Alt,
Daß mir Keis i's Wasser fällt.

Und am Bächli, bi, bi, by,
Tunket f' ihri Schnäbeli y.

Händ si Tröpfli trunke, druuf
Dueget i' gschwind zum Himmel auf.

Säget i' ächt für Spys und Tranf
Ihrem Herrgott Lob und Dank?

'S Chindli seit: Jeggöhd mir hei,
Jedes leit es Nsterei.

Legget mir denn öppen au
Eis für 's arme Nachbers Frau.

Nähmed i dänn ordli z' Nacht
Vor dem tuufigs Fuchs in Acht;

Lönd ihn nüd zum Türli v:
Bhüet i Gott, ihr Hüenli my!

(Zürich.)

Wunder über Wunder.

'S ist einist e Buech gsi und dä hed es Vogelneft gwüßt
im ene hohle Baum innen und ist uegchletteret und hed's wellen
uśnäh. Wil aber 's Loch z'chly gsi ist, as daß er mit der Hand
hätt chönnen ie länge — was tuet er? — Er bfinnt si nid
lang und ist flingg mitem ganze Lyb i Baum iegchroglet und
hed 's Nest uśgnoh. Jez ist er im Baum innen und 's Loch
ist z'chly und er cha nimmern use. Was mache? — Er springt
was d'gibt was d'hest hei, holt en Nchs, schlycht wider i Baum
ie und haut von innen usen es Loch, son es großes, as er
mit sim ganze Lyb und mitem Vögelineft i der Hand wider
hed chönnen usechlüüffe. Das ist en Arbeit gsi, jo das will i
meine!

Egli (Luzern).

Das Vogelneftli.

1.

„Da han i se: Eis, zwöü u drü!“
Rüest höch vom Baum der Ruedeli.
D zeig, was i der Hand de hest?
„Buechfinkli syn es, no im Nest.“

„Ja zapplet, schreiet ach u weh!“
„D dihr ertrünnet mir nit meh,
„Ich will ech in e Chräze tue,
„U z' frässe müest der ha bis gnue.

„So werdet dihr bald groß u schön
„U singet frohi Liedertön.
„Drum heit nit Angst, iyt lieb u froh,
„So git's es Zuckerbröckli no.“

U wien er mit nen abestngt.
Lue doch, was geng da umeßlügt:
Es het kei Rueh, es suecht u schreit,
Daß ds Jammergschrei dür ds Herz eim geit.

Was heßt o, Bögeli, was heßt?
Ach d' Mueter isch 's, si suecht na'm Nest:
„Gib d' Chind mer zuck, du heßsch se gnoh,
„Süsch stürben i vor Chummer no.

„Was meinsch, wenn di e Räuberhand
„Wegführti in es anders Land,
„Wo Mueter weg u Batterarm?
„Du hültsch o, daß Gott erbarm!“

Der Chnab het still, lat ds Nestli sy
U d' Mueter setzt si wider dry,
Zieht ihri Chinder groß u schön
U lehrt si singe frohi Tön.

U wenn der Früehlig neu erwacht
U Baum u Fäld voll Blueme lacht,
So singe d' Bögeli zum Gruetz
Ds schönst Liedli geng um ds Chnabe Huus.

fr. Haller (Bern).

2.

„Großmieterli, wottsch waidli to!
Lueg, in der Haselstude do,
Wo Laub und Zwygli ganz verdeggt
E Vogelneftli z' miße steggt.

(Bard)

„Und Gili sind drin, gsiehsch si nit?
Ach läng mer 's use, wenn de witt.

Mer kenne 's in der Kratte näh,
I mecht 's deheim im Fröhli gä!" —

— „Nai, Meieli, mer wänd 's lo stoh,
Die Alti wird bald wider ko;
Und fänd si nit ihr Nestli meh,
Dängg au, es wurd ihr windeweh.

„Si het e groözi Mieh mit gha,
Me gsieht's im Nestli wäger a,
Wie mengmol ich si gfloge nit,
Runnt haim und bringt e Nysli mit.

„Und wo si vorher fir ihr Huus
Het gspionirt e Plähli uus,
An dem 's nit Jede finde ka,
Do soht si nohe z' bauen a.

„Was sind die glaine Fießli gschiggt!
Und an de Hälmlene, wie zwiggt
Mit 's Schnäbeli und biegt si do,
Und tuet si dert lo use stoh!

„Si baut und flechtet ohne Raft,
Bergift im Yfer 's Ässe fast,
Und 's Nestli wachst, bis daß am End
Z' ringsum erbaut sind alli Wänd.

„Und sowit fertig wär 's jeh scho,
Doch 's fehle d' Krummligkaite no:
E Bettli, wo me laitsche ka
Und waichi Kiffi nebena.

„Au do und dert am Nestli noch
Ich öppen in der Wand e Loch;
Verstopfe mueß me's hintedry,
Sunst zieht der Durluft us und y.

„Und 's Begeli, es bsinnt si nit,
Het 's au kei Geld zum Kaufe, 's gitt

U große Heer, der schänggt im scho
So vil 's nur bruucht, zu dem will's geh.

„Es hängt e Fleggli an de Hüg,
Es lyt e Ross hoor uffem Weg,
Es waht e Fädemli im Wind —
Es fangt 's und trait 's in's Nestli gschwind.

„'S Mint dohi kunnt und 's Ander dert
In 's Nestli yne, wo sy 's gheret;
Und isch druff Alles, wie 's soll sy,
Do siht 's no selber z' mihe dry.

„Und 's isch em wohl im aigne Huus,
Es luegt mit nufern Auge druus,
Ob 's regnet und ob 's kuttet z' Nacht,
Im Nestli nimmt 's es nit in Acht.

„Am Nestli het 's si gresti Fraid,
In's Nestli het 's au Gili glait;
Und schliefe Junge druus am End,
Im Nestli drin si d' Haimet händ.

„Du gunn ihm d' Fraid, mi Kind, und los:
Spg brav und flyhig, und bisch groß,
Will 's Gott, sih'sch au nemol e so
Bergniegt im aigne Nestli do!“

Ch. Meyer-Merian (Basel).

W a r n u n g.

Buebe, lömm mer d'Vögel flüüge,
Stiget nüd uf d' Tannen ue!
Eurem Chlättre, eurem Luure
Glaubed s, schaut de Herrgett zue.

D Vögeli händ 's grad wie d' Mäntsche;
Känned Freud und känned Schmerz;
Wer es Vögeli cha betrüebe,
Hät au gwüß e böses Herz.

Ich es nüd so herrli z'loje
I der schöne Früehligs zit,
Wenn 's im Wald und wenn 's im Dörfli
Us de Zwyyge lustig chyt?

Pfiffet f' nüd enand so liebli
Wenn 's zum Morgesäge goht,
Bringed f' nüd so gern de Chlyne
Uf de Tisch ihr tägli Brot?

Buebe, lömm mer d' Vögel flüüge,
Nähmed mer kei Nestli uus;
Streuet doch im harte Winter
Lieber Brösmeli vor 's Huus!

Konrad Meyer (Zürich).

De Chräbs und de Fuchs.

Es ist emol im Summer ghy
Und schöne warme Sunneschy,
Se goht es Chräbsli us em Bach
Und chräsmolet i's Gras als gmach
Und chrüücht am Pörtli her und hy
Und dänkt: Es chönnt nit schöner sy!

Und won er chrüücht so hin und her,
Chunnt us em Holz en Fuchs dether,
De lueget zue und lachet dänn
Und seit: Hoho, häst du es G'ränn!
Herr Chräbs, me möcht vom Luege scho
Elegen ußer Atem cho!

Do seit der Chräbs: „Jä gäll, i cha's?
I bin na gschwinder as en Has.
Was meinst mer wänd en Wettlauf mache?“ —
„Warum nit gar, das wer zum Lache!“
Seit do de Fuchs — „wie mit söll's gälte!
Vo Wifedange bis go Bälte?“ —

De Ehräbs seit: „Rei, das wer mer z' mit;
Wänn's mü eßt sy, sperzt' i mi grad nit;
Rei, aber da die Wisen uus
Wo da bis det zum Schügehüus.“
„Nu mira,“ seit de Fuchs, „und 's Gwett?
Was gilt's?“ — „Ja wän i nu meh hett!“ —

„Feuf Franke?“ — „Rei, i seze zwee.“ —
„Was, zwee blos?“ — „He, se seß du meh.“ —
„Nu also zwee“ — „Jä wart jeh na,“
So seit de Ehräbs, „'s gaht nanig a,
I will der na en Bortel la,
Und wottsch de nid, so blyb i da.“ —

„En Bortel? mir? vo dir? wie dumm,
Dä Ehräbs dem Fuchs?“ — Ja ja, jeh chumm
Und stell di vor mi ane da,
Wott s' Muul bi dine Füeße ha —
Bin hindere Füeße — chehr di um;
Lach nid, das ist din Bortel drum.“

„Me cha der ja din Wille la,“
Seit druuf der Fuchs und stellt si a,
Dem Ehräbsli mitem Schwanz vor 's Muul. —
Mis Ehräbsli aber ist nid fuul
Und chluppet si am Schwanz im Schwiß;
De ist se buslig und se dick,
De Fuchs gspürt 's nid. — „Jeh Eis, Zwei, Drü,“
Se rüeft de Ehräbs; „jehst fürsi, hü!“ —

Do fahet de Fuchs a lause, ränne,
As wänn em Päch im Ohr tet bränne;
Er schüüßt dur d' Wisse wien e Bräm,
Rei Psebahn em nahechäm.
Er chunnt zum Zyl und chehrt si um
Und rüeft: „Wo ist er ieh, de Tumm?
Jeh han i da drei Stund lang Rueh.“ . . .

„Meinst?“ seit der Ehräbs do hinderem zue —
„I bi scho sidem Morge da,

De heßt mi sölli warte la.
'S wer halt verspillt, gäll? Macht en Franke
Und hundert Santim — so, i danke.“ —

De Fuchs mit ebig suurem Gesicht
Dem Chräbs das Sümmlü fürericht,
Nimmt dänn de Schwanz gschwind zwüschet d' Bei
Und schlycht, fuchsrot vor Gschämi, hei.

A. Corrodi (Zürich).

Der Richterspruch.

Es händ emol zwo Chaze solle
I 's Chrämers Tenn uf d' Muusjagd gah;
Statt desse händ f' es Chäsli gstole,
Und feini wott 's der andere lah.
Do krieged f' Strit. Zletzt werdet f' einig:
Der Aff mües ihre Richter sy,
De heb ja gwüß die gschydft Meinig —
Und jedi seit: „Es blybt debig!“

De Aff erschynt als wyse Richter;
Er hät e Waag i syner Hand.
Die Chaze mached ernsti Gsichter:
De Richter hät en schwere Stand.
Doch bruucht er da nüd lang z'studiere,
Gschwind macht er usem Chäs zwei Stuck,
Zeit f' denn uf d' Waag und möcht probiere,
Ob's uf 're Syte abetruck.

Zuerst geht er rächts die Schale sinke,
Byßt drum vom Chäs en ordlis Stuck
Und leit, daß d' Waag uf höri z'hinke,
Das übrig a syß Örtli zrud.
Doch s' Wäage wott em lang nüd glinge,
Bald fehlts no da, dänn wider beet;
Er frist druf los bis zum Verspringe,
So daß mä fast kei Chäs meh gseht.

„Halt!“ ghört män iez die Chaze schreie,
„Hör uuf! so chann’s nüd lenger gah!
Gern zfride find ja beed Parteie,
Wänn d’ eus no witt jäs Mödli lah!“
„So?“ seit der Aff, „jezt find er zfride?
Ich aber,“ meint er, „no nüd gar!
Ihr händ mi da als Richter bschide,
Mir ghört mys Löhnli, das ist klar!“

Bi dene Worte frist de Richter
Ganz gmüetli no de übrig Chäs.
Die Chaze mached langi Gsichter,
Das Urtel dunkt j’ au gar so räp. —
So gah’t’s, wo wägen gringste Sache
Zwee Teil grad Stryt und Händel händ:
En dritte chunnt und packt mit Lache,
Was die denand nüd gunne wänd.

H. A. (Zürich).

Tanz und Spiel.

Zum Tanz.

Bueben und Meidli, chömet zum Tanz
Im Vollmondschyn und im Sterneglanz!
Nybed de Schloof zu den Augen uus,
D' Kamerade warte scho lang vorem Huus.
Und gsunge mueß sy und gjuchzet, daß 's chracht;
Mir wänd e leis Chind, won es Trämbeli macht.
Und weles am wyteste gumpe cha,
Das mueß mer en bazige Wegge ha!

O. Crismann (Aargau).

Ume Holderbusch.

Mir tanzen ume Holderbusch;
Chalt blost de Wind dur's Ischöpli;
Drum huuche mir Alli, husch husch husch!
In eufi rote Lööpli.

O. C.

Guet ist besser als besser. (Bern).

„Chömet doch u machet Spil,	„I weiß öppis: Blindimuus!“ —
„Jedes sägi, was es will.“	„Ja, da lauft geng Alles druus!“
„Ring, Ring, Talerring!“ —	„Schwarze Ma — wär will da
„I ma nid, daß isch mer j'ring!“ —	cho?“ —
„Watte, watte, wyle wo?“ —	„I weiß öppis Bessers no:
„Nei, da ma-n-i nüt dervo!“ —	„Wei mer eis Dubezi mache?“ —
„Nu, su wei mer Frauele!“ —	„Ach, da chöne mir nid nache!“ —
„Luftiger wär: Herrele.“ —	„Nu, su wei mer Ringeis schla!“ —

„Ach, das hei mer ja scho gha!“ —
 „Bei mer öppe Tschiggliß eh?“ —
 „Plumpfack gfieli mir vil meh.“
 — U vor luter Bessers Rate,
 Wott keis einzigs Spil ne grate;
 Stande wie d'Olgöze da

U hei Zangg u Täubi gha.
 — Währed Die hei zangget no,
 Mache da die Chlyne froh:
 Ring, Ring, Thalerring,
 Wär isch doch i disem Ring?

fr. Haller (Bern).

Wänn i es Rößli hett.

Wänn i es Rößli hett,
 Wett i brav rite,
 Wänn i uf Basel wett,
 Gieng i bi Zite.
 Mitte dur Majestruß,
 Zmihet im Laub
 Riten ich wie en Prüß —
 Lueg au dä Staub!

Chumm i an Hauestei,
 Chan i druf use;
 'S Rößli und ich ällei
 Lüend is verschnufe;
 Lueged en Augeblick
 Aben i's Tal:
 D'Berg, die sind ebig dick,
 D'Flüß, die sind schmal.

'S dunklet, i glaube fast,
 'S rägnert scho Zyfe.
 Rößli, jeh lauf, was d'chast,
 Lauf wie de Wyfe.
 D'Nesbahn wie en Psyl
 Flügt is vorus;
 Z'Basel im Chopf derwyl
 Südet's im Bruch.

Glihbred nüd Chilletürm
 Det dur de Fasel?
 Lueg au das Gläuf und Gstürm,
 Hest, das ist Basel!
 Gasse, fast ewig lang,
 Hus über Hus;
 Musik und schöne Gsang
 Tönt bezue us.

D'Nhybrugg, poß tufig ja,
 Wämm mer go gschau,
 Wo mer spazierte cha,
 Manne und Fraue.
 Alles im Herrestand,
 Lueg au die Lüt;
 Alles im Sunntiggwand,
 Schöner nützt nüt.

Rößli, da simm mer jeh,
 Wo mer händ welle.
 Aber da abe zieht's —
 Soll der brav bstelle?
 Allwäg na so me Ritt
 Gitt me der, lueg!
 Wasser, so vil daß d'witt,
 Haber bis gnueg.

H. Rüegg (Zürich).

Vom schlaue Micheli.

Mi Vater ist gstorbe, a was weiß i nit,
Sächs Roß het er zruckglo, für z'fahre dermit.

Huldrio = o holihö,
Schlaue Michelio,
Hohoho
Michaöl
Glöggligöl!

Die Gäul han i tuuscht an e gschäggeti Chue,
Die ist jo für z'Acher z'goh lang no guet gnue,
Huldrio = o zc.

D'Chue han i verchauft und es Chalb derfür gnoh;
De Handel verstohn i, das mueß me mir loh.
Huldrio = o zc.

Das Chalb han i tuuscht an en hohlschwarzi Chax;
Die het uf der Chunst jeh gar ordeli Plaz.
Huldrio = o zc.

D'Chax han i do zletscht no vertuuscht an e Muus,
Die grotet i's Füür und verbrönnt mir mis Huus.
Huldrio = o zc.

W. Erismann (Aargau).

König Chabis.

De König Chabis im Sammet-Grac
Ist en lustige alte Papa,
Wott nüt as si Schoppe, si Pyffe Tubaf
Und fini drei Gyger ha.

Die Gyger händ ihri Gygli im Blei,
Si stimme und fidle druf los:
Dibelsum bidelbei, bidelsum bidelbei,

Und Gigeligumpf und Brotisbei.
De König Chabis de singt: „Zuchhei,
„'S Regiere ist nume famos!“

W. E.

Königslieb.

Tuliparot und veieliblau!
Bin ich de König, so bist du mi Frau.

Chömed und schaffed, ihr Lüüt mitenand,
Nämed de Charst mit der Haue i d'Hand.

Schnybed und haueb und hackeb bis gnue —
Mir tüend regiere und luegen ech zue!

W. E.

Gluggere.

Glugger het er schweri Masse,
Blau und grien und rot und wyß,
Ka si mit der Hand kuum fasse,
Glaubt, er seig im Paradyß.
Reeter as die reetste sticht
D' Fraid em firen usem Gsicht;
Uf 's Geklirr in sine Hose
Ißch 's em en Entzigge z' lose.

„Spil mer nur mit Dinesglyche,
Het em d' Mueter gsait behaim,
„Alle Greesere mueßch wyche,
Sunst verlierst und kunnst nit
haim.“

Doch der Rychtum und der Stolz
Wachsen usem glyche Holz.
Gege d' Warnig unempfindlig,
Glaubt er sich unüberwindlig.

Nych, wie Greesus isch er gange,
Arm, wie Cobrus kunnst er haim.
Nimme rot sind sini Wange,
Nimme stolz sind sini Traim,
Sini Segg sind bloß und leer,
Sini Auge voll und schwer;
Uff der Sindermyne ka me
Lese: Jez isch uus und Ame.

„'S gschieht der recht, de hesh
mit Große
Gspilt,“ sait d' Mueter zuem
Empfang;

„Worum nit uf d' Mueter lose?“
Und si gschändet en no lang.
Nit der Unghorsam allai
Ärgeret und plagt si, nai
D' Glugger au, die vile neie
Und glasierte, tiend si reie.

Do leit plehlig, um sich z' wehre,
'S Sühnli Ebbis uff der Tisch
Und verzwyflet rieft's: „Diegheere
Do no my, waisch, was es isch?
Bummi sind's, die han i no
Grettet und nit fire gnoh
Und ha dänggt: Gehnd alli zämme
Z' Grund — die losch der doch
nit nemme.“

Und der Balter stoht dernebe,
Nacht und git em Geld und sait:
„Du heisch recht: Wenn ein im Lebe
Ebbis nur uff d' Site lait
Allewil — er goht nit z' Grund
Und si Simmli blybt em rund,
'S frait mi an der; jeh kaasch laufe
Und go neiji Glugger kauje!“

J. Mähli (Basel).

Chrieg und Fride. *(Luzern)*

E Chinderidille.

Im Gartehüsli sitzt der Frit,
Natürli näbem zue der Spiz.
Dä gnaget ame Brotischnöchli,
Und unde glured bime Böchli
Am Bänkli-Bei die gsprigglet Chaz.
Si glured, öb e feißi Raz
Well füre gugge, — wart e chly!
Die Müssli müestid Nare si;
Si kännid dini Tächli scho
Und hend ke Langizit dernoh.
Isch 's Mäuzli wägdem übel dra?
E nei, z'Mittag hed's Öppis gha,
Und's Faste schadt em drum ned vill.

Jetz losid, was i säge will!
Si settid zfride in, der Frit,
Die gsprigglet Chaz und au der Spiz.
Bim Spiz und Mäuz isch' schon eso,
Bim Frit ned au? Oho, oho!
Zä woll! dä grangget hin und här
Und schnurret mängist wie ne Bär

Und stampfet wild — um d'Schue ick' ichad.
 Was hed ächt au de Kamerad?
 E, wichtig ick es währli ned.
 Der Ludigar, im Mäfferschmeed
 Sis ältist Büebli, hed versproche,
 Är bring am Zweu e ganze Schoche
 Soldate mit, 's müeß Öppis goh, —
 Jez ick dä Läder nonig cho,
 Und's schlohd bald halbi Drü — herrjeh,
 Wär hed au so ne Schlusi gseh!

Do trablet Öppis uf de Steine,
 Und's schlupft mit sine churze Beine
 Der Ludigari husch, husch, husch
 Grad usem große Holderbusch.
 „Nu, chunnst emol, du Schießihag?
 Jez bin i aber böß — Guet Tag!
 Mei Settigs mag i nid erlyde!“
 E schweri Trucke, wyß wie Ghride,
 Stellt druf der Gari use Tisch.
 „Mei, was du für ne Zanggi bisch!
 Cha nüd derschür und 's ick mer leid.
 Grad won i zue der will, se seid
 Der Vatter: Gang zum Schlyffer gichwind
 Und frog, ob d'Mässer gschliffe sind!
 So ick! Wotticht mittem Ghyp uusruke?
 Und do ist de d'Soldate-Trucke!
 Bis wider frei! Was wemm mer mache?“
 „E dank d'Gafärne! Mini Sache
 Sind zwäg, d'Bou-Ghäste det im Egge.
 Mer wend di Dütschli jämelegge;
 Nur sett's ärakt uf's Düpfli sy,
 Sußt gheit d'Gafärne wider y,
 Wi 's letst mol, weisch; gsch! furt do, Chaß!
 Mer bruchid währli alle Plaz.
 Und los du, Spiß, du Hurlibuuß,
 Du springst ned über's Grüschele uus!
 Sußt gäb's de Wicks, i cha der's säge!“

Jetzt zue! Die Chäste füre träge,
Grad zmitzt i's Hüttli! Packid uns!
Die Stückli groglid, 's ist e Gruus,
Als durenand: die Quaderblöck,
D' Hustöre, d'Böge, d'Pfeisterstöck,
D' Dachlatte, 's Dach, 's Schramängel dra.

Jetzt sönd si weidli z'bouen a.
Das heisst mer schaffe, Sapperlott!
Si zwirblid ume hüft und hott
Und hott und hüft und rechts und linggs,
Das ist es zabligs Geschäft, es flinggs,
Und 's lauft wie gschnupset vo der Hand.
Scho fertig stohd e ganzi Wand,
Und d'Pfeister drin und's vorder Tor
Und zwoo Draguner scho dervor.
Si wärdid furt was gift was heft,
Si bouid fix, si bouid fest;
Es gib es Huus, es ist e Pracht!

No 's Dach bezue. Jetzt heisst's: Gänd Acht!
Wenn eine nur e Nase stüpf
Und nur es einzigs Lättli schüpf,
Se räblet's be, herrjeh, herrjeh!
Und d'Arbet isch vergäbe gscheh.

Gottlob, es grotet! Stück für Stück
Schunnd a sis Örtli — wi nes Glück!

Jetzt fählt no Eis: e hübsche Fahne
Sett hinten uf die groß Altane.
Es chuzligs Geschäft! drum passid uuf!
Lät eine nur e läze Schnuuf,
Es Schüpfli an e Wand — rätisch, rätisch,
Se läg d'Gasärne ame Tättisch.
„Wär sell der Fahne anetue?“
So frogt der Fritz und macht bezue
Es wichtigs Geschäft.

„'S ist hütt a mier,“
 Meint druuf der Vari; „'s ist jo dier
 Scho einist glunge. Lah mi mache,
 I bin au gschickt für syni Sache.“
 „He nu se deh, wenn's zwingt witt!“
 Der Vari macht e große Schritt
 Und packt de Fahne wacker a,
 Är heb ned grüßli z'schleipfe gha,
 Und fahrt im rächte Pläzli zue
 Und will e grad in d' Lücke tue.
 Do göüßet uf emol der Spiß —
 Im Traum isch gsy — und wie vom Blich
 Verschrickt der Vari, zuckt und — rätsch —
 Do lid d' Gasärnen a me Tätzsch!
 Der Spiß verwachet ob dem Gräbel
 Und juckt und ryzt e chlyne Schräbel
 Z's Döpli; d'Chah, wo ruejig gläffe,
 Springt uuf und rönnt devo wi bsäffe.
 „Jez hesch es!“ seid der Friz, „du Stöffel!
 Wo heßt au d'Auge gha, Ginöffel?
 E nei, das isch doch gräßlich dumm!“
 „Der Hund ist schuld, lueg ned so chrumm!“
 „Die Usred isch kes Bähgi nuß;
 E dumme Schütz, e dumme Schuß!“
 „Der Hund ist schuld, es blybt derby!
 Du wottist eister gschyder sy
 Und machist, dänk i, doch him Eich
 Au öppedie ne dumme Streich!“
 „Was deh?“

„Ne Griffel hesch mer broche!“
 „Du hesch mi mit i Finger gstoche!“
 „Und letschthi heßt du d'Meie gsprüht,
 Do ist es Gügli use pfüht
 Mäckt imir a's Bei.“

„Du Göhl,
 Brum bisch drinine glause, Löhl!
 Hesch keni Auge bi der gha?“

„Und du — i dank der eister dra —
Du heisch mi einist ungrächt — weischt —
Verspicht bim Lehrer.“

„Halt, was seischt?“

„Was wöhr ist!“

„'S ist ned wöhr!“

„'S ist wöhr!“

„Ned ab!“

„Wett au!“

„Ned ab!“

„Re Gföhr!“

„Jez han i gnueg! Jez —“ Müslistill
Wird's uf emol. Lueg det, was will
Der Friß? Er rönnt wie wild
Zum Bänkli näbem Schwizerischilb,
Sigt ab und winkt im Gari: „Chumm!“
Dä luegt verstunet zringelum,
Was's gäb. Jo, jez verstohn i's scho:
Der Friß gseh halt si Mueter cho;
Si tripplet dure Garte här
Und z'träge het si ordli schwär.
Was isch es ächt? Es Kasibritt
Vo dickem Bläch und altem Schnitt,
Und druff zwe vatterländisch Chrüeg,
Zweu grossi Beckli — aß' es düeg —;
Und's Halbbrod darf i ned vergässe,
So buschber Buebe mögid ässe.

Z's Hüttli ie i flinggem Trab.
Doch stellt si 's Zobig hübschli ab,
Macht's Laßli zwäg, schänkt Kasi n,
Ned öppe z'vill, de Nydle dry,
Aß's schneewyß wird, es ist e Pracht!
Si heb e chüstigs Kasi gmacht.
E so ne Ghost — i büt ech uus —
De find mer ned in jedem Huus;
Die Buebli wüssid's aber au.
Druuf schnyt no gschwind die wacker Frau

'S Halbbroddli a; e nu, si schynt
 Mängs Stückli ab in kurzer Zyt.
 „Sez ässid, Ghinde; gsägn ech's Gott!
 Und schänkid y, bis's gnuege wott!
 Wi isch' ech gange mitem Boue?“
 Do hed der Frizli nümme gschroue;
 Är seib ganz duuch: „E, ned gar guet!
 Zietst, wo der Gari will in d'Muet
 Der Fahne ine stecke — rättsch!
 Do lib d'Gasärne ame Tättsch.“
 „'S macht nüd,“ seib d'Mueter früntli druuf;
 „D'Gasärne stoht scho wider uuf;
 Der müend's es anders Mol probiere,
 De wird der Fahne au pariere.
 Sez muß i witer's, ässid rächt!“

Die Buebli machid das ned schlächt;
 Das Ryble-Rafi gschmöckt ne scho.
 Bald ist der Spiz au zue ne cho,
 Und hättled hed er, 's hed en Art,
 Si hend ned grüßli an em gspart;
 Druß gümplet d' Chaz i kurzer Zit
 Au zue mit großem Abbedit;
 Die hed au gly nes Blättli gha
 Und Ryble drin, das nimmt si a
 Und läpplet, aß e Freud ist z'luege.
 Und d'Vögel güggelid dur d'Fuege;
 Sie guenid ned vergäbe, lueg,
 Die Buebli gänd ne Brosme gnueg.
 Und underdessa — rot, was gsehbd!
 Rei, de errottsch es wärli ned! —
 Do padt es Hüendli hinderruggs
 Bom Tisch es Stückli Brod, und flugs
 Isch' mit devo, so gschwind aß's cha,
 Und's Beindle stohd em ordli a.
 Der Frizli gsehbd das Schelmli flieh,
 Zum Lächle dued er's Mul verzieh
 Und seib: „Du Sibechäger, wart!
 Das het de doch au gar ke Art!

«Nu, se lauf! I will der's gönne;
De heßt di Teil, das mueßt bifönne.»

So gohß das Möhli guet verby;
'S sind alli mit em zride ghy;
'S Huen, d' Vögel, d'Spriggel-Chah, der Spiz,
Der Gari bsunders und der Frik.

Und wo's do halbi Föüfi schloß
Im Rodhüsloggeturn, do stohß
Der Gari weidli uuf.

„Was gib 's?

Wo wottschts uns?“ frogst erstuunt der Frik.
Der Gari druuf: „Jez sett i hei,
I mueß no hälfe Hälfebei
Poliere, hed der Vater gseid;
Gieng lieber ned, und 's ist mer leid.
Läb wohl! i danf der tufigmol.“
„'S ist schad, aß d'gohßt! Läb wohl! Läb wohl!
Wenn sinnt mer wider binenand?“
„Morn ned.“

„Worum?“

„I mueß e Zand
Lo uszie, 's gwagglet eine scho,
Und 's möcht e neue füre cho.
Chumm übermorn am Eis zu mier!
Witt ächt?“

„Jo gärn, i plange schier.“
„Jez ade, Frik!“

„Läb wohl! Läb wohl!“
„Läb wohl! i danke tufigmol.“

J. Bucher (Luzern).

Der Drach.

Er stngt, er stngt und nimmt si Flug
In blaue Himel uff,
Und vor und hinter em e Zug;
Si kenne kum me schnufe,
Die Buebe — aber 's isch e Fraid,
Wie stolz si Schwanz von obe waiht:
Wie firstlig ist si Walte!
Si majestätisch edle Schwung
Erfrait sogar die Alte.

Nur allemil in d'Heechi gstrebt
Wie eier Drach, ihr Knabe!
Wer furt und furt am Bode klebt,
Fallt frylig au nit abe;
Doch wen e frische Lusthuuch hebt,
Si raine Tryb — dä strebt und schwebt
Und wird au nimme falle;
Denn endlig chunnt er in e Ryck,
Wo ewigi Luftstreem walle.

J. Mähly (Basel).

Wi's mym Mutech gangen isch.

„O suechet grad sovil dr weit,
Dihr chömet noti nid drzue!
Wo d'Chaz die Junge het vertreit,
Da het s' mer gseit, wohi ne tue.
I ha my Mutech guet versteckt
U no mit Miesch u Fische deckt.

O! chönntet dihr die Opfel gseh,
U win i gueti Bire ha,
Schüürbire, u no ander meh!
Dihr würdet fast vor Glust vergah;

U Zwätschge sy o vil drby,
Vo dāne, wo so saftig sy!“

So han i grüemt dem Hans u Friß,
Si hei nit hert berglyche ta;
So blinzlet hei si grad e bīß
U sy du furt enandrenah . . .
Jiz isch mi schöne Mutech läär:
Dr Hans u Friß sy drüber här!

Gottfried Straßer (Bern).



Haus, Schule, Leben.

De Suppeschüüch.

De Suppeschüüch, de Suppeschüüch!
Er leit de Löffel uf d'Site
Und siht so buggelig ufem Stuehl,
Als sett er afäh rite.

Dem Suppeschüüch, dem Suppeschüüch
Ist gsundi Spys en Schräcke;
Er möchti lieber Zuckerzüg
Und sonnigi Sache schläcke.

'S ist au emal es Buebli gsi,
Das het kei Suppe welle;
'S hät gsundi rundi Bagge gha
Und Ärmli zum Verchnelle.

Da, wil's kei Suppe ggässe hät
Und grad hät afäh gryne,
Wänn d'Suppe uf de Tisch cho ist,
So hät's afange schwyne.

D'Ärm, die sind bald wie Spille gsi,
Als wettet si verbräcke,
Und d'Finger nu wie Stödeli
Si hettid chönne stäcke.

Und zletsten aber, ja was meinst?
Da isch es ganz verschwunde,
'S ist nüdemal meh en Schatte gsi,
Me hät's nu nümme gfunde.

Drum nimm di zämme, Jokebli,
Und hau druf los wie biäße;
De häst jez ghört, wie's Dene gah't,
Wo nüd wänd Suppen äße.

H. Rüegg (Zürich).

Was macht d'Backe rot?

Melodie: Hopp hopp hopp, Pferdchen lauf Galopp.

Was macht d'Backe rot?
Nid fullenze, nid geng schlafe,
Flyßig lehre flyßig schaffe —
Das macht d'Backe rot.

Was macht d'Backe rot?
Schläcke nid u schnäderfräße,
Aber Ehrut und Alles äße —
Das macht d'Backe rot.

Was macht d'Backe rot?
Nid suurrible zum Zerspringe,

Fröhlich gumpe, fröhlich singe —
Das macht d'Backe rot.

Was macht d'Backe rot?
Nid e Rydchrot, wo tuet gränne —
Gärn o Andre d'Freude gönne,
Das macht d'Backe rot.

Was macht d'Backe rot?
Tag u Nacht nüt förchte müeße,
Liebi und es ruhigs Gwüße —
Das macht d'Backe rot.

Fr. Haller (Bern).

Witt o flüge? (Bern)

„Wenn i nume flüge chönnt,
D das freuti mi verwändt!
Deh wett i wie d'Rinderstaare
Über Stedt u Bärge fahre;
Deh gläch i di ganzi Wält,
'S chost kei Ehrüker Wäld.“

So seit Fritz, und undrem Baum
Schlaft er η u het e Traum.
Los! Was ruuscht da bi der
Bueche?

'S chunnt e schöni Frau da zueche,
Mit dem wyße Syderock
U dem guldne Stock.

„Chnäbeli, was möchtisch Du?
„Säg mer's, und i will Der's tue.“
„Wenn i nume chönnti flüge,
Höch i d'Luft, i Himel stüge!“
„Ish's der Ärnst?“ „D ja! D
ja!“

„So muesch Fäcke ha!“

U si schwingt der guldig Stab
Drümal über üsem Chnab . . .
Que, da wachse undrem Äcke
Fluum u Fäderli u Fäcke;
„D juhee!“ so rüest der Fritz,
„Flüge chan i jiz!“

Är probiert, är flücht, är flücht!
Höch i d'Lüft är use stügt!
Großi Stedt u höchi Bärge
Eigen under ihm wie Zwärge.
„D'Ruete trifft mi jiz nid meh:
„D juhee! Juhee!“

Und är flücht u flücht dur d'Wält,
Wien e Verche ufem Fäld;
Und är flücht na'm Himmel use, —
Dä isch höch! Wie muß är schnuse!
U der Himmel isch no wyt,
B'Löue findt me nüt.

D'Fäcke Lampe nadinah;
Länger man er's nid ebha,
Fallt u fällt vom Himmel abe
In e tiefe Wassergrabe;
Schreit u flotschet hin u här
Ach, wie schwär, wie schwär!

Lue, da chunnt dahär e Ma,
Wott dä gspäsig Vogel sah.
Ch. wie chunnt dä Friß i Schräcke,
Schlaht u schlaht geng mit de Fäcke;
Ändlich man er obßig cho,
Flücht mit Angst dervo.

Ufem Baum, da siht mi Schnab,
List da Anfebirli ab.
Los, da ghört är öpper chynche,
Und es chunnt dä Ma cho z'schlyche,
Nimmt sys Gwehr u zielt, u jiz
Schießt er use Friß.

U der Vogel fällt vom Baum — —
Doch, Gottlob, es isch e Traum!
Won er ufwachet vo sim Schräcke,
Wott er nüt meh vo de Fäcke. —
„Wenn i folge, chan i no
„Glych i Himmel cho!“

fr. Haller (Bern).

Wie mueß mis Buebli rede?

Frisch mueß mis Buebli rede
Und chräftig wien en Ma;
Dänn cha mer Freud am Buebli
Und a sim Rede ha.

Wahr mueß mis Buebli rede,
En Lug ist nie erlaubt.

Wer unwahr ist im Rede,
Dem wird keis Wort meh gglaubt.
Verständig muß mer rede,
Sobald mer rede cha;
En Blapperer und Schwäzer
Gitt nie en rächte Ma.

J. J. Bänninger (Zürich).

So goht's halt!

De Fridel hät nid d'Woret gseit;
Jez ist er i der Schuel verschreit.
Zwor lügt er, glaub i, nimmemeß;
Doch wird's es halt no mängisch geh,
Daß sini Kamerate froge:
„Zä Bürschli, säg, isch' nid erloge?“

Margaretha Kiefer (Margau).

Das groß Fueder.

Ich weiß e chlyses Schulerchind,
E zappeligs, wie vili sind,
Das hät en große Griffel;
Es hät scho mänge, mänge gha,
Doch allmal hät's en falle la --
'S ist halt en rächte Zipfel.
Drum mueß das tufigs Chind iez na
E tüchtigs blächigs Fäderrohr ha,
Dänn cha's de Griffel bhalte.

Das Fäderrohr ist schön und neu
Und Bildli hät's druff allerlei,
'S wer schad, wänn's müeßt verheie;
Wänn's Büüle gäb und Löcher dry,
Das müeßti rächt verdrießli sy --
Wie tet das Chind nüd schreie;
Drum mueß das tufigs Chind iez na
E schöni groösi Täsche ha,
Dänn isch das Fäderrohr bschirmet.

Die Täsche, die ist groß und schwer;
Jez chunnt en höche Schnee dether,
Da müend die Chinde watte;
Doch mit der Täsche, 's cha nüd sy,
Si ist so groß und 's Chind so chly,
Es chem nüd mit vo Statte;
Jez mueß me halt en Schlitte neh,
Dänn wird's e richtigs Fueder geh --
De Chueri mueß es stoße.

Jez chunnt's; es Fueder groß und schwer
Chunnt mit eme Lärm zur Schuel dether,
Die Chinde händ en Jubel!
Was mag das Chind, was mag de Ma
I bere große Täsche ha?
Me packt si uus im Strubel --

Nüt als es Fäderrohr, Herrjee!
Und was im Fäderrohr inne, seh? . . .
Nüt als zwee Griffelstümpe!

H. Nüegg (Zürich).

De Joggeli.

'S ist trurig, wie 's dem Joggli gah,
Wil er, wie 's schint, nüd dütsch verstaht.
Es Wörtli, das mer zuen em seit,
Ist grad, als hett's de Wind vertreit.

De Joggeli bruucht si Ohre nie,
Es ist zum Lachen öpedie.
Hüt schickt e d'Mueter zur Frau Bas —
De Joggli gah und holt es Glas.

De Batter hett gern Rauchtubaß —
Da holt de Joggeli en Sack.
De Batter ist gly bsunne gsy
Und steckt zur Straf de Joggli dry.

De Nachbar tritt zum Joggli zue
Und seit: De chönntst mer Öppis tue.
Gang hol mer d'Zitig uf der Post —
De Joggli bringt e halbi Most.

De Lehrer möcht spaziere gah
Und hät sin Stoc diheime glah.
Seh, Joggeli, gang hol min Stoc —
De Joggli gah und bringt en Rod.

Si Mueter ist am Choche gsy,
Da fehlt ere es Ei deby.
Si seit zum Bueb: Gang hol es Ei —
De Joggli gah und bringt en Stei.

Ich kenne nu zletzt e Ratsherr gäh,
e Ratsherr gäh,
Ja gar e Presidänt.

Joseph Wipfli (Uri).

D'Märgäner Chinder bim Großpapa z'Bern.

Jetzt simm mer do,
Sind wyt her cho;
Was söhm mer a
Bim Großpapa?

Bös hämm mer jetzt tue do obe;
Me wird is meh schälten as lobe;
Mer dörfe nüt chönne, nur cheue;
Mer dörfe nie rueje, nur leue;
Jetzt seit me do nid näi, nid jo,
'S gilt nüt as ja! bim Großpapa.

Doch isch's glaub nid halb e so gföhrli,
Me luegt nid uf's Wörtli und Höörli;
Jo het nid — mer hend's nid erdichtet —
Lieb Mamma eus mängimol brichtet:
Wohl heig me z'Bern au's Singe gern,
'S müeß's gar gern ha der Großpapa.

So wämm mer denn singe und chlinge,
Was Kehle und Brust mag verbringe,
Bald luut und bald lys und au zierlich,
Bald eifach, bald wider verirrlich,
Daß au e Ma, wo öppi's cha,
Cha Freud dra ha, wie Großpapa.

Drum giuchzet und ggumpet und gfunge!
Mer wend jetz nid schone de Lunge,
Wend plaubren und spilen und lache,
Wend Chränzli, gar niedlich, mache;
'S schönst de dervo, mer säge's scho,
Mueß Niemer ha as Großpapa.

So wämm mer is d'Zyt hie vertrybe,
Wänd zeige, daß gern mer hie blöbe!
Wer cha und wer mag, der heig's mit is.
Vor Schlimmem uod Bösem Gott bhüet is!
Was ohni Schlag wohl agoh mag,
Das söhm mer a bim Großpapa.

H. Cornelius Sutermeister (Aargau).

Der Märit-Chram.

„Hüt isch Märit, Ghinderli,
„Sät, da heit der Chrüzlerli!“
O Juhe! Es jedes lauft
U was hei si jitz gchauft?
Franz ist e Lächüchlibiz;

'S hölzigs Pispfli het der Friz,
Ds Rosa ds Glidermämmeli. —
Was hesch du deh, Änneli?
'S git sps Gälb dem arme Ma . .
Chumm, du muesch es Müntschli ha!

Fr. Haller (Bern).

Bademer Chra.

Mis Mueterli chunnt vo Bade
Und bringt mir Öppis hei.
De Chorb ist purzet blade;
Was ächt drin inne sei?

Hä, Weggli hät 's und Pfändli
Und Gschirr und Allerlei.

Juhe! es Gaugelmännbli,
I gsehn em scho es Bei.

Er hät vill z' dünni Wade,
Doch lustig ist er glych:

Me zieht en amme Fade,
Dänn tuet er grad wien ich!

H. Rüegg (Zürich).

E Tasse Kaffi.

Frau. Chaused er nüd e chli Öppis ab?
I gib es billi; nu au e paar Stab!

Mutter. Nei, liebi Frau, mer bruuchet nüit.

Frau. I gseh, er händ da so chlyni Lüt.
I hett Halbwülligs für Groß und Chly;
Au druckti Nastüchli sind derby.

Mutter. Nei, Frau, mer sind mit Allem verseh.

- Frau. Hütt leit 's doch au en schülige Schnee.
Und wemm mer dur alli Gasse lauft,
So ist doch Niemert, der Öppis chauft.
- Mutter. So siset e chli, mi gueti Frau!
Er sind gwüß müed und früret wol au?
- Frau. I bi so frei und stellen ab.
Ach ja, so vill Rät uuf und ab,
Und use und abe die vülle Stäge
Wänd ein die alte Bei nümme träge.
Für Jungi gaht 's alliwil ehner a.
- Kind. Frau, händ Er scho Öppis z' Morge gha?
- Frau. Es mag 's, weiß Gott, nüt alltag gä,
Es tued Gim grad de Verdienst weg näh.
So imme Wirtshus tuet's nüd gspasse.
- Kind. So nähmed Er Kaffi, öppen e Tasse?
- Frau. Ja, jeger, wämm mer früre tuet,
Tät Gim en warme Kaffi scho guet.
- Kind. (schaut die Mutter an).
- Mutter. Nu ja, so holl 's deren alte Frau. (Kind ab.)
Hütt isch es schüli halt und rauh,
'S Husiere ist jez en ungfrenti Sach,
Me blybti lieber unter'm Dach.
- Frau. Ja fryli, bsunders wämm mer altet,
So blybti mer lieber deheim, wänn's haltet,
Und ließ si mängsmal gern au e chli
Im warme Strauhbett rächt wohl la sy.
Doch Gufereim mueß all Morge use,
Und tät 's Gim abem Wätter gruse,
Und müecht mer si hebe an alle Diene.
Me mueß ebe luege sis Brötli z' verdiene.
- Kind. (kommt mit dem Kaffeebrett)
Es ist na warm, so grad na rächt.
Jez nämed und trinket, 's ist lang sit nächst.
- Frau. Nei bitti! I will jez so uverschant sy.
- Kind. Milch hät 's na vill, tüend nu brav dry.
- Frau. De wirst ja müed. Was stellst nüd ab?
- Kind. A bhüet is, wer wett grad müed si drab?
E some Brätt voll Kaffi wäge, —

- Das mag i allwäg scho na träge.
 I wott jez Euere Ufwart si.
- Frau. Das ist en Kaffi! o mineli!
- Kind. Er müend en jez halt näh, wien er ist.
- Mutter. Da gleht me, daß d' en Göffel bist:
 Was laßt si au 's leer Kaffi trinke,
 Als müest si ase im Leere versinke?
 (Das kleinere Geschwisterchen kommt mit Brod).
 Lueg da die Ehly, die hät Verstand,
 Gang, gib 's der Frau na schön i d' Hand.
- Frau. Nei, tüend ech au wäge mine nüd plage,
 I darf ja sunst uümme verby cho, cho frage.
- Kind. Ja fryli dörsed Er. Chömmet nu gly;
 I glauben allwäg versicheret z' sy,
 Es chaufi d' Mueter denn doch e paar Stab
 'S nächst Mal für mich zumm e Röckli ab.
 I meinen ämmel, es wär bald Zyt.
- Mutter. Ja chaufe chönnt me scho so wyt,
 De sorgist eister, daß me cha chaufe,
 Mit Ruuste und mit Ummelaufe.
 De mueßt an Allem ummeßage —
- Kind. Ach nei, de mueßt jez nüt so säge.
- Frau. Ach, wänn 's nu gsund sind, 's ist ja guet.
 E so es gsunds und fröhlichs Bluet,
 Ach Gott, mer tät 's ja gern erchaufe,
 Wänn 's nümmen möget ummelaufe
 Und still deheime sitze müend.
- Mutter. Ja wänn s' nu gsund sind und folge tüend.
- Kind. I gahne ämmel au gern i d' Schuel.
- Mutter. Bist aber es bigeli chli e Pful
 Im Schuchigschäft. Da laßt der Zyt,
 Wottst Alles ligge lah, wo 's lyt,
 Und tuest mer 's Gschirr nüd wider uf 's Gstell,
 Dann weiß mer nüd, wo me 's sueche sell.
- Frau. Jä, d' Chind zum Choche z' ha git Mueh,
 'S ist halt na chly, 's ist fast na z'frueh.
- Kind. Nei, z' frueh isch' allwäg nüd, ne nei!
 I mache Kaffi scho ganz allei.

- Frau. Dä, wonn 'r trinked, ist au vo mir.
 So, das ist brav. Respät vo dir! (aufstehend).
 Jez dank i z' tusig Mal, ihr Lüt!
 Vergält i's Gott und zürnet nüt.
 Das hät mi jez rächt erwärmt und erquickt.
- Mutter. 'S ist gern gseh; 's hät si jez grad so gschickt.
 Bill Glück und tüend alsgmach bezue.
- Kind. I will I jez na cho d' Tür uftue.
 (An der Haustüre)
 Jez adie, Frau, und chömmet meh!
 Händ au rächt Sorg dur dä tusigs Schnee!
 H. Kuegg (Zürich).

Der große Stiefel.

- Knabe. Guete Tag!
 I chume da dem Stifel wäge.
- Schuhmacher. So, hät de Stifel dich möge träge?
 Und hät er bi dem große Chat
 Au ordeli gwüßt, wo 's durre gaht?
 Dänk aber wohl, du häst em's gseit.
- Knabe. He nei! ich hann de Stifel treit.
- Schuhmacher. So ase! Ist er der nüd z' schwer?
 Du bist zwar fast so groß wie er,
 Wänn d' uf die vordere Zehe stahst.
 Mach ämmel, daß d' nüd pletsche lahst
 Und stell en hübscheli uf de Bank.
 Was soll i mit em? Ist er chrank?
- Knabe. De Batter seit, er gsächet 's gly,
 'S werd müessen e neu Sole sy.
- Schuhmacher. So, hät er gseit? Es wott mer schyne,
 De mächtig Stifel sei aber dyne.
- Knabe. He nei! er wer mer ja ebig z' groß.
- Schuhmacher. Du guete Burscht! du meintsch es blos.
 Wie müest 's nu mache denah, weischt wie?
 Du müesttist ase ganz drinn ie.
 So chönntist gumpe nüt schöners, mei!
 Bist nüd scho gumpet uf nu Gim Bei?

- Knabe. Wol fröli! Jez chunnt mer de Si wider dra:
 Me hät mi emal in en Sack ie ta.
 Hei ja, am letzte Jugebfäst!
 Da bin i ghoppet: was gist, was häst!
 Grad wie mit zämmebundne Füesse.
 'S hät Alles ab mer lache müesse.
- Schuhmacher. So, wänn 's scho chast, nu ebe drum!
 I will di drinine stelle, chumm.
- Knabe. Nei, nei! Er wemmi mi vegiere da;
 Er gsparret mi nu es bißeli a.
- Schuhmacher. So, meinst? Nu also! Sei's wie's sei!
 I machen e neuu Sole.
 Dänn ist de Stifel wider im Blei,
 De chast en morn wider hole.

H. Kuegg (Zürich).

'S Eiermeitli*.) (Zürich)

(Das Mädchen, einen offenen Korb mit Eiern tragend, singt):

Eier, Eier, schön und groß,
 Chaufed frische Eier!
 'S Toged chostet es Fränkli bloß,
 'S Gili nur vier Zweier.

(Geht umher, Eier anbietend.)

Wänd er kei Eier? Rueged, wie schön und luuter, ganz
 frisch, grad vo der Chue eweg! Und so groß!

Amelette, Eiertätzch
 Schmöcked gwüß eu alle,
 Und gar Stierenauge — (nieß'n) ätsch!
 Las na d'Beine falle!

Seh, seh, ihr Lüüt, bruuched er kei Eier? Zwölfi für en
 Franke? Ist das nüd billig? Wänn er wüßt, was für schöni
 Hüener mir händ, er chuffid gwüß! Luuter Italiener, Spanier,
 Chineser, i meine gar na Mongole, prächtigi Eier, es ist e helli

*) Kann z. B. als Jugendsejtscherz aufgeführt werden, wofür es der Verfasser auch
 bestimmte.

Freud! Und dänn en Staatsgüggel, schöner nützi nüt, en große Kärli mit Fäderen a de Beine! Er lauft ganz majestetisch, er weist gwüß, das er de Herr ist; er gaht so stolz wien en tiefe Ratsherr oder en Fabrikant, und wänn er's eint Bei ufglupft hät, so bsinnt er si fast e halb Stund, bis er's wider abstellt; ich chönnt ämel nüd so lang uf eim Bei stah. Z'Basel une im Tiergarte han i au e so eine gieh. Ja, de leit — oder halt nei! syni Hüener legged prächtigi Eier. Seh, seh, chaufed!

Eier, Eier, hübsch und groß,
Chaufed frisch Eier!
'S Toget host es Fränkli bloß,
'S Eili nur vier Zweier.

Chaufed, ihr liebe Lüt! Si sind frisch und gsund und ungsältsch, Gesundheitskommission törf i' undersueche, mynetwäge versueche, nu nüd wie de säb Bediente sym Herre d'Ründhölzli probiert hät. De Herr hät resenirt, es gäb ja kein einzigs Füller. „Wol gwüß, gnädige Herr,“ seit do de Lappi, „'s händ alli Füller ggeh, i han alli probiert.“ Uf die Art lies i' doch nüd gern probiere. — —

Es chaust mer Niemert ab. I gsehne scho, ufem Land wird i myni Eier nüd los, i meine, d'Lüt leggid jölber, villicht au öppen emal e tumms. Ja nu, i will i d'Stadt.

Es ist allwäg gschyder, dert lös' i meh. I ha vier Toget, die müend mer seuf Franke gälte. Seuf Franke! Boß Tusig, das ist e schöns Gält, mit dem cha me Öppis afange. — Was host ächt au da e so e . . . wie seit me dem Ding? 's ist en farbige Sideländel um de Hals mit eine schöne Lätisch vorne abe underem obere Lätisch, i meine, me seit em Ggawallery — doch nei — das sind ja Husare und Draguner — Gavalliere oder Lavalliere, was für tumm Nämme, me chönnt ja au säge Sidelätisch. De host allwäg nüd seuf Franke, es blybed mer na e paar übrig. Die nächst Wuche gahn i wider, ein Seufsimer um de ander chunnt, i gsehn es scho z'rugele cho. Dänn chauf i es Paar guet goldeni Ohreglanggere, e chly schweri,

si werded mer d'Öhrli nüß gar z'lang abezieh. Poß Wält, dänn bin i es Maitli, ober e Jumper, nei! pfi Tuusig, das ist gemein! Es Fräulein bin i dänn. Vorwärts, ir Hüener, legged tapfer druf los, i mache d'Eier zu Talere. E gfarbet sideni Jagge mues i ha, dänn folget, wil's halt doch zum ene Fräulein gehört, en schwarz-sidene Rock. Bhüetis! Dänn gsehn i dry wie's Pfarers Tochter, wän i scho nüß Clavier spille cha wie sy. Nei, wie herrli! Das wird schön! Dänn bin i es Fräulein, und dänn — ja! wo dem seit men iez na nüt! — —

Was stahst und stunnist? — Tumme Kärli, marsch, vorwärts! D'Stadt chumt nüß zu dir.

(Sie nimmt den Korb auf den Kopf und spricht im langsamen Gehen):

Also hütt en Feusliwer, dänn e Sawalliere, dänn es Paar guet goldeni schweri Öhrering, dänn e sideni Jagge, gwüß! d'Freud mag mi fast! Dänn au en schöne Fäderehuet und en ganze sidene Rock! Nei, wie schön, wie schön! Juhee!

(Springt auf, der Eierkorb fällt. Sie steht erstaunt still und schlägt sich an die Stirn.)

Du Lappi du! Da lyt de Totsch!

H. Weber (Zürich).

Dr Mößli-Hänseli.

Vo allnezäme Bede
Im Dorf dr allerbest
Un uf dr ganze Ärbe,
Das isch — i säg es fest —
Dr Mößli-Hänseli!

Dä bachet Brot und Brötli
Wi's süsch ekeine cha,
O! guet! u bsunders macht 'r
Geng großi MürGGLE dra,
My Mößli-Hänseli.

Drum, mues i Brot ga reiche,
So macht mr d'Wahl nid Dual;
Un isch 'r o dr wyttst,
I springen allimal
Zum Mößli-Hänseli.

Är cha drum o no juuze,
U Gschichtli weiß 'r vil,
U mues 'r Chueche mache,
So han i gwunnes Spil:
Gäll, Mößli-Hänseli?

Un isch's vorusse Winter
 U halt, daß Gott erbarm!
 D' Bachstube hilfst drgä —
 O! isch es herrlech warm
 Bim Mösl:-Hänseli!

Drum, we f' mi albe frage,
 Was i de wärde well,
 So tue mi nid lang bsinne,
 I rüefen uf dr Stell:
 E Mösl:-Hänseli!

Gottfried Straßer (Bern).

De Chämifäger.

Nei lueg men au de schwarze Ma
 Mit finer närsche Rustig a!
 He, Chämifäger wart e chly,
 Wo gumpist au so weidli hi? —
 Und wien er au so fründtli lacht
 Und gar en artig's Gesichtli macht;
 Und Locke hät er tuisig's nett,
 Er tuet, als ob er tanze wett;
 Nei lueg men au de Bläz am Chnü —
 Gäll d'Hose sind verrisse ghy,
 Will d's Chämi uuf und abe schlüsst
 Und dobe lustig singst und pfsst?
 Häst eigeli es Chindli gherzt
 Und fini rote Baggli gschwerzt;
 Drum lachst jeh au so schadefroh
 Und lauffst mit Sack und Pack dervo.
 Gäll, Chämifäger, schwarze Ma,
 Du heft en guete Tagloh gha,
 Drum machst jeh au so gschwindi Bei
 Und treist es Freuderüüschli hei.
 Lauffst öppe gar de Chinde nah,
 Händ f' gmeint, du seisch de Bölima?
 Die Grete, die, o je, o je
 Händ na kän Chämifäger gseh!
 Ihr dumme Chind, händ gueti Rueh!
 Was wett er au de Chinde tue! —
 Gäll, Chämifäger, 's isch scho guet,
 Wänn dir nu Niemer Öppi's tuet?

(Zürich.)

'S Buebli und der Mond. (Zürich)

(3bbl.)

De Mond schynt hell i d'Maienacht. Es Buebli ist na wach
Und rüest: „Chumm, Mueter, gschau de Mond det über 's Nach-
bers Dach!“

Und d' Mueter chunnt und nimmt de Schatz uf d' Schooß und chüßt
em druuf

Sis herzig Gsicht und lueget au zum Mond am Himmel uuf.
De gaht so lys, so müüslitill sin Weg dur 's Sternfäld hy,
Und Buebli, wullig wyß wie Schaaf, ziend sacht dra verby.
Und still wird 's au i Berg und Tal, es rüft si Alls zur Rue.
Der Abigwind ellei no weht dur 's Bluest hi ab und zue.

Da fragt das Buebli eismals dänn: „Säg, Müeterli, wer znacht
De Mond an Himmel stellt, und säg mer au, wer hät en gmacht?“
Und d' Mueter seit: „Min liebe Schatz, de Herrgott schickt en uus.
Er hät en gmachet, daß er znacht erlüüchti Hof und Huus!“

„Säg, Müeterli,“ fahrt 's Buebli furt, „was hät de Mond na z'tue,
Wänn Alli schlafe ggange sind und d' Äugli schlüüßed zue?“

Er bruucht ja nümme z'schöne dänn, wänn Alli schlafe tüend,
Und 's ist ja wider heiter, wenn 's am Morgen ufstah müend.“

„Wänn Alli schlafe ggange sind, dänn stygged d' Ängel lys
Uf d' Erde und si schryted still dur Wald und Fäld und Wis
Und wäbed dänn ganz hübscheli es Gwand us luuter Duft
Und sticked Diamante dry und Chralle klar wie Luft,
Und leged dänn das prächtig Gwand de Pflanzen allen a,
Und jedes Blüemli, jede Halm mues fini Chralle ha.

Drum daß si ordli wäbed, luegt de Mond vom Himmel zue
Und seit, wänn f' fertig sind: Nu gönd ihr Ängel au zur Rue.
Und stah am Morge d' Sonnen uf und gugget über d' Au,
So bligt's und glicht's überall vom klare Morgetau.“

„I möcht emal so Ängel gseh,“ seit 's Buebli. „Schachschind,
Me cha f' halt nid wie d' Mänsche gseh, wil's nid wie Mensche sind.
Und doch sind f' da. Bil chömed au zu guete Chinde znacht
Und halted, schlafed d' Chinde, still an irem Bettli Wacht.
Und wird eis krank, so hälfed f' gern den Eltere i der Not,
Und mues eis sterbe, trüged f' es dänn hei zum liebe Gott.

Und daß si besser wache chönd und nüd versuumed, stah
 De Mond am Himmel znacht und luegt, daß Alles richtig gah.“
 „Säg, Muetterli, wird dänn de Mond nüd schüüli müed dernah?“
 „Wowol, min Liebe, au de Mond will öppe Schlafzyt ha.
 Dänn zieht er d' Chappe über 's Gsicht und seit: Ihr Lüüt, guet Nacht!
 Und seit zun Sterne: Liebi Fründ, händ ihr iez für mich Wacht.
 Und wenn er 's gern, wien öppe mir, so rächt bumadig hett,
 So macht er si us Wolchefluum e rächt behaglis Bett.“
 „Da hät er rächt,“ seit 's Buebli gschwind, „de Mond ist gschyd
 und guet,

Jetzt aber säg mer na, worum er öppe schile tuet?
 Und gspähig dunkt's mi, daß er chan an allen Orten sy;
 Me mag nu laufe, wo me will, so ist de Mond deby.
 Weist, wo mer furt vom Ätti sind, so hämm mer'n det ja gseh,
 Und iezed stumm mer ja diheim, und schynt er nu na meh.“
 Da lachet d' Muetter: „Liebe Schag, i mein, du bist nit gschyd.
 Was du nüd alls im Niggel häst! De Mond, de schilet nid.
 Doch luegt er d' Lüüt au öppedie es bigeli böö a,
 Und bsunders au di chlyne Chind, händ s' öppis Urächts ta.
 Los nu, min Schag: Es ist emal es Rädersbuebli gsy,
 Das hät gern Obs im Bungert gfiat, hät 's Niemert gseh deby.
 Und au emal na zabig spat schlycht 's furt, go Birre neh,
 Und wott mit volle Secke hei, und meint, 's heb 's Niemert gseh.
 Doch Öpper hät 's wol gseh — de Mond, wo just usggange ist;
 De dänkt: Wart nu, du chlyne Schölm, hüt nützt der nüt di List.
 Das Buebli rännt, so vil's nu mag, es wird em angst und weh,
 Und ränkt 's um d' Eggen au, 's hilft nüt, es mues de Mond
 doch gseh.

Und luegt 's en a, so chunnt 's em vor, er giäch ganz füürig uus
 Und wink em zue. Dem Buebli wird 's ganz süttigheiß vor Gruus,
 Und alli Birre wirft 's eweg vor Angst und rännt devo,
 Als rüefst luut de Mond em nah: Schölm Schölm, ich känn di scho!
 Und wo 's so spat erst hei cho ist, voll Angst na und erhigt,
 Da hät 's sin Vatter na zum Loh es bigli duregfiat.
 Jetzt weist, min Schag, worum de Mond chan überal hy gah;
 'S ist drum, daß Rein, wo bööge tuet, der Straf etrüenne cha. —
 Säg, häst du öppen au scho gseht?“ fragt d' Muetter zletzte do;
 Und 's Buebli schwiget, luegt in Mond, und d' Tränli wend em cho.

Dänn seit 's: „I ha na nüt so ta, und will nie derigs tue.“
„Se, las mi luege,“ d' Mueter seit, „was meint de Mond deue?
Wowol, 's ist guet. Er gugget ja mis Buebli früntli a,
Und drum, wil d' au so brar gsy bist, mueßt morn en Baze ha.
Jezt aber isch es Zyt i's Bett, bätt na und dänn: Guet Nacht!
Ihr Ängel und du liebe Mond, händ bi mim Schatz guet Wacht.“
Und 's gaht nid lang, so schläflet scho das Buebli glückli y,
Und dur sis Chöpfli schwäbed Traum so zart wie Vollmondschy.

Otto Haggenschmied (Zürich).

Bi der Nisebahn. (Basel)

„Was styt dert fir e Wilggli usem Wald?
'S isch Rauch — 's goht wyter — lueg! 's nimmt iberhand
Und digg und digger kunnt's; jeh isch es bald
Am Hibel äne. Vatter 's isch e Brand!“ —
Rai, Rind, 'de kannsch derwege ruehig sy:
'S isch d' Nisebahn: si fahrt jeh grad verby
Und goht durch's Land uff. In der glyche Zyt,
In der mer grebt händ, schnurrt si Stunde wyt,
Und ladet hundert Menschen uus und y,
Die besti Uhr kennt nit erzaggter sy.
In der Minute tued si halte do,
In dere wider mueß si wyter goh
Und wie der Sturmwind brüst si glych dervo,
Rai Wage und kai Ryter kunnt ihr noh!
De hesch dir 's kuum zum Sise kummlig gmacht —
E Huus, e Baum nimmsch eppe no in Acht —
Do haltet's scho, do stytste uus und sihsch,
Dass du drei Stund wyt vo dehaime bisch.
'S preffiert jeh Alles, Niemeß nimmt der Wyl,
Der Weg isch nyt meh, gschwind nur will me 's Zyl,
Styt y und uus, und tuet, als hätten ebe
D' Zyt numme no die halbi Zyt zum Lebe! —
Der glychlig Weg, wo d' Nisebahn wie nyt
Jeh im e halbi Stindli mache mag,
Bin i an mengem scheene Summertag

Sunst mit mym Vatter gange, in der Zyt,
 Wo Niemeds no an Nsebahne het
 Im Traum nur dänggt, will gschwyrge davo gredt.
 'E isch wöhr, mer händ e mängi Stund derzue
 Als brucht und gmesse het me nit so knapp
 Und eppen uff e Viertelfindli Ruch
 Zich's au nid ako, uff jeh oder ab;
 Het's aim derfir doch gschmeggt im kiehle Schatte,
 Im Nischwald bald und bald uff griener Matte,
 Am Hibel dert, vo wo me wyt in's Land
 Durabe siht: Als wie ne blai Wand
 Stehnd z' hinterst d' Lotheringerberg und jatt
 Dervor lyt mit de Minstertirme d' Stadt,
 Wie mäng Mol nit händ mir si bschaut vo do
 Him usse oder obenabe so!
 Und wie das Derfli haißt und wider dert
 Dä Berg, das het mi do my Vatter glehrt;
 Bald han i Käfer gsuecht in allen Egge,
 Birspizffe gschnitte oder sunst e Stegge;
 Me het au wohl am Weg e Burema
 Atrossen und en frintlig gredet a:
 „Macht's warm? — nit z' flyßig! — haut's es?“ wenn er gmaiht;
 „'S passiert“, het Mänge nur im Nfer gsait
 Und wider wyters pflegt und gmaiht dernoß,
 Doch Andri hend si Zyt zum Sprächle gnoß
 Und sind uff d' Frucht und 's Wetter z'rede so.
 Au eppen pkehrt isch me wol emol:
 E Scheppli duet aim no gar bsunders wohl,
 Ob's wider haim goht; zwor die letsti Stund
 Het doch no warm gmacht und bim Tor asange
 Zich's mitem Laufe nimme waidlig gange.
 'E het au nyt gmacht. Die miede Bai sind gsund,
 Het als der Vater gsait, und dopplet gschmeggt
 Het's, menn me si behaim am Tisch het gftreggt —
 Und gar im Bett druff: nai, so guet und fest
 Schloft nur im Wald der Vogel in sim Nest.
 So het me si der Wyl zu Allem gnoß
 Und isch doch au an's End vom Tagwergg so.

Und gangen isch es aineweg derby
 Und jriden isch me gsi no obedry
 Und gligglig. — Jech isch's anders, eb's dermit
 Au besser syg? 'S mag sy, i waiß es nit;
 Bilicht in Mängem, selber glaub i das,
 In Allem nit. Los drum: Vergiß nit, was
 I dir verzelt ha, dängg an mini Wort,
 Stohsch du no mängem Johr am glychen Ort
 Bilicht wo jech, und i bi nimme do.
 Und wenn du stohsch an andren Orte no,
 So dängg au dra, my Kind, no dann und wann,
 Jo selber j'mitzen uff der Ysebahn!

Ch. Meyer-Merian (Basel)

Unterm Tannebaum.

Es stoht im Wald e Tannebaum
 Do lig i drunder und im Traum
 Gfihn i in alle Zwynge
 Bil Engeli ume styge.

E Besemli das Minte het
 Vo Tannerysli syu und nett;
 In's Kämmerli isch's gftige
 Dermit, wo d'Sorge lige.

Und's wischt und wischt schier mied si dra;
 Rueg nur emol dä Schochen a!
 En Anders wien es Tyfeli
 So flingg, bringt gschwind e Schpfeli.

Und's ladet uff. Bald isch's em j'schwer,
 'S mag's nimme hebe meh; o Her!
 In d'Luft buet's Alles gheie
 Und riest no druff Zuheie!

Die andren Engeli sind gly
 Mit Jubiliere hintedry

Und bloße mit de Bäggli
D'Gedangge furt wie Fleggli.

So furt, und wär ain no so schwer!
Lueg aber, jeh kunnt hindeher
En ander Trippli währli!
Was machen au die Märli?

Scheen Himmelblau e Ettlagli längt
Das Mint, 's isch grad durch d'Rästli ghängt;
En Anders mit eme Hufe
Waldgrien kunnt go ge z'schnufe.

Und's Dritte het e sieße Duft
Verwitscht in sunneheller Luft;
Das Alles diend si bringe
Mit Pache jeh und Singe.

Si lege's an das Plähli gschwind
In's Herz, dra d'Sorge glege sind;
Druff, wo mi weggt e Wiggli,
Wie bin i gsi so gliggli!

Wie bin i gange furt so frisch!
Und eb e Traum nur alles isch,
Wenn's numme hilft! dernäbe
Der Lannebaum soll läbe!

Ch. Meyer-Merian (Basel).

Ungforgt.

Bin i so froh, so froh
Daß i nyt sage ka,
Daß i ka d'Welt lo goh
Grad und frumm,
Zringsetum,
'S goht mi nyt a.

Haimlig my Schneggehuus
Im enen Eggli stoht,
Won i zum Fenster uus
Tag fir Tag
Luege mag,
Was duffe goht.

Regnet's und stirnt's derzue,
Windet's und haglet's dry,
Wach i halt d'Ede zue,
Und der Wind
Fahrt, wie gschwind,
Am mer verby.

Wenn aber d'Sunne druß
Fire kunnt — o juchhe! —
Glych mach i's Tirli uff:
„Lueg, wie frisch
D'Welt nit isch —
Scheener as je!“

Ch. Meyer-Merian (Basel).

D'Füürsbrunst. (Bum)

Kind.

Lue doch, was isch das? Bhüet is Gott!
Der Himel isch ja füürig rot!
Ghör'sch nid, si rüefe „Füürio!
D'Sturmlogge hüült so schuurig scho;
D'Füürsprüge raßlet, Alles rönnt, —
Weiß Du nid, Mueti, won es brönnt?
Chumm, lue, vom Chilchhof gheht me's guet,
Daß Gott erbarm, 's isch Alls ei Gluet!
Das isch nid wyt! Das isch ganz nach!
Wie d'Flamme läßt! Jiz fällt scho d's Dach!

Mueter.

Bhüet Gott, daß Niemer drunder blyb,
U daß es ds Füür nid wyter tryb,
Süsch steit ja bald ds ganz Dorf im Brand!
Da hilfst nid nume Möntschehand!

Kind.

Lue, Mueter, ds Füür läßt nimme so,
'S isch abe; — nei, 's will wider cho!

Mueter.

'S macht jiz nüt meh; ds Füür löschet ja uus;
So chumm, 's isch Zyt mit üs i ds Huus.
Gottlob, wär jiz es Huus no het
U schlafe cha im warme Bett!
Wo sy die arme Lüt die Nacht?
Doch Gottes Liebi sorgt u wacht.

Kind.

Los, Mueter, los, wär chunnt dahär?

Mueter.

He, gang u lue, Du weisch deh, wer!
Was luegsch mi a? So gang doch gschwind,
Tue d'Huustür uuf! 's sy gueti Fründ.
U trag de hurti d'Suppen uuf.
I dank, ji blangen ase drunf.

Kind.

Oh, syt Dühr's Batter? Wo het's bröunt?
Syt Dühr oh gsi u nid verbröunt?
Oh, Ehlaus, bist Du's? Chunnsch oh dervo?
Ich alls verbröunt? Lähich Du oh no?

Vater.

Gib Dum is Öppis unter d'Zänd,
Deh will Der zelle, wo's het bröunt.

Mueter.

Da fätt und leuet nummen eis,
Myn Kraft, wie syt Der doch im Schweiß!

Vater.

Glaub wohl! Doch Das isch Alls no nüt!
Die arme Lüt! Die arme Lüt!

Mueter.

Wän het's de troffe? Redet doch!

Vater.

'S isch nume nächst, im Riggisloch!

Mueter.

I ha's no dänkt; ich's ds Chrämers Huus?

Vater.

Grad das u deh no ds Chorbers Huus.

Mueter.

Wie isch's agange? Weiß me nüt?

Vater.

Gar Allerlei erzelle d'Lüt.
 Dänt, d's Chrämers sy grad z'Märit gsi,
 Bloß d'Magd blybt da u d's Anneli.
 Du heißt es, d'Magd heig Chüechli gmacht
 ll nähm si neue nid in Acht.
 Du sygi d's Fүүr in Anke cho
 ll bald heig's brunne lichterloh.
 Als sälber seit, d's chly Anneli,
 Das sölli d'Schuld an Allem sy,
 Das syg elei da ume grütscht
 ll heig Zündhölzli du erwütscht;
 Es chönn azünte, d's Fүүr düruus
 Fräß zerst der Umhang u du d's Huus.
 Der Lust tröbt d's Fүүr zu Chorbers hi,
 ll wäre mer chly ehnder gsi,
 Wär weiß, es hätt ihm nid vil gmacht.

Mueter.

Ch, 's het mi gnueg i Angstschweiß bracht!
 Da stande si u gseh i Brand
 ll hei gwärweißet, 's isch e Schand.
 „Wo brönnst es oh? ll wei mer zleh?“
 Si wäre fider dunde gsy.

Vater.

Vue, das verstandet Dihr nit rächt, —
 Mer sy no cho grad äberecht, —
 Scho het es d'Funke wyter gwäiht,
 ll hätti nid der Lust si dräiht,
 Su hätti's d's Joggis Huus oh gno,
 Deh wär's i d's übrig Dorf oh cho.

Kind.

Nei aber, het's der lieb Gott ghört,
 Wo Dihr heit bättet, Mueter dert:
 „Bhüet Gott, daß Niemer drunder blyb,
 ll daß es d's Fүүr nid wyter tröb!“

Vater.

Gottlob, 's het Niemrem Öppis ta!
Da gshet me, was ds Gebät verma.
Wo ds Chrämers Huus i Flamme steit,
So ghört me, daß es Ghindli schreit.
Da springt der Peter yne gschwind
Dür Rauch u Föür u suecht na'm Ghind;
Är findt's, chuun man er use gcho,
So chrachet ds Huusdach zäme scho.

Mueter.

Rei, wie doch Gottes Aug u Macht
Im Unglück sälber ob is wacht!
Nu, Peter, das isch brav vo Dir,
Eä — du muesch Öppis ha berfür!

Peter.

I danke, gät Ech nid die Mueh,
Ha bloß ta, was i schuldig bi.
Es Ghind erlöst us Rauch u Gnet,
Das geit mer über Gäld u Gnet.
Gät Ihr das Gäld dem Chorber eh,
Dä het uf aller Welt nüt meh.

Vater.

Ja, de heisch Rächt, vor Allem uus
Mueß ghulfe wärde d's Chorbers Huus!
Dem Chrämer isch wohl vil verbrönnt,
u Niemer, dänk, isch, won ihm's gönnt;
Was da hoffärtigs Büüg isch gsi!
Und Alles hi! Und Alles hi!

Kind.

Ach, Vatter, u d'Läbchuechen oh?

Vater.

O, dere sy no z'übercho;
Eüsch hei mer doch, Gottlob, no Brot,
u ds Chrämers Lyde oh nid Not.

Dem Ryche, däm hilft Jederma,
Wär nimmt si aber ds Chorbers a?
Die armi Frau mit sibe Chind,
Wo Die ächt oh nes Stübli findt?
U feini Chleider meh, feis Brot!

Mueter.

Erbarm si Gott, erbarm si Gott!
U mir wei oh Erbarme ha, —
Hätt's üs nid oh so chönne gah?
Drum wei mer dänken a die Lüt,
Damit Gott üsi Sach oh bhüet.
Was, meinsch De, Batter, chönnt me gäh?

Vater.

Ei wärden Alles gärn ahnä,
Dänk Brot, u Chleibli für die Chind,
U was me süsch no für si findt.

Kind.

I will oh gäh, i will oh gäh!

Mueter.

Me chönnti villicht Chinder näh!

Kind.

Ja, Mueter, alli sibni, ja!

Mueter.

Wo wette mir sen alli ha?
So muesch Du us Dym Bettli gah.

Kind.

Das will i scho, das will i scho!
U Schue u Chleider han i oh;
Und im Sparhase han i Gäld,
Füüf Bage; i ha's erst no zellt.
Was chan i ächt no chaufe druus?
Siz weiß i was: es früsches Huus!

Mueter.

Du Guets, damit springst no nit wyt!
Doch wei mer luege; jiz isch Zyt,
Gang jiz i ds Bett u hätt Du Gott,
Ar well ne hälfen i der Not,
Ar bhüeti Huus u Hab u Land.
Vor allem Unglück u vor Brand,
Ar well is bhüete Lyb u Seel
Vorm ergste Föür, vor Fü Säenhl, du
Ar well das Guet u Huus is gäh,
Wo üs fei Schelm, feis Föür cha näh.
— So schlaf jiz i Gottsnamen y!
Morn wei mer früeh scho dunde sy!

fr. Haller (Bern).

'S Krangg Briederli. (Basel)

„So lang e guete Schlof nit käm
Und ihrem Krangge d'Fieber nähm,
So lang kann er nyt mache;
'S Schlof fiehr d'Krysen erst herby,
Und d'Krangget gang derno vorby;
Doch wenn durch länger Wache
Erschepfung zue dem Puls sott ko,
So kenn's gar licht der lez Weg goh.“

So het er gsait, der Doggter, und
Was d'Mueter fir e Schregg akumt
Isch gar nit mügli z' bschrybe;
Si grynt und jomeret am Bett
Und au der älter Brueder het
Kai Trost, ihr Angst z' vertrybe.
'S Krangg Briederli frogt wol, worum?
'S bekunnt kai Antwort. Baid sind stumm.

Und endtli stehnt's: „Ach, git's denn nyt,
Du, Brueder, fir di langi Zyt?
I mecht si gern vergeffe.

Berzell mer au e Märli, gelt?
 I heer ngt Liebers uff der Welt
 Als Gschichte vo Prinzesse
 Wie die us Tausend und ainer Nacht.
 Kumm, sih zum Bett — i gib gwiß Aht."

Der Brueder isch berzue bereit,
 Doch d'Vueter glyslet: „Seig au gscheidt!
 Was wurd der Doggter sage?“
 „Seig ohni Sorge, 's schadt em ngt,
 Was i erzell; di langi Zyt
 Isch no vil schwerer z'trage.“
 Di gueti Vueter isch no bang,
 Doch sait si: „Mira, — mach nit z' lang."

Si goht; Jesh sikt der Brueder hi:
 „Emolen isch e Keenig gsi
 Vor lange, lange Johre.
 Dä het mit finer liebe Frau
 Lang blangt und ghoft, 's werd enen au
 Emol e Kind gebore.
 Vergebe; Baid händ d'Hoffnig scho
 Verlore — do isch's endtli fo.

Das isch e Fraid gsi im Palast!
 Mit Gschengge iberhüttet fast
 Isch's Kind von alle worde;
 Denn zue der Lauft bringe d'Gäst
 An Kostbarkaiten 's Scheenst und 's Best
 Und us de fernsten Orte.
 Und Alles, was nur Fieß het, lauft
 Zuem Kind — „Dornreesli“ het me's tauft.“ —

So fahrt er furt: Mer kenne jo
 Das Märli, und mer wend en lo
 Erzelle vo de Fraue,
 De wyse, vo dem Fluech, wo zletzt
 No aini nydig usefletscht
 Und Alli füllt mit Graue —
 Wie's Dornreesli endtlig au
 Zum Turn kunnt und der alte Frau.

Wie dert die beesi Spindle stoht
 Und wie sich's sticht, und wie's em goht,
 Und Allem was nur Lebe
 Im Schloß het, d'Fliegen an der Wand
 Sogar vom Schloß sind ibermannt
 Und d'Spinne nimme webe
 Und d'Tube dusse, d'Pferd im Stal,
 — 'S schloßt Alles, Alles, iberal.

Und 's seig kai Schloß gfi nur wie z'Nacht,
 Rai, Raine seig meh drus erwacht;
 Meng Johr seig unterdesse
 Vergange. — So, us Bruebers Mund
 Quillt's frisch; er molzt so reizend und —
 Hätt bald der Krangg vergesse.
 Und won er endtli sitwärts bliggt,
 So — hert er uff und isch entziggt.

Denn lueg men au, der Krangg lyt do
 In gsundem Schloß. — 'S isch an en fo
 — Der Brueber ka sich's dängge —
 Wo au im Märli in der Rund
 Der Schloß uff alli Wese kunnt
 Mit Zaubermacht sich z'fengge.
 Das isch e Fraid. „Berwach mer nit!“
 Der Brueber goht mit lysem Schritt.

Und d'Mueter kunnt, au hibschli, wacht
 Am Bett vom Kind die ganzi Nacht,
 Post hundertzmal sin Otem,
 Und endtli sait si: „Gott sei Dangg!
 I glaub, er isch jeh nimme frangg,
 Si Fieberhiz vergoht em“ —
 Und won er wacht, isch's hell am Tag
 Und 's goht em, wie me's wünsche mag.

Er luegt si um und stuunt: „Herrje!
 I han im Traum 's Dornreesli gseh.“
 — „Und jehen isch's der besser?““
 Frogt d'Mueter, und ihr Bligg isch sycht.

„So, Mueter, 's isch mer wohl und lycht,
Nu 's Mul isch wider nässer.
Durst han i nimmemeh eso,
Ach! loß mer ebbis z'eisse ko!“

J. Mähly (Basel).

Marie's Tod.

Wo ds Rosa isch erwache,
So geit's zu ds Marie's Bett;
'S wott nume hübschli mache
U gseh, wie's gschlafe het.
Da ghört es d'Mamma briegge,
Der Papa briegget mit,
U ds Marie tuet da lige
So bleich und rüehrt si nit;
U ds Rosa wott ihns grüesse,
Ach! ds Marie ghört's nit meh,
U ds Rosa wott ihns chüsse,
Ach! ds Marie gseht's nit meh;

Es wott ihm nit meh lache,
'S isch still u bleich u halt:
„Ach, witt nit meh erwache?“
'S blybt still u bleich u halt.
Denk! ds Schwösterli isch gstorbe,
Bil het es briegget no
Und endlich duse Morge
Isch du sy Engel cho
U seit: „Mys arme Chindli
„Schlaf wohl u briegg nit meh!“
„Ghunnt einisch ds Morgestündli,
„Su wecken i di deh.“

Fr. Haller (Bern).

Jahreszeiten.

Der Hornig. *(Schaffhausen)*

Jez lueget mer de Hornig a!
De ist halt doch en ganze Ma;
Wien er, würd zwüschet Thur und Rhn
So bald nid eine z'finde sy.

Oh d'Sunne no am Himmel stoht,
Seit er: Herr Winter, 's ist kei Gnod;
Hüt gilt's, wer Meister seig im Land
Und wer der Ander druckt an d'Wand.

Doch de mit Duft und Ns im Bart
Brummt uf und seit: „Nu 's Brogle gipart!
I bin Ein us der alte Zyt,
Wo nid se grad am Bode lyt.

Probier's, du Kreuter, chumm mer z'noh!
Wenn i mueß 's ruuch Teil füre lo,
Was gilt's, de denkst e Zytli dra,
Wien i di heig am Bändel gha!“

Jez würd de Hornig erst recht höh,
Stürmt us de Berge mit der Pföh
Und haut grad uf de Winter n,
Als müeßt er z'Feße ghaue sy.

Chuum het de Schweb so schüüli tue,
Won er i's Schwobeland ist chu.
Si hummerbiered, 's ist e Gruus,
Und lufed d'Tür und Läden uus.

De Winter tuet wie's Tier im Hag,
Variert em Hornig Puff und Schlag,
Bürst Schanzen uuf von Ns und Schnee
Und meint, es chönn ihm's niemert näh.

Doch alli syni List und Fünd
Und Helm und Panzer helfed nünd;
Er mueß sym Gegner 's Schlachtfeld lo
Und plänkled nu in Schluchte no.

„Hallo und Hurra“! juchzet De:
„Hest no nid gnueg und nöchlist meh?“
Springt über Gräbe, Gflüd und Hüg
Und buht en no vor Nacht eweg.

Felix Sulzer (Schaffhausen).

D'Chüechlete. (Zürich)

A der Jagnecht isch es lustig;
Da gahd 's Herreläben a.
Vueged, wie wird d'Chüechlirustig
Weibli hinfüre gnah!

Zäh Pfund Mehl häb d'Frau la bschide,
Dass si ja nüd z'wenig heig,
Zum e schöne, große, dicke,
Lustige Milchdöhrleig.

Mehl und Milch und Salz verrüehrt si
I der Gelte mit der Hand.
Wänn's si nu nid bißt, sußt schmiert si
Gwüß en Schlämpe Teig a's Gwand.

Voller Sehnsucht und Verlange
Vueged zue der Bueb und 's Chind;
Fast zum Sterbe tued s'es plange,
Bis die Chüechli fertig sind.

Jegeß gahd 's denn an es Tröle
Ufem gwäschne Mueltebritt,
An es Würke, Drucke, Böle,
Und de Ma hilft au na mit.

Lueged det! de Wali nimmt er —
'S häd vo fern na Rume dra:
Und e länger i ergrimmt
Druckt er druuf, je starch er cha.

Daß de Teig nüß kläbi, häd er
E Ggli Mehl uf's Brätt verstreut.
Antli gib's en breite Bläder,
Wien es Zwäli — 's ist e Freud.

Mit em Redli, artig g'lücklet,
Fahrt er chrüz und quer bädur.
Chünstli wird de Teig zerstücklet
Vom e simple, dumme Bur.

Häd er au im ganze Läbe
Nie bei Formelehr studiert,
Weißt er doch i sine Näbe,
Ob f' symmetrisch stönd im Gviert.

Lueg, wie schneydt er mit sim Redli
Schöni Rächteck und Quadrat!
So en Bursma, g'schickt und redli,
Chörti wol in große Rat.

Doch mer wänd is nüß vergässe;
Wägem Chüechle sinm mer da;
Aber eh mer f' chönned ässe,
Wüem mer na i d'Chuchi gah.

Schmöcked er die Gschmäck vom Anke?
Wie's au strodlet, chnällt und südt,
Wie's vor luter Äßgedanke
Gim au i den Ohre lüt!

D'Frau stahd diffig bi der Pfanne,
Leid die Chüechli artig dry.
Kei Minute häd eis ane,
Nisch es bache, wie's mueß sy.

Sorgli leid si s' uf de Täller,
Und verspreited s', daß s' enand
Rüd verdruckid, und me s' schnäller
Chönn verhalte neh zur Hand.

Lueged au, wie det e paari
Büüchli händ, es ist e Pracht!
Aber fryli, leider! gwahr i,
Daß si au vil Bläder macht.

Äntli sind die Chüechli bbache;
D'Mueter bringt en Täller voll.
Wie die Chind au möged lache,
Und druuf schüßed grad wie toll!

Eis um's ander nähmed s' use;
Zehle chönnt me chuum, wie vil;
Schopped ine — 's möcht Gim gruse —
Bis 's fast oben use will.

Fryli tued's es dänn es Wyl,
Ist de Glust emale bbüest.
Das ist guet: Es wär ja schüli,
Wä men eistig ässe müest.

'S Antefasß chäm's Buuchweh über,
Eb e Buchen ume wer.
Ä was säg i? Gwüß en Züber
Wer i wenig Tage leer.

Losed nu! Im Gaden inne
Seid ja d'Frau betrüebt zum Ma:
„Ach, der Anke häd au gichwinne,
„Sett i 's Chüechle blybe la!“ —

„Lueg jeh weg vom Ansehase.“
Seid er, „und bis nüd en Nar!
'S ghört dem Buur, wie Fürst und Grafe,
Au emal en Zug im Jahr.“

Heinrich Nägeli (Zürich).

Chomm Ruedeli! (Sr. Gallen).

Wie schön, wie schön! Wie tuet's eim's Herz erfreue,
Wenn lps und still, i lauer Früehligsnacht,
En Öpfelbaum zue voller Bluest erwacht
Und plöglech prangt als wie en Hochzjts-Mäje.

Chomm, Ruedeli, und loos, was I will säge:
Chomm, lueg das Bäumli, — weist, es ist jo dys —
Wie isch es jeh no so ne munzig chlys,
Doch lueg, wie tuet's scho fini Blüestli träge!

Eins, zwei, drei, vier — min Gott, wer wett si zelle!
'S ist eis am andre, alles präglet voll,
Und wie's o riecht, o, wie tuet's eim so wohl! —
Aha, sechst's Bynli, das hät o scho welle.

„Jo, chomm du noo, i mag der's herzlech gonne!“
So rüest em's Bäumli, „flüüg du y und uus,
Du bist mer en willkommne Gast im Huus!“
Und's Bynli chonnt nnd suugt und tued si sonne.

Doch blybt's nöd lang, es tuet si töchtig tommle,
Es leit no gschwind die gäle Hösli a,
Flüügt heim demet, so gschwind as's flüüge cha,
Zuer Mueter, weist, si tät söß mit em brommle.

Gschwind streift's dört d'Hösli vo de zarte Beine,
Flüügt wider z'roß zuem Bäumli, wohlgemuert,
Und holt si andri; — lueg, wie stond's em guet!
Es tued si o nöd öbel demet meine.

Und hee und her, bald usen und bald ine,
So goht's de ganze, liebe, lange Tag,

Mi Byli flüügt und suugt, so vil as's mag,
'S heist nöd vergäbis: „flyßig wie'n e Byne.“

Was meinst ächt, Ruedeli, was I hei welle?
Und woför ha di ächt do häret gfuehrt?
Ja gelt, du häsch's scho i der sälber gspüert:
'S send nöd no Gspägli, wo der will verzelle!

Rei! — Rueg dy Bäumli, 's blüecht so schön, so stille, —
Ob's hüür ächt treit? Es soll mi Wonder neh, —
Rei! 's ist no j'jung, 's cha no kei Öpfel geh,
Doch zeigt's emol de schöne guete Wille.

Soo tuon o du de guete Wille zeige,
Min Ruedeli, bis fröndlech, brav und lern,
Was d'lerne mueßt, met Yfer, und lern's gern —
Rueg, 's drocht di nünt, sobald's emol di eige.

Fröcht tuet me keini no vo der verlange;
Wie's Bäumli bist no j'jung bezue und j' chly,
Doch volle Blüestli söttist jeh scho sy,
Söll einst din Lebesbaum voll Öpfel hange.

Und's Bynli loß der o als Vorbild diene:
Wie chly als's ist, es sammlet frueh und spoot;
Rei Red devo, daß 's neimen omme stoht
För nünt und weder nünt, es suumt si niene!

Soo sammeln oh, met Chopf und Hend und Füeße!
Was gelt's, du häst bald selber Freud demet?
Wenn d'Arbeit o nöd luuter Honig gett,
So tuet si eimel's Lebe doch versüeße.

A. Halder (St. Gallen).

Dürr und Grün.

Was klinglet und was rasslet
Und klirrt in Busch und Wald,
Als wenn me Säbel zämme
schlieng?

Uf Tod und Lebe stryete tieng?
Me mainti 's wäger bald!

Und jo, si sind gar hitig

Duß anenander so:

Die junge Knespli, wo der Mai
An Räst und Zwynge groß und
glai

In's Feld het rugge loh,

Die stryete mitem alte

Und dirre Blätterzng,

Das no vom letzte Winter her

Ist an de Zwynge blibe, wer

Jeh druff der Maister jng?

Mit aimol kunnt do z'fufe

Der Ostwind iber's Feld,

Er sieht: die junge sind gar zart,

Die alte Blätter styff und hart;

Da isch es ibel bstellt.

Und dänggt: y mueß goh helfe!

Wie 's Byßwetter fahrt

Er uff die dirre Blätter los

Und schittlet alli glai und groß
Am Krage, 's het en Art.

Si rasslen und si prasslen
Und fallen uff der Grund,
Er aber segt us Wald und Schluff
Und juchzt und wirft si hoch in
d'Luft

Und spielt mit mengi Stund.

Nai, lug au! tausig Tirli
Die gehn jeh aismol uff
Und 's giggelet us jedem sacht
E Kespfi use, löst und lacht
Und wogt si fire druff.

Und 's mache si 's die Knespli
Gar kummlig alli scho:
Si seze si glych kegg und frisch,
Wo naime nue e Plätzli isch;
Bald händ si jedes gnoh.

Und wo der Wind druff wider
Suust iber Busch und Wald,
Wie naigt si Alles vor em do
Und ruuscht e „Gott vergelt's“
ihm noh —

Verschrogge wär er bald!

Theod. Meyer-Merian (Basel).

Fyrtig.

Was isch ächt fir e Fyrtig?
Lueg im Kalender noh!
Stoht drin kei rote Nammen au,
He nu, so stoht er himelblau
Als Friehtligsmorge do.

Mit weniger drum gilt er
Un d'Fraid isch glainer nit:
Der Liebgott selber isch jo ko,
Het alli Kesten ibernoh
Vom ganze Fyrtig hit.

Lueg d'Oleggli in de Matte,
Wie stehnd die scho parat!
Si hängen a de Stengeli
Mit syne zarte Kengeli,
Nur's Luegen isch e Ostaat.

D'Muhaimeli probiere
Zentumme d'Oggli scho,
Und tausig Wiggli falle gly

Mit ihre raine Stimmli dry,
'S will kais dehinte stoß.

Und Schisseli und Plättli
Und Kelchli ohni Zahl,
Die synsti Arbet vo der Welt,
Rot, goldig, blau, sind ane gstellt
Im Feld uf iberal.

'S isch Hunig drin und Zucker,
Wohlschmeggig obedry,
Und do und dert im Kelchli au
Glänzt no ne Treppli Himmelstau,
Wenn Nis sott durstig sy.

So gehnd denn, lehd's ih
gshmegge!

Es kostet Alles nyt;
Nur lege d'Sunntigsgsichter a
Und lehd, was eppe steere ka,
Dehaim, ihr liebe Lyt.

Ch. Meyer-Merian (Basel).

(Lenz) Der Lanzig dunnt. (Glarus)

Chänd lueged, chänd lueged, der Lanzig ist da,
Gott wülche, Gott grüez di! du früntliche Ma,
Zeh sim mer all lustig und johled ä chlei:
Zuheissa der Früehlig! De Schneema ist hei.

Rei losed, wie's tosed und rumplet, Herr Ze!
Die Lauene stürzed vu felfiger Höh.
Und d'Störchli und d'Schwalbe, so früntli und fry,
Rei währli, si finde sich all wider y.

Pos tuusig und d'Blüemli si gügget im Gras,
Me chönnt si z'tod luege, so prächdig ist das.
Chänd lueged au Chinde, 's ist alles so schü,
Und d'Bäumli und d'Stunde sind alli wie nü!

Und lueged au d'Meidli und d'Buebe vor'm Huus,
Si tanzed und springed und flüüged scho uus.
Si stede sich Meien uf d'Hüet und uf d'Brust
Und gumped wie d'Gizzi vor Freud und vor Lust.

Chänd, Chinde, ihr Liebe, mer siked e chlei
Det annen i Schatte am Baum, neben Stei;
Det simm mer im Frye, gfind wyt ummenand
Und redet und schwäged vu alleterhand.

Was meined ihr, Chinde, wer macht alles das?
Wer färbt alli Blüemli, wer malt alles Gras?
Wenn's schnyt und wenn's stürmet und d'Lau so chragt,
Wer ist's, der so vätterli alles bewacht?

Chuum hemm mer nu Winter, Chuum ist derfälb hei,
So grüenet's und blüehnet's uf Büchel und Rei;
Drum Chinde, laßt üri Registerli los
Und singed das Liedli: „Der Herrgott ist groß.“

J. J. Bähler (Glarus).

Dr Guggler.

Es Büebli arm, jo grüügli arm,
So arm, aß einem Gott erbarm,
Geit a me schöne Frühlügstag
Uf's Feld und lauft vo Hag zu Hag;
Es lauft fasch alli Matten uus,
Suecht Meien uuf und macht e Struuf.

Und wie das Büebli Meie nimmt
Und 's Strüügli für sy Lehrer bstimmt,
So fört es, was em währli gfallt,
Dr Guggler rüefen ufem Wald,
Er rüeft dä Frühlüg 's erste Mol
Und was das heißt, das weiß me wol.

Und 's Büebli seit: „I freu' mi dra,
Wil i ne Chrüger by mr ha.
'S heißt: Wenn dr Guggler 's erst Mol schreit,
Me fört's, wer Geld im Bieter treit,
Dä wärd' dür's Johr zu Öppis cho;
Jez nimmt's mi Wunger, isch's ächt so?“

Dr Guggler schreit no eister zue,
'S meint eim, er überchöim nit gnue;
Er rüeft im Frühlüg do und dört,
Me het en aber nie so fört;
'S isch wien en Öppis drücke tät,
Was er vertraulich z'säge hätt.

Und 's Büebli merkt dr Guggler scho,
Es chehrt si um und lauft drvo;
'S geit flyßig druf i d'Schuele hi
Und sammlet gueti Lehren y;
Es list au dört mängs Blüemli uus
Und zieht im Läbe Nuge druus.

'S wird groß und schafft und huust drzue,
Löst mängisch no em Guggler zue,
Git zletzt gar no ne ryche Ma.

Chasch gseh, nimm do nes Byspil dra:
„Wie Mängen isch, wo nit au wett,
Aß er em Guggler glosset hätt!“

f. J. Schild (Solothurn.)

D' Nachtigall.

Zur Zit wenn d'Bueche grüne, d'Maiernßli dufte und d'Bächli heiter und gschwägig dur bluemigi Matte spaziere göhnd, chunnt mer z'Obe, wenn i schlooffe will, allemwl Öpper i Garte und vor mis Fänster cho spile. Do mach i's Läuferli uuf, luege use im hälle Mondschyn, lose und lose, chume nid gnueg über und vergisse der Schlooff. Um si Chunst und um sis fröhlich Gmüet benyd i de Spiler und dänke, wenn i 's nume au so chönnt. Es isch, als ob er mi tröste wett. Jo, er tuet's und es taut i mys Gmüet wie Monschyn in e dunkle dicke Wald. Und isch der Spiler fertig, so machi 's Läuferli zue und schlooffe so ruehig und i heitere Träume.

Und wer isch es mit sim heitere Sinn und der hälle Stimm, de mir alli Obed i Garte chunnt? Es chlyß arms Bürschli, es Vögeli ohni Huus und Heimet; ist hüt do, morn dert; het nid emol es Bündeli bi nem; aß wien es goht und stoht, Summer und Winter im bruune Chleib und ohne Schüehli. Doch gseht me nüt Bläzet's an em und nüt Ufüberlich's.

Und was bruucht der Spiler denn meh? Ist er doch glücklech i finer Armuet, macht nid uuf für's Gälb und erfreut doch so mängs Gmüet. Het er numen e grüne Busch, es Bizli Brot oder es paar Eier und vor allem e früsche Trunk, so isch er zfride.

Ist er fertig mit eme Liebli, so wartet er allemwl es Bizli, bis er wider vo frischem asoht; denn bringt er es anders, und hundredti weiß er, spilt nid eis no de Note, alli chan er uswändig. So singt er furt bis Johanni, wenn d'Abbeeri und Chriesi verrysset händ; denn ist er scho lang yghuset bi sim Wybli und 's Singe vergoht em, wenn d'Chinder lärme und Brot häusche; er mueß si gschweige und mueß ne z'esse geh,

mängisch vierne und fünfe mitenand. He nu! er het si schöni Zit gha, allemyl jinge mag me au nid, ei Freud löst die ander ab. Sind d'Bire erst ryff und d'Pferfch, so gfallt's em nümme do; er goht wider uf d'Reis; denn z'läbe mueß er ha und d'Chälti möcht ne chysterig mache. An andere Orte fällt au no öppis ab vo's Herre Tisch, und wil der Spiler so arm ist, mueß er halt witer's zieh. Nu, Glück uf d'Reis und chum über's Johr ämel wider zuen is i Blühel!

Rud. Meyer (Murgau).

Zuem Osterhaas.

Gälten, Ihr liebe Kinderli, wie die Zit umme goht? I main, es jig erst Wienecht gji, won i Ebbis fir Eich uffgschribe ha; dr Babbe-n-oder d'Mamme händ Ech's villlichte vorgläse. Dänggen au, fällt'smole het mer e Viebli, der Karli, Bricht gmacht, 's haig em eso gfallle, daß er au Ebbis in's Blettli jeze well fir mi und i mieß em drno wider Bscheid druff gäh. Drfiber sin mehr als drei Monet ibere gangen und vo's Karli's sim Artiggel het me kai Mux gher; me wird em halt gsait ha, er mieß drmit warte, bis er groß jig. 'S isch aineweg scharmant von em und i nimm's fir empfangen a; und will justement d'Ostere vor der Diren isch, will i em zaige, daß i doch an-en dängg, und nit nur an Karli — nai, an alli liebe Kinderli, Bueben und Maitli.

Scheener kennt me's wahrhaftig nit ha, als Ihr in dr Jugeb; ai Fest non em andren und zwischen ine just no so vil Zit fir si uff das z'fraie, wo kunnt. Erst leztli hän Er an der Fasnacht use gluegt, und wenn au nit alli an Kinderbaal hän berse, so het's doch Fasnachtskiechli gäh oder anderi gueti Sache. Und wo das ibere gji isch, sin Er an bene scheene Däg vor's Tor use in die helli Sonnen und hän Beietli und Matthebliemli gsuecht.

Und was isch jeze scho wider los, daß Er eso tribelieren und blange? Gelte die herlige Ostere? Scho mengmol het me's

erlebt, daß alles Stai und Bai gfreore gsi isch, kai Blettli an de Baim, gschwige no Bluest, und wegenem schnybige Wind duffe het's Hässli d' Aier in Husgang lege miesse. Das'molen aber isch's festtig. Alles im Laub und Kirsbaim und Birebaim schneewyß voll Bluest. Und die griene Matte-n und die vile Bliemli, und der Glai het gestert, won er mitem Lene spaziere gsi isch, fir ganz gwis e Hässli gseh dur's Gras gumpe. Kan i's denn nit fange, Babbeli? Hejo frili, liebe Schatz, de muesch em nur zerst Salz uf's Schwänzli strae. Und jezt goht dā Binggis in d'Ruchi und haischt e Hämpfeli Salz und im Gärtli stoht er und baßt und baßt O waiele, 's isch drsiber en ander Wegli, und d' Mamme rief: „Kemme gschwind, gschwind! Der Haas isch do gsi!“ Das isch e Durenand; si rennen aim fast um; Ais buggt si, s' Ander stoht ebe wider uff, und jedes Grassbüscheli wird visitiert, und doch finde si nit emole, was ene grad vor dr Nasen isch. Lipfe doch au die Bletter uff, was lyt denne do? Giesch jeze, das prächtig Schoggeladen-Ai? Nai das Hallo! Jedes kunnt mit fyrrote Baggli und zaigt, was es het; 's isch e Gligg, daß d' Mamme ne Kratte noch trait; me wißt sunst nit, wo ane drmit. Si zellt: „Efsi, zwelfsi, drizähni, 's isch no lang nit Alles; sueche nur recht!“ Und dr Babbe hilft au no mit und wenn er scho si Brillen uff het — er isch doch allerwil dr Letzt; d'Kinder gseh'n's immer zerst. Was isch dennen under dem Tännli, Haidebritsch, ganzi Räster; das sin mer kurioji Aier! Luege! ne großi Gatschuballe! und e Kaffeschiffeli mit Ehrli und Däseli drin! das isch gwis fir's Myßli, wil em gestert s' Handhiebli an sim abgangen isch Jeze hän Alli Ebbis in de Händ, nur 's Buebeli nit: Babbe, nimm en doch uff dr Arm, sunst verkeltet er sich am Bode! Kumm, mir wänd au Ebbis sueche. Lueg emole, was heggerlet dert oben in dem Nest? Gäll, jeze streggsch dini Ärmli us; mach scheen: bitti, bitti! drno läng i der's abe. Was saisch drzue, liebe Schatz? Das isch e Zugerhässli, wo dr nit drvo lauft; und lueg das glatt wyß Belzli und das roserot Schnypfeli!

Drsiber hän die Andren ihri Nisi dr Mamme brocht; 's het e ganze Schoche gäh, blau, roserot, bruun und gäl. Eich dungge die vo Choggoladen und vo Gerstezugger persee am scheenste, mi aber nit; am beste gfallt mer die natyrlige, won in dr Bibelehilshete gfärbt sin. Die gueti Großmammen isch just drzue ko, won i am Riste gsi bi; i hätt au no solle d' Filli fir d'Osternpfaden griehre; do het si mer im Gärtli Griens gholt und mit Fäden uff d'Aier bunde, und luege nur die nuggische Blettli, wie akkurat si use ko sin; e Tail het sogar e wenig Farb iberko, und wo si kalt gsi sin, d'Nisi, het si si no an eme wullige ruuche Lumpe gribe, daß sie worde sin as wie poliert. An denen andre do het sich d'Tante Bertha verfinstlet; nai was i sag, Beietli sind druff und Mattebliemli und sogar Kinderli abgmolt ussem Helgebuech vo dr Grinowee. 'S wär wahrhaftig schab, die z'esse; mer lege si in's Miesch am Bluemedischli. Und do sin Sprichli druff, nai wie haimelig: „Ein gutes Kind gehorcht geschwind.“ Und was stoht denn do: „Was Häschen nicht lernt, lernt Hans nimmermehr.“ Do bruucht me nit z'fragen, uff wer's gminzt sig; das isch fir dr Langwuri, won in dr Klatz sitze bliben isch. Do hän mer no ais, 's isch im Hansi si Handschrift: „Es flog ein Gänselein über den Rhein und kam als Giggag wieder heim.“ Luggi, Du bisch gmaint; dasmolen isch unsre große Bueb, der Schluchi, gschwind bi dr Heß gsi mit der Antwort; hoffetli het er si trumpiert, gäll, Luggi? . . . I bitti, wer wird au so empfindlig si! . . . Dr Hansi sig e Pfliegel, saisch! . . . Die erste Däg, wo de wider behaime gsi bisch, het er no Respägg vor dr Wälschlandjumpsere gha; jeze-n isch er Di wider gwohnt, und i ka Dr sage, mini Brieder hän mer's au nit anderst gmacht; si wänn emole nit pariere, und wenn si groß sin — erst recht nit; drno mache si lieber dr Scharabonis vor ander Lits Schwester.

Aber jeß isch's gnueg mit dem Zangge; unter Gschwistrigi nimmt me's nit so gnau und 's kunnt e Zit, won er froh sin iber enander. Luege doch die Blainen a, wie si vergniegt sin;

und der Babbe, i glaub wahrhaftig, er ballt mit ene. Und 's Buebeli, mit sim Hässli; git's em nit ai Schmizzli iber's ander! Abrobo, Ruebi, was nielsch Du do im Kratte? De bisch e Durribene; gäll, De suechsch Der wider ais uus mit ere herte Schaale, wegenem Abupfe? 'S isch Der fern schlecht gnueg beko; waisch nimme, wie's Der stärbesibel worden isch vo bene vilen Aiere? Das isch d'Strof gsi, fir daß De si den Andere abglust hesch. Der Her Doggter het au gsait: „'S gschicht em ganz Recht, dem Freßsagg; zuem Oligg het si dr Wage vo selber ghulfe; lehn'd Sin en nur e paar Däg faste.“ Sällets'mole sin Der d'Osternpfaden an dr Nase verby ggange.

So, jeze will i de Glaine helfen ihri Sächli uffhebe; gelte, so ne scheene-n Osterhas hän er no nie gha? Het nit e Jedes zu den Aiere no ne Präsentli iberko? Der Hansi fryli nit; der Babbe hätt em e silbrig Yhrli gstryt, wenn er in dr Schuel brever gsi wär. Jeze kan er 's ganz Johr mit eme leere Schiledäschli ummenanderlaufe.

Mai luege, Kinderli, me mag gar nit ine goh, so scheen isch's im Gärtli; die Pracht vo denen Auriggeli und Duli-panen und Zingge! und die rote Bischeli am Epfelbaum; si gehnd aitwedere Dag uff; und do iber dr Hag d'Ussicht uff die scheene griene Matte mit de Millione Bluemesternli! D'Begeli fliegen umme, as wär's die hechsti Zit fir d'Nestli z'baue; i glaub wahrhaftig, d'Zinggeli vo fern wänd wider in's Astloch vo dr Linde; i glaub's scho; wenn s' Laub dussen isch, konnte si niene versteggeter si. Jek lose, d'Ologge sehnd a litte fir in d'Kirche; i bi scho gsi hitte morge, und wissen Er no, was i Ech noch verzellt ha, daß dr Her Jesus hitte-nuserstande-n isch und d'Engel händ zue de Vite gsait:

O du fröhliche, o du selige
Gnadenbringende Osterzeit.
Welt war in Banden,
Christ ist erstanden,
Freue dich, o Christenheit!

E. Hebel (Basel).

Em Karli si Briefli.

Jo, 's isch endli so, dänggen au, Ihr liebe Kinder; im Blettli frili nit, aber dur dr Briefträger, und wenn's Ech eppe Wunder nimmt, was dā Karli fir e Viebli isch, kan i Ech e wenig us sim Briefli brichte. Ich kenn en selber no nit, aber er schint mer e munter Birschtlī z'ji, wien er mer vo sim Osterhaas verzellt. Er het denn au e Gärtli, und do sig affurat Alles eso zuegange, wien em's d'Mamme grad us der Zittig vorglese heb: Bluest an de Baimen und Murikeli und Dulipa und Zinggen alles voll. Nur Ebbis heb i vergesse gha, das sin d'Vogelschynge, wo dr Großvatter vo Schindle zämme häschelet und in d'Muesgländer gsteget heb, will di wieste Spazeu Alles eweg fresse. Mitem Wetter, maint er, isch's prächtig ytroffe; e so festlig warm, daß e Maiekäfer uff gflogen isch und putsch em Schwesterli an's Kini; das het girt! Und z'Immis sin si zue's Großbabbe's ggangen und wer treffe si a? . . 's Häsli, mainen Er? Nai, ainstwilen alli drei Guschnli, jedes mit eme Krättli am Arm; si sin au zuem Kaffe yglade gsi. Nochen isch denn au's Häsli so, und wo das ibere gsi isch, het's Danteli mit ene gspilt: Ellemässerli's und 's kunnt dr Her mit aim Bandoffel. 'S het alli herli lustig dunggt, nur findet dr Karli, 's gieng gar lang, bis wider Ostere sig. 'S kunnt Eich gwis au eso vor und wenn Ihr Maister wäre, mießt alli Bott ebbis los si, und Eierl Mamme, wo nyt lieber gsicht als lustigi Kinderauge, tät's Ech jo au gern gunne. Aber dr Hebel sait:

„'S isch gnueg, du Mueterherz!
 Bil Sieß macht numme Schmerz.
 Gib's sparsam, wie dr liebi Gott,
 Nit all Tag helfet er Zugerbrod.“

Und hän Er nit aineweg luter Fraidetäg? Echo demorge frieh, wenn er d'Nigli kuum usmache, wer stoht am Bettli und frogt: „Bisch au verwacht, mi liebe Schatz?“ Das isch die gueti, liebi Mamme, und in den andre Guschettli stregge si au

d'Mäzli iber's Rähmli use, Viebli und Maiteli, und 's Glainst, wo no nit recht schwäze ka, rief: „Dag, Dag.“ Und wenn alli aglegt sin, goht's an's z'Morgetringge; zerst git men aber non im Babben e Schmizli; denn me glicht en erst z'Immis wider. Do isch aber denn e Gragehl; die größere nämnen em dr Baarebli und rutschen em dr Sessel an Disch; die Glaine hängge si wie Däschchen an si Arm und 's Wuseli paggt en am Bai. Z'Obe goht's ehnder duffemang zue; do sin alli daig und wil si parduh warte wänd, bis dr Babbe vom Biro kumt, so laitsche si in allen Eggen umme. Derswege sait er au, kum, daß er do isch: „Allee, vorwärts mit Eich in Kratte; Er falle jo schier um vor Schlof.“

Ah — isch das festlig, wenn me si mied Kepfli uff das appetitlig wyß Risseli ablege ka, und d'Mamme goht no bi allen ume, fir mit ene z'bätte:

„Lieber Heiland, mach mich fromm,
Daß ich zu dir in Himmel komm.“

Und d'Nigli scho halber zue, gspirt me no, wie si aim mit dr lingge Hand iber d'Bäggli strycht und sait: „Bhiet Di Gott.“ Er sin's eso gewohnt, mit de Liebeswertli vo dr Mueter yzschlofe, daß Er's efange gar nimme mergge tiend, isch's nit eso?

Und vom Sunntig hän mer jo no gar nit gredt; do isch Alles no vil scheener as andri Däg. Uffem Sessel lyt 's frisch Plinderli, vom Hemmeli bis zue de Strimpfli abe, und 's Sunntigsgreggli und dr gftiggt Kittelmantel. Und wenn's z'Morgetringge iberen isch, gitt d'Mamme die scheene Spilsachen use, wo me nie ummefahre loßt, d'Helgebiecher, d'Dittistube, 's Waxditti, wo Rosa haist und Papa und Mamma sage ka. Dr Karli het mr au vo sine Scheze brichtet: si hän en Arche Noah, und Bleisoldaten und e Tram; au ne Musigg, mit eme Glegglispil und no anderi Sache vo zwai und drei Wiehnedtskindli her, wo d'Mammen allemil guet versorgt het; wenn ordligi Kameräbli kemmen oder d'Gusynli, derse si mit gfätterle, so lang si wänd. Bim scheene Wetter aber goht men am Sunntig au

spaziere, wil dr Bappe di ganzi Wuchen uffem Biro isch. Das isch derno erst e rechte Fraid; me mueß nur luege, wie sich die Buebe mit ihrem Vatter maine. 'S isch aber au so ne Respeggtsperson und wenn d'Kinder nit folge wänd, wie sait als d'Mamme: „Warte nur, das will i scheen im Babbe sage!“

Dasß er bi allem Gligg aber doch no ne Schmerze het, das het mer dr Karli au brichtet. Er mecht bi allem wisse, worum? und plogt d'Mamme drmit: „Worum isch's jeze Tag und nit Nacht? Worum isch's hitte kalt und gestert het d'Sunne gschine? Worum das? worum fällt?“ . . . Mengmole git si nem Bschaid; oder si sait: „De fassch's doch nit bigryffe; De bisch no z'glai;“ oder: „De muesch warte bis speter; bis De's besser verstohsch . . .“ Am maiste steggt's en a, wenn si sait: „Worum? — dorum.“ Wenn als nur au dr Babbe do wär, daß er ihn froge kennt; aber z'Immis fällt's em scho nehmen y und bis am Sunntig het er's selber ganz und gar vergesse. Mainen Er nit au, es sig nur so ne Gwohnet, das ewig Froge: Worum? Dr Karli maint freli, er well speeter en Usschryb-biechli aschaffe, fir daß em dr Babbe iber alles Ustkunst gäh kenn. Vordrhand pressirt's nit drmit, denn er kan erst e bißeli Buechstabe mache und si Mamme het jo 's Briefli fir en schrybe mieße, und 's isch ere gwis nit so licht worden im Baselditsch; denn si sig als in dr Schwiz obe behaime gsi und wenn si au viel Baslerischs agnoh haig, heb si doch ehnder (wie dr Her Doggter Gsell emole gsait het) e helvetischi Sprooch.

Em Karli aber und den andere Kindre schigg i vil Grief, und wil si's gern wisse mechte — 's tät mi gar fraie, wenn si mi käme goge bsueche.

E. Hefel (Basel).

'S Schwalbi.

Lueg doch a's Dach und gib au Acht,
Wie 's Schwalbi dört sy's Nästli macht!

Es macht's so schön, so tuusigs nätt,
As wien es d'Boufunst glernet hätt;
Kei Bouherr cha's e so
Es macht ihm's Niermer noh.

Es git em gar nit grüüssti z'tue.
E Wuche schafft's, de möcht es Nueh
Und sigt i's Näst, luegt fründlig druus
Und dänkt: Wie schön! my Bou isch uus.
Druuf dankt es Gott 'em Herr.
Und zwitschret ihm zur Ehr.

Es soht blos dört sy's Nästli a,
Wo's ungstört Fride gnieße cha;
Und isch Betrug, isch Stryt im Huus,
So merkt's es grad, dört zieht es uus;
Wo's blybt, do möcht i sy,
Do zieht dr Sägen y.

Byn üs blybt's zwor im Winter nie;
Wenn's Herbst wird, gseht me's wyters zieh;
Es fluehrt sy schöni munttri Bruet
I's Summerland, wo's blybe tuet;
Me tuet em dört au nüt,
Au dört schönnt's syni Lüt.

Und isch dr Winter chuun verby,
So zieht's au wider byn is y;
Und trifft's dr alti Friden a,
So möcht's das alte Nästli ha;
Drum gseht me's au so gärn,
Wenn's blybe tuet, wo färn.

J. J. Schild (Solothurn).

Der Landmann im Frühjahr.

Iez Bueh, ryb d'Augen uus und lueg,
Es goht zum Wage und zum Pflueg.
Friisch uuf! Nimm d'Geißle gflink i d'Hand,
Friisch uuf! Es goht uf's Acherland.

I weiß, de Cholli ist au froh,
Er hett scho lang gern öppis to;
Wie luegt er ein so pöchisch a --
Wart, Cholli, du mueßt z'schaffe ha!

Die Plästerwuche sind vorby,
'S mueß wider tapfer gwerchet sy
Bu Morge früeh bis z'Abig spot;
Dänn git's e glägnet's Vesperbrod.

Dur d'Arbeit chunnt e Jede mit:
Wänn Eine nüb am Schatte lit,
So fñhrt er gly, so schwer wie Stei,
De Loh uf Leiterwäge hei.

Wo Ma nnd Frau au z'säme händ,
Und wänn 's den Arme au chli gänd,
So ist de Säge gwüß im Huus,
Er luegt zum Stal und Spycher uus.

Hottummen ö! Es goht just a,
Hü! Gläc und Stern, iez müend er dra,
Hü! burrlimunter! düecht's i schwer?
Ja gälled, wänn 's nu übre wer!

Hottummen ö! Wie lauft 's je gschwind,
De Cholli meint si näbem Rind.
De Trybbueh chlöpft und pñst bezue —
Gwüß, z'Abig wird er anderst tue.

Konrad Meyer (Zürich).

D' Verche.

Mitten us der grüne Saat flügt d'Verche uuf, dem Himmel zue, als eb er si am ene Fädeli hielt, und höher, allemol höher flügt si und luegt über Fäld und See, luegt über Wald und Hügel. Der Himmel het ere 's Härzli erfreut und 's Stimmli gweckt, si aber grüest d'Sunne, bsingt si allemol yfriger, sitzt jetzt still hoch oben i der blaue Luft, as wenn si ufeim Bode wär, d'Luft isch ihre Baum, und Matte und Chornfäld sind ere Bletter und Störnli es Blueft. Und si schwingt si ufe und abe, wie von eim Astli uf's ander.

Nume es gmeins Chleibli het si a, wie's Spätzli, aber schlank isch si, het e hälle Blick und es himmlisches Gmuet, isch frei und glücklich in ihre Lüste, und duet si das spitzig Schnäbeli uuf im Singe, es git es Lied, 's taut eim i 's Härz, as eb's vom Himmel chäm. Jetzt verschwindet si i der Luft, aber no tönt lys oben abe ihre Gsang und doch so lut i d'Brust, und wider häller tönt's und me gseht si füre cho, wie nes Störnli vom Himmel falle; mitte im Fäld, wo's am schönste grüent, dert verschwindet si. Worum blibt si nit dobe in ihrem Heimet? — Es het ere der Himmel es Fünkli versteckt i 's Härz, und das goht a, das elei zündet ere no abe uf d'Erde. So dert het si 's Nästli süberli bbettet und zwüsche d'Furre gleit, dert luegt 's Gspöhnli mit scharfe Auglene ihr no, lyt ruehig über den Wilene und chehrt si mit sim lange Spore. Der Himmel bhüetet's au do unde, versteckt's i di grüne Halme. Die strecke si allemol meh vo Tag zu Tag und süsele um ihns. Füllblueme luege uf ihns abe gar fründlich. Und d'Halme vergolbe si und werde schwärer, die Junge bicke d'Nili uuf, wärme si a der Sunne und bade im Sand. Jetzt neige si d'Halme und löhnd Chörnli i's Nästli falle; wie yfrig bicke die Junge, wie fladre si mit ihre Flüglene, gumpe uuf und luege über's guldig Fäld. Und wie ne d'Flügel wachse, ziehend si i d'Höchi, und d'Verche zeigt ene 's Heimet. Si gsehd vo de Wolke abe

d'Halme falle unter der Sichle, mängs Chörnli ist aber behinde
blibe, sie deile's mit den Ähriläser. 'S Wiseli mag jetzt cho
und über d'Stopple springe, 's Nästli ist lâr.

Und im Herbst isch der Tisch abdeckt, si singe mit de
Wachtle ihr Danklied und flügen uuf in ihre Baum; dert zieht
es si jetzt dem Früehlig noh über Bârg und Meer go Afrika,
und mini Gedanke ziehnd mit wie vom Heimweh ergriffe und
sueche hinderem Herbst und Winter der ewig Früehlig und das
ewig Liecht.

Rudolf Meyer (Murgau).

Die Lerche.

Gottlob! Erwachet bin ig o.
I rybe mir flugs d'Augen uus
U gah zum Brunne vorem Huus
U gseh die liebi Sunne cho.

I lose da dem Vogelgsang.
Si sy so busper u so froh!
U wâger y ha's styf e so,
Doch grad zum Singe ke Verstang.

Ny! Gschauet doch das Lerchli da!
Es dräiht si geng de Wulche zue;
Bist ächt de no nit ufe gnue?
Witt öppe gar i Himel gah?

Was gilt es, ds Danke chunnt di a!
Ja gäll? Dâ won is alle git,
Bergift o syni Lerchli nit
U het sy milbi Hand ufta.

We scho der Winter dânn ruumt,
Die milbi Hand geit doch nit zue.
'S ist amen andern Ort no gnue;
Du weist der Wäg u geist ungsuunt.

Drum singst so lustig: Dyrily! —
 Los Tierli, hab mer kei Verbunst,
 We d'jes de j'vollmig ufe chunnst,
 So dank für mi o grad e chly!

G. J. Kuhn (Bern).

'S Jmli.

„Batter, o mach mer e Brütli mit Anken und saftigem Honig,
 Bitti, liebs Väterli, mach 's! I will denn folge die Woche,
 Flyßig, ordli und guet i d'Schuel mini Ufgobe mache,
 'S Schwösterli gomme bis Nacht, dem Mueti helfe was mögli,
 Schitli holen im Schopf und Wasser im stürzene Kessel.“
 „Tue das“, seit do de Batter, er lächlet und führet so si Ehline
 Fründli zum edige Tisch, wo s Mueti süberli deckt hät.
 „Siget jeh anne zum Tisch,“ so seit's und schenkt usem Ehäntli
 Chaffi i d'Schüsseli η, es stugt eim so würzig i d'Nase;
 Stellt jeh ds Ehäntli a d'Wärmi uf's Tassebrätli am Ofe,
 Fast mitem Schöslü denn ds Hebi vom glänzige Bruntruterchrüegli,
 Füllt mit der dampfende Milch die Schüsseli a bis ganz uffe,
 Bättet denn ernstli und fromm um göttliche Sege vom Himmel.
 Jegerd fasset der Batter mit finer Linke de Brodlaib,
 Schnydet e rundlechi Schibe zringsum mitem gschliffene Messer,
 Langt denn zum Anke, zum süße, grad gester znacht grüert im e Fäßli
 Usem dicke Nidel, wo d'Mueter d'Woche dur sammlet,
 Stricht en uf's Brod und langt zum Töpfli, wo saftige, süße
 Honig, so gel und suber wie Gold ime Gumppe verborge,
 Tunkt do bedächtli sis Messer und stricht über's Brod und der Anke,
 Frögt denn de Chly, wo scho lang hät blanget uf's Brütli so saftig
 Ärger als d'Chaz vor em Loch cha blangen uf's Lebe vom Müsli:
 „So, jeh chasch es denn ha; doch sag mer noch zerste manierli,
 'S choset e wenig Geduld: wer hät üs de Honig denn gsammelt?“ —
 „'S Jmli, Batter! Us alle de farbige Blümeli sammlet's
 Saft und Bluememehl η und füllet d'Wabz deheim denn.“ —
 „Recht so, min Charli, so nimm's hy und laß der's recht ordeli schmede,
 Jß, so wirst storch und blybst gsund und tüchtig und fähig zum Lebe. —
 'S ist e gar wunderbars Tierli, das Jmli, wie cheis uf der Erde;
 Jo, me verstunet si fast, me meint, es heb Sinn und Gedanke.

Grad no em Zobed gohn i den Zme im Garte go luege,
Thomm denn mit mer, wenn d'magst, du gsehst's denn mit eigene
Auge." —

„Gern, min Vatter!“ rüest Charl und wirft scho de Löffel uf d'Site,
Stürzt sin strolche Chaffi grad eismols über de Chopf uus.

Aber de Vatter: „Blib nu, du springst jo devo as ob's brennti,
'S ist no all a der Zit und zersten essed mer Zobed.“ —

Endly isch es vorby und Mueter treit ieri Gschierli

Wider ordeli ab und leert usen ruefige Pfännli

Ufswäschwasser jeh dra und rybt mitem subere Lumpe,

Schwenkt's zur Legi noch uus und tröcknet's am linene Tüechli,

Stellt's i der Reien uf's Brett, und häng't de Lumpen a Tröchni.

Aber de Vatter dewil stopft s Piffli und s will em nüd brenne.

„Göhd e Gotts Name“, seit si, „und gend doch bitti recht Achtig,
Daz i hei Zmli verwütscht, i fürch ieren giftige Stachel.“

Scho sind s' dussen im Garte, wo usen hölzerne Bänkli

Gflochteni Zmechörb stönd vo Strau nnd eine vo Brettli.

„Lueg jeh“, seit de Vatter, „wie d'Zmli bim nidere Flugloch

Zme stürmed mit Hast und use, so gschwind wie ne Wetter.

Lueg, wie chömmet s' doher, mit Staub und Honig belade,

Summed und finged dezue, und alli im Takt na de Note.

Gshst, do lyt eis am Bode; dem ist schynt's d'Arbet verleidet.

Richtig, do gsehst, es ist tot, es rüert e hei Flügel und Beindli.

Gschau das emole recht a, das sticht is jeh nümme i d'Finger.

Das ist en Arbeiterbinli, wie die, wo do summed und flüged;

Drygigtusig und meh sind im ene einzige Hushalt,

Und die schaffed allei und sind zuedem tapfri Soldate,

Führed e Spießli do hinte, wenn's Chrieg git zum Wehren und Steche.

D'Mandli sind oben im Stock, vo bene zweitusig im höchte,

Ohni Stachel und Gwehr; die schlecked und fressed de Honig,

Ruهد und schaffed der nüt und blibed verborgen in Zelle;

Bettelvolch isch es, süs nüt, und Schmaroger sind's, ohni en Chrgfühl,

Grad wie die Fuzenzerlüt, wo nie e hei Arbet verrichted.

Denk mer dra. Eso en Schlemmer verdient e hei Löffel,

Nu wer na Chräfte will schaffe, der darf au sis'Plätzli am Tisch ha-

Noch e Binli isch drinn, e Mueterli, aber en einzigs,

Chönigin heiß't's und ist 's gröst; i denk, i will der's denn zeige-

Lueg, wie hät do das tot e haarigs und merkwürdigs Chöpfli,

Rundi Bollauge bra, e großes uf jedweder Site,
 Fühlerfäde daby, daß es nüd si Ghöpsli verschlücksi,
 Denn es gseht nüd guet und mueß drum voremh grypfe
 Drinn im Hüsli, im Zelt und duß i de duftige Blueme.
 Do ist en Rüssel am Kopf, jo wäger zum Trinken und Suge.
 Gseht au, wie vorn und da hinten am Brustteil en faltigen
 Schnitt,

Ist, als ob me sis Lybli mit finem Fädeli gschnüert het.
 Das ist si Brust und da sind fini sechs glidrige Weindli,
 Mit eme Bürsteli, lueg, i denf, zum Bluemestaub wüsche,
 Und denn druckt's en i's Ghörbli da unten am haarige Schenkel,
 Pumphösli machet's, flügt hei und fangt denn a fegen undbürste.
 Oben am Rucke hät's vier so Hütli, die diened zum Flüge,
 Aber die schaffed gleitig so ab und uuf, daß me's chum gwahret.
 Amene Fädeli hanget de Hinterlyb, daß er nüd abfällt.
 Und am hinderste Ringli do gucket de Stachel no füre;
 Mit dem sticht's ein, lot e giftigs Tröpfli i d'Wunde,
 Rypst em selber zum Tod sin eigene Stachel denn use,
 Schnurrt und täubelet fort und stirbt in wenig Minute.
 Jetz gib Achtig. I hol der erst von üsere Ghörbe,
 Decken en hofeli ab und zeig der gspässigi Sache.
 Lueg, was händ si do baue? De Chorb ist volle vo Wabe.
 D'Arbeiter sind nüd daheim; di meiste, schynt's, sind i de Felder
 Dussen im Esper am Wäldli und uf der Linden am Chirchweg.
 Drohnen aber sind do, so volle, wie d'Chinder im Chrieset.
 D'Chünigin ist dört im Zeltli, si rüstet si glaub i zum Lege,
 Denn i die Hüsli ringsum do leit si in jedes en Gili. —
 Weine im Früelig en Schwarm cha in en Zmechorb rispe,
 Holed s'zerst kleberigs Harz vo Pappeln und andere Bäume
 Und überstryched en dick, hei Sunn und hei Luft cha meh inne;
 Alles mached s' im Dunkle, si bruched hei Liecht und Laternli,
 Und wie's au glychlig mueß si, es verieret von alle hei einzigs.
 All flüged jeh uus und trinked in saftige Blueme
 Honigtröpfli bis gnueg und fülled de Mäge wie Trumme,
 Flüged lustig devo und fanged beheimen a schwiße.
 Flüssigs und gliserigs Wachs git's da us acht Löchli am Büüchli,
 Hurtig balled si's zammen a chlyni, rundlichi Schibli.
 Scho stoht en anders parat und pakt's mitem winzige Züngli,

Chlebet's an chörige Platz und 's git e sechscege Zelle.
Lueg au, wie glatt und wie glychlig! Chei witzige Mensch uf der
Erde

Macht ne das Wunderwerk noh mit Zirkel und schinede Brille.
Obe fanged s' a baue und hänged so Waben an Wabe,
Eini under die ander und laufed so ummen und anne,
Dryßig-, vierzigtusig, und 's hebet und fallt ne nüd zämme.
Murer und Zimmerlüt! Gälled, was sind ihr für Stümper! Ihr
messed,

Zirkled und breched's noch ab, und s Binli ist doch no es Tierli!
Aber e gschidts! Wenn Waben an Wabe do glänzed und hanged,
Boll scho vo Honig und Bruet und schwer, wie ne gladene Obstbom,
Stübed si erst mit Verstand no Psyler vo Wachs uf de Bode.
Findet s' e Höbli im Chorb, no guet, so denked s', das paßt us;
Was ist, das ist, das mueß me nüd erst noch mache. Und d' Imli
Stelled's so herzeegrad uuf, und 's bruucht do chei Hülfruef und
Hüuf. —

Aber worum denn sammled 's? I gseh scho, du meinsch, wege dine?
Schö wär's frili, wenn 's so für Anderi lebti und schaffti,
Aber — i säg der's nüd gern — es denkt wol meh a si selber;
Ganz us Eigenuß tuet's es, wie alli Tierli uf Erde,
Daz es im Winter, wenn d'Blüemli vertschlofed im Nyffen und
Schneefstaub,

Z'esse hät, was 's will, im eigene Keller und Stübli.
D'Chälti tuet em Leid, es ist so tosem und nidlig,
Chrücht zum Zelli hi und fugeb wie ime Nachttrom,
Schlöflet, macht uuf und schleckled, bis d'Sunne de Schnee chunnt
go brenne,

D'Felder ahuucht mit em Ate und d'Blüemli weckt underem Bode.
Denn verwacht's und streckt si und rybt i de schläfrigen Auge.
Jeger, wie isch em so trümlech! Es merkt, es heb langi Zit gschlofe,
D, wie frürt's es a d'Beinli, drum chläderet's gege dem Flugloch;
D'Sunne lächlet's so a, und 's wird em um's Gngen und Tanze.
'S spreitet d'Flügeli uus, 's probiert und macht usen und abe,
Hui, goht's im Flug bis zum Walb, de Lännli noh, hoch i de Lüfte!
Jez erwacht d'Chönigin au; es gluslet si, au emol z'reise,
Uf flügt si und davo, as wär ere d'Heimat verleibet.
Drohne flügeb er' noh und halled a: „Vitti, chomm umme!“

D'Arbeitsbine deheime sind voller Ängsten und Sorge,
Denn daß d'Mueter vertlaufft, hät sicher Öppis z'bedüte.
Bald chunnt er unme, de Flug. Si schnufed und chyched bedenkli.
D'Mueter ist trurig und matt und weiß nüd wo usen und ane.
Halt, si stoht uuf und schafft Rue, si spaziert jeh vo Zelle zu Zelle,
Legt in e jebi en Ei, im ganze tufig und tufig.
Jeh git's Ehrieg, denn 's Imli, das merkt voruus scho, daß sini
Ufgob jeh wachsi und wachsi, drum falled si alli wie wüetig
D'Drohnen a: „Fort mit dem Pack! Mer libet's nüd! Ihr wend
nüd schaffe!“

Steched's mit giftigem Spieß und werfed's vorussen uf d'Wise. —
Scho i drei Tage dernoh bewegeb si d'Eili, 's gitt Würmli;
Hungrig und durstig scho spered die d'Müli uuf, möchtet e Muesli,
Blumemehl, währli vom fynste, und Saft us de süberste Glöckli,
Grüehrt ime Tropfe Wasser und chlopset und chnetet und gschwunge,
Gribe und gmunzet dazua, gend si jeh de Jungen uf's Züngli.
Bald verschloft das Würmli im selbergspinnene Bettli.

D'Binkl schnuufed jeh froh, si wüßed, es ist überstande,
Mached en Deckel uf d'Zelle und finged ne: „Soleli soli“.
Aber si schlofed nüd lang, so gitt's am Deckel e Löckli,
Und e Vine springt drus; es wellet scho d'Ermeli hindre,
Surret und schäffelet mit und sammelt scho glückrige Honig;
Alles lauft wie am Schnüerli; d'Famili wird starch und hät z'lebe.
Wider goht's nüd lang, im Lebe änderet's mängsmol,
Gwohndli uverhofft, me chunnt nüd z'luegen und z'denke.
Händel gitt's im Hus! Um's Himmels wille, was soll das?
'S ist e Gläuf und e Gschrei und hät scho Tot' und Verwundet'.
Was? — 'S hät e Töchterli ge. Das ist suft en freudige Festtag
Ufunderbar wie do, e junge Chönigin! Bitti! —

Ist das e Mueterherz? Wie wüetig springt si zur Wiege,
Will mitem spizige Spieß sis Töchterli selber ersteche,
No us Ehrgiz und Herrschucht, daß si allei chön regiere.
Aber d'Solbate stöhd ane und säged: „Mer libet de Strit nüd!
Fride mueß si im e Hus, suft hät me chei Sege für d'Arbet.“
Das macht d'Chönigin wild; sie packt ierí Sache do zamme,
Chert ne de Rucken und täublet durusse und fort i der Wildi.
Was tuet 's Volch? Es beschlüht, me wöll im Fride doch scheide
Und di Jungen allei lo, do im yg'richte Heime.

Noch feig's a der Zit, erst alte Maitag am Mäntig
 Und bis gege Martini noch Wochen und Woche zum Sammler.
 Fort, der Chönigin nohe; doch nimmt e Jedes vom Honig
 Im Vorbygoh mit em, so vil's i drei Tage mueß bruuche.
 Alli säged: „Gott bhüet ech! Lüend recht und lebed im Fride.“
 Uf und fort goht's lustig, doch nüd i d'Fröndi go Basel,
 Nüd i's Französisch und nüd uf's Meer no andere Ländre,
 Nei, zum Berglerbom, wo d'Chönigin hödlet und wartet,
 Chychet, schwißt und seit: „I ha denkt, der wölled me treu si.
 Wie vil sind's?“ „Ho gnueg, das ist jo en chäche Chlumpe.“
 „Guet“, seit d'Mueter, „doch denk i, zum Reise mueß me ne Bil ha,
 I de Tag goht's nüd, mit ase're große Famili;
 Chundschaft müesed mer ha, es sölled e paar go go luege,
 Ob en leere Chorb im Dörfli stoht oder sowas,
 Bletst en hohle Baum — me müest halt ebe verliebneh.“
 Schnurr! do flüged e paar und schaffed mit lustige Fäcke.
 Aber jeh chunnt de Bur, er hät do si Wandervolch giese,
 Und er lot's nüd fort; er hät scho en Chorb i de Hände,
 Raucht ganz gmuetli si's Pffli, daß d'Binli en weniger stched,
 Klopft a der rostige Sägis und trummet die Imli do zamme,
 Holt no 's Leiterli gschwind im Holzschopf oder im Schürli,
 Stüht's bedächtli an Ast, wo d'Binli so summed und hanged.
 Jeced goht er i's Hus, es schynt mer, es werd em was fehle.
 Richtig, do chunnt er scho wider. Nei, lueg au, was das für en
 Buz ist,

Schüliger as a der Faßnacht! Do hät er vom Chopf bis uf
 d'Ächse —

Lueg wien e Chorb si Chappe vo wyße, gespaltene Wide,
 Borne mit eme Gudloch, vermachet mit em drohtene Gitter,
 Händsche an Hände, so dick vo Watten und farbige Blege;
 Währli, es fürcht eim fast drab! Jech aber goht er a d'Leiter,
 Stügt i d'Höhi und hebt de Chorb zunderüberschi ane,
 Stricht mitem Schitli de Chlumpe drinn inne und deckt's mit
 em Luechli.

Surtig goht er jeh hi und stellt do sin gwonnene Ime
 Rebe der ander uf's Gstell und seit: „Das isch guet überstande.“
 D'Chundschafter chömmed jeh hei und findet am Bom ieri Lüt nüd,
 Aber si sueched nüd lang; si merked die Gschicht uf d'Minute,

Schlüfend zun andren i Chorb und fanged a Alles z' verzelle.
 Jetz aber goht's an e Schaffen und do git's hei Rasten und Schnuse,
 Sunntig und Werdig an eim fort, denn d'Binli händ au hei
 Chalendar,

Höred d'Glocke scho lüte, doch wüßed s'nüd, was es bedüti,
 'S ist ene darum nüd Sünd und müßed's im gringste nüd büeße.
 Zelle baued s' und Wabe; vom Morge wenn d'Sunn chunnt,
 bis z'Obed

Flüged si ab und davo, wol Stunde wit von ierem Heime.
 Mueß me nüd sinne und stuune, daß heis do im Laufe verieri?
 Si mer doch Lüt und hebed Verstand und Vernunft und füf Sinne,
 Und vergaffed üs doch und wüßed üs nümme meh z'helfe;
 Wegwyser bruuched mer do und fröged, wo ummen und anne.
 D'Binli nüd, und si sind doch eifältigi, winzigi Tierli,
 Chönned suft minder as nüt, grad no iere Arbet im Hushalt.
 Sind si fort uf de Felder, so schaffed s' und lueged nüd umme,
 Und gitt's e Wetter uf's mol, si merked's nüd, bis es tröpflet,
 Werded so naß wie ne Müsli und chönned der nümme abflecke;
 D'Flügel chlebed und d'Beinli, und d'Binli vertschlofed und sterbed.
 Alles daheime tuet trure, wenn Hundert und Lufsig nüd chömmed,
 Aber si schaffed druf los und denked, 's geb bald wider Jungi.
 Cheis git lugg bis zum Sterbe; si werdet bi witem hei Johr alt,
 Aber vor's d'Augli trucked, schlüft scho e Jungs us de Windle.
 Glychlig goht's eso fort, wohl zehe bis zwanzig vo Johre,
 Ande mit jüngere Lüt, doch ande im glychlige Hüßli,
 Zwor vo de Wabe schneydt me in guete Johre denn use,
 Etliche Pfund mitenand, natürli wie meh um so lieber,
 Wil i de Zelle de Hung erglänzt wie ne goldige Gumppe,
 Gern hend d'Imli das nüd; si möchtet en lieber halt bhalte,
 Aber si mached nüd vil und denked, 's geb meh i de Blueme.
 Widerum flüged s' dernoh und hend en gar süberli zamme,
 Denn es herbstelet scho und allsgumach ruft's gege dem Winter,
 D'Blüemli schwined im Feld und d'Sunne steckt hinteren Nebel,
 Trurig figt's Binli daheim und wartet uf besseri Zite.
 So goht's witer, bis eismols denn d'Chönigin abgit und ferbet,
 Bis si denn chranf wird und stirbt, und hät e hei Töchterli ume.
 Denn isch es fertig und uus mit; die Imli höred uuf schaffe,
 Flüged niene meh uus und chabled no an de Wände,

Essed de Honig uus und sterbed vor Hunger und Chummer. —
Häsch es jeh gseh und verstande, und hend der die Tierli jeh gfaale?
Denk wohl, i bedde f' jeh zue und stelle de Chorb a sis Plägli."

J. Kuoni (St. Gallen).

D' Hummele und 's Immeli.

Was brummt und surrt und schnurrt derher
Und schittlet d'Gleggli hin und her
Am Bluemestil in aller Hast?
Me meint, sie wotte stürme fast!

Es isch e Hummele, si borzt
In's Bliemli yne, bruggt und knorzt,
Schießt linggs und rechts und schloht mit Gewalt
An Kelch, sie wott's erzwänge halt.

'S isch gmingt drin uf der Bluemestaub!
Du bisch lei Narr, nur tuesch de z'taub:
'S Best mueß eso verlore goh,
'S fällt ab und du heßt nyt dervo.

Lueg do das Immeli nebedra,
Wie syferlig nit soht's es a!
Subtyl sikt 's ufem Bluemerand,
Streckt 's Zingli use mit Verstand.

Und 's schleckt nur do und 's schleckt nur dert:
Es het si kum e Blättli kehrt;
'S isch niene grob, potscht nienen a —
Manterlig, was me sage ka!

Glaub Niemeds, daß es drum nit bschieß:
Do lueg me nur emole d'Zieß!
Pumphose het's wie Gold so gäl
Vom allersynste Bluememeßl.

Es fliegt dermit zum Bliemli uus,
Wyt, wyt und haim in's Immehuus;

Wie summt's vor Fraide, daß es so
E Schatz vo Hunig het beko!

Und jekt behaime bschließt 's en gly
In nagelneii Kästen y:
'S isch fir de Winter gsorgt, wenn's waht
Und futtert und e Schnee duß lait.

— Kind, sag jek, wer vo baide gfallt
Dir besser? Dängg, de waisch es bald
Und b'sinnsch di nit; und weles do
Es isch, he nu, dem miech i's noh!

Ch. Meyer-Merian (Basel).

Dr Spatz. (Solothurn)

Gäll, Jörgli, heisch es Spähli gfange,
Nei, Bürschli, das geit nit eso!
Dem Tierli isch sy Freiheit z'gönne;
I rote dir, loh's gleitig go!

Lue Jörgli, das sy bösi Schnabe,
Wie 's i der Wält no vili git,
Wenn Einen i de Bueblifreude
So Tierli soht, erbarmt si nit.

Isch au dr Spatz e gmeine Bürger
Und het e mingers Chleidli a,
So lyt er i synm Strau doch besser,
Als dä, wo 's synste Bett möcht ha.

Er isch au nit, wo so, wie Mänge,
Ab gwüsse Spyse d'Nase rümpft,
Er isch' jo, dä, wo 's gilt, dr Schnabel
Zum Trunk im trüebe Wasser dümpft.

Singt er au nit wie Herrevögel,
Isch's Liedli numme: „Dieb, Dieb, Dieb!“
So isch er doch bim Buur beheime,
Er het e gärn, er isch em lieb.

Lue, wie dr Spaz so offe handelt:
Er stihlt so offen, as me 's gseht,
Mit öppe dür es Hingertürli,
Wie 's Mängen i dr Gwohnet het.

Dr Spaz stihlt Mängs i Tenn und Schüürig,
Fliecht nit so gschwing, was hesch, was gisch!
Drfür hilft er eim d'Bäum de buze,
Gseht, won es schädligs Würmli isch.

Er isch em Buur sy Huusfründ worde,
Er sägt nit fröndt Länder uus,
Will nüt vo frönde Lüte wüsse,
Blybt schön deheim im Buurehuus.

Los, Jörgli, Eis wott i dr säge:
En jeders Tierli het sy Plaz;
Bringt 's Schade, bringt es au sy Nuze —
Und wär es zletscht dr gemeini Spaz!

J. J. Schild (Solothurn).

D' Ägerste.

„Was han i welle säge, Bäji, 's Finkli 's händ doch das
Johr e schlächti Nyse zoge, und 's Wätter het ne's verroset;
's isch au z'begriffe, si verstöhdn au gar nüt vo der Hushaltig,
singe nume de ganze Tag, 's Huus uuf, 's Huus ab, und meine,
domit sei Alles to; 's nimmt eine numme Wunder, wie si bstoh
chönne und nid scho lang z'Grund gange sind. Apropos! i ha
denn d'Mätschete, 's Grob rait i; ihr chömet doch au zuemer,
cho mer es bisli cho hälfe?“

Nume derigi Sache, isch mer, ghöri allemyl, wen i bi
me ne Baum verby goh, uf dem es paar Ägerste hocke, as eb
si enand vo nüt anderem z'zelle wüßte. Au düend si denn
gscheniert, wenn si mi gsehnd, und näme si es bisli in Acht,
verstecke si hinter d'Bletter, und wie zwüsche Schaluplade güg-
gele si füre. Aber 's Schwäbe chönne si nid lo blybe. Zwor

verstohni 's ebe nid düttlich, doch merkt i gar wohl us ihrem Ghüschele, daß si über mi los ziehnd. „Gsehnd er, dert goht er! Er het's Bei broche, er duuret mi; es gscheht em aber rächt, worum rönnt er so i's Blind ine.“ Nu! i loh si goh, as eb i si nid gseihi und nid ghörti, und dänke für mi: Schwäzged nume! — Und so mueß' en Andere au mache, sind's jo Ägerste und überall dofür bekannt, daß si ehrlichi Vögel uismache und allemil es Gschwäz versüehre. Sunst wäre 's ebe nid so ungattlichi Vögeli und we me si vo Witem gseht, jo meint me, si seie Dübli, und das vo de Fromme. Denn glatt sind ihri Huube, und schwarz und wyß schynt ihres Röckli, und no gar altmödisch mit ere lange Schleppe, d'Chlaue aber mahne ebe meh a d'Chräiße als an d'Dübleri, au d'Schnäbel und ihri haar Höörli drum verrote si bald. Göhnd si über d'Stroß, so lüpse si allemyl d'Schleppe, damit si käi Schlegel mache, gumpe umenand und läse jedes Blätzli uus, düend gar zimperlig und wädele linggs und wädele rächts, nicke mit de Chöpfe allibot und luege wider uuf und überall gar schüüch und gar gwunderig hi. Sitze si uf eme Ast, so händ si wider allemyl am Röckli zweg z'richte, und in ihrem Nästhöck sind si erst rächt gnistig und gschwäzig wien imene Erker binenand.

Wenn si au no so fromm schyne, so säit me doch, si hebe die glänzige Sache gärn, Silber und no lieber 's Gold und glitzerigi Ring. Und wo si Öppis eso erwütsche chönne, tüend si 's verstecke und sammle 's zämme, gänd nüt dervo uus und schwyge still, wenn en Andere dofür ghänkt wird. Au sölle si gar guenig si, nasche gärn und von Allem, und finde si es guets Bigli, so bhalte si 's uuf. Drum nüstere si au in Allem, i jedem Ghüderchratte, und sind zänggisch, wie 's alli Schwäger sind. Es git 's au, daß si jungi Vögel verzausle und ne d'Näster burmwüele.

Sunst seit me wider, es seie gar glehrti Vögel und versteue nid nume ei Sproch, sonder lehre gar liecht no anderi; schwäze denn durenand, bald Ägerstedütsch, bald französich, so daß es ein Wunder nimmt, wie si numme enand verstoh chönne.

Sälte gseht me nume eini älei, allernyl flüge es Baar zäme
uus, und wenn si enand au mit de Schnäble bücke, händ si bald
wider Fride gmacht und göhnd spaziere um Dorf und Stadt.

Rud. Meyer (Aargau).

Föhnlied. (Bern)

Föhn, Föhn,
Grüüsli höhn!
Was für Tön!
Gstöhn u Gtlön.

Machst wie d'Huuri, machst wie
d' Chage;

Aber nid e halbe Bage
Überchunnfch für dys Conzärt —
Hesch dr Blasbalg no nid gläärt?

Hy, hy,
Pfy uuh pfy!
Schön söll 's sy?
Schwong jitz gly!
Chasch es ächt de nid begryffe,
Dass mr gar nid gfallt dys Pfyffe?
Pfy! i gseh, du tuesch mer 's
z'Trug,
Pfy! du bisch e Gar-nüt-Nug!

Lue, lue!
No nid gnue:
No drzue
Schade tue!

Zmitts i Alles yne suuse,
Hör! es facht eim afa gruuse!
Hör! da flüge Schindle scho,
Föhn, was dänksch, tue nid e so!

He, he!
Gseh, la gseh!
Geng no meh,
Weh, o weh!
D' Decher ab de Hüfse lüpfte,
Flugs di sterkste Bäum ummüpfte,
Als verheie, Als verschla
Chasch de, Föhn, du sturme Ma.

Ja, ja,
Lueg jitz da
Numen a,
Was d' hesch ta:
'S isch, wie wen e Schlacht hätt
gwüetet;
Aber Gott het d'Möntfche bhüetet,
U si Vaterliebi, Föhn,
Macht is ds Thal scho wider
schön.

G. Straßer (Bern).

Rüherbubenlied.

Ufem Bärge bin i gebore,
Wind u Stürme hend mi gnährt,
Und das Pfyfe und das Singe
han i vo de Vögle glehrt.

Mini Chüeli tryb i fröhli
Bärgen uf und Bärgen ab,

Ist myn Ätti ja ne Chühjer,
Und i bin sin frohe Schnab.

Uf de Bärge in der Höchi
Will i blyben all mi Zyt,
Wo mir's Läbe so vil Freude,
So vil Schöns der Himmel git.

G. J. Auhn (Bern).

Der Hirtenknabe.

Hans Ruodelibuob,
Hans Ruodelibuob,
Wo weidest dini Schaöfli?
Bi Ätiken unn, bi Ätiken unn
Weid i si i der Abigsunn
Am schöne, gruene Braöchli.

Hans Ruodelibuob,
Hans Ruodelibuob,
Was trybed dini Schaöfli?
Si blybed gern absits der Straß,
Die einte weidet still im Gras,
Die andere tüend es Schlaöfli.

Hans Ruodelibuob,
Hans Ruodelibuob,
Wie händ 's die guote Schaöfli?
Si händ e schöni, grüeni Weid,

Si händ e warms und mulligs
Chleid
'S ist Jedem wie me Graöfli.

Hans Ruodelibuob,
Hans Ruodeliboub,
Wer trybt der dini Schaöfli?
De Philaz trybt f', er luegt mi a
Und tuot mi wie en Mensch ver-
stah,
Er trybt mer f' bis zum Haöfli.

Was häst du au,
Hans Ruodelibuob,
E Täsche wie de Daöfli?
He nu, i hann e Flöte drinn
Und z'ässe, wänn i hungdrig bin,
Und Salz für mini Schaöfli.

H. Rüegg (Zürich).

Wie 's Brot wird.

Gelt Kind, du issisch mänge Bisse
Vom liebe Brot und tuesch nit wisse,
Woher 's denn au erstanden isch?
I sag der 's, wenn den Achtig gisch.

Zerst mues e Samekorn in d'Erde
Vo Burelite zettled werde,
Und 's Korn, wie in der Wagle, lyt
Im tiefe Bode langi Zyt.

Bald isch 's em: 's heer si Mueter riefte,
'S soll doch e bickli use schliefe.
So bald 's es heert, stngt 's usem Feld
Ganz zart und grien und luegt in d'Welt.

Do isch 's in Wetter aller Sorte,
Im Tau und Rege badeb worde;
Am wohlste het im d' Sunne to
Und 's het se herzli lieb biko.

In mänglichem Sturm und mänglichem Kummer
Isch 's gwachse bis in hohe Summer
Und het sich an der Luft ergeht,
Do het der Schnitter d' Sichel gweht.

Und nochen in de Wintertage
Händ 's Drescher usenander gschlage,
Denn usem Korn wird Mehl und Brot
Mit anderst as dur Schleg und Not.

Jez isch 's em immer ibler gange,
In finstre Segge isch es gfange.
Und in der Mühli wird 's no zletzt
Zu luter Krisch nnd Mehl verquetscht.

Do sait 's: 'S macht nyt, i bi nur freier,
Sittbem der hart und stachlig Spreier
Und 's grob und 's unverständig Krisch
Vom guete Mehl abgsundred isch.

Jez kemme wider neji Bichwerbe,
'S mues knetted und mues bache werde,
Denn nur dur Fyr- und Wassernot
Wird usem Mehl e Stiggli Brot.

Rosi Guyer

Hallo, die Berge!

Eine Geschichte für Kinder von 9—14 Jahren.

96 Seiten. Mit fünf Bildern von L. B. Strasser-Tappolet.

Verlag: Art. Institut Orell Füssli, Zürich.

Preis gebunden 4 Fr. 50.

Hallo, die Berge! Sicher möchte jedes Kind, das diese Geschichte liest, der kleinen „Lexi“ es gleichtun: den Rucksack aufschnallen und auch so selbständig losziehen, um Berg, Alpwiese, Murmeltier und alle übrigen Herrlichkeiten dieser hellen, blauen Ferientage zu erleben. Anschaulich, lebendig, mit erquickender Frische ist da alles erzählt, sodass man ordentlich Bergluft spürt. Die schlichte und klare Sprache ist schon unsern Neunjährigen verständlich. Das reizend, im besten Sinne modern ausgestattete Büchlein wird viel Freude bringen.

— Zu beziehen durch jede Buchhandlung. —

D..... Unterzeichnete bestellt hiermit aus dem Verlag: **Art. Institut Orell Füssli, Zürich**, bei der Buchhandlung

Expl. Schweizer Jugendbücher, 10. Band:

Hallo, die Berge

von Rosi Guyer.

Preis: gebunden 4 Fr. 50.

Betrag ist nachzunehmen — folgt gleichzeitig durch

Ort und Datum:

Name und Adresse:

Zwor tuet 's em vorem Ofe gruse,
Doch dänggt 's: Me nimmt mi wider use;
Und isch 's mir vorem Ofe bang,
So blyb i Taig mi Lebe lang.

Sidultig isch 's im Ofe glege,
Und us der Hiß, dur Gottes Sege,
Wird nasse Taig zu guetem Brot,
'S waiß Nieme, wie das kunnt und goht.

So isch 's mit vilen andre Sache:
'S maint ain, er kenn 's alainig mache,
Und 's groted ainewege nit,
Wenn Gott nit Kraft und Sege git.

S. Preiswerk (Basel).

Es git gwüß ander Wätter.

Es git gwüß ander Wätter!
Denn lueg mer nu de Himel a,
Es hät so chlyni Schäfli dra,
Die sueched Näge, wirsch es gieh.
Und lueg dert gegem Bodensee:
Es stögt so schwarze Näbel uuf,
'S git gwöhnli ander Wätter druuf.
Und lueg mer dert i d' Schneeberg ie,
So heiter schynet s', wüß nüd wie.
Und d' Sunne düüslet denn so lys
Und hät en Blic so chribewyß.
Ihr rosig's Meitli Morgerot
Verlangt e nass'es Abigbrot —
Es git gwüß ander Wätter!

Es git gwüß ander Wätter!
'S Uzifer chunnt i großer Zahl,
Und ein Weg lyt das Beh im Stal.
Die Tuube habed si im Bach,
Und d' Krähe schreib Beh und Ach,

Und 's Schwämmli flügt dem Bode nah
 Und d' Chaz frist Gras am Bördli da,
 Und d' Imbli furred uus wie taub,
 Wie schüßed i' uf de Honigraub!
 De Liebgott git 's e Jedem n,
 Damit si chönned flyßig sy,
 Damit wenn 's hrutig abe macht
 Si 's Süppli händ bi Tag und Nacht —
 Es git gwüß ander Wätter!

Es git gwüß ander Wätter!
 Au 's Döösli zeigt en Ändrig a,
 Boß Hell! wie schläbt de Tubak dra!
 Au tropfet 's usem Wätterglas,
 Das sicherst Zeiche ist mer das!
 Und lueged i der Chuchi dei,
 Wie schüüli schwiged d' Bodestei;
 Und d' Mueter seit, im Ankesaß
 Sei hütie Alles tropfed naß,
 Und d' Pfanne sei voll Heidesüür,
 Und 's Salz chömm eim wie Wasser für;
 Au pfsfi, Räge gnueg bidüt 's,
 Ihr Rägevögel im Chrüz —
 Es git gwüß ander Wätter!

Konrad Meyer (Zürich).

Beim Einzug des Winters.

So will de Winter ebe cho;
 Was meint er echt, me blangi scho?
 Er stürmt jo über d' Felder her,
 Wie wenn er vil verspötet wär;
 Er schnuust und chnchet, daß es chracht
 Und 's Fuß schier z' under obfi macht.

Wie rislet 's! Glaub, es hollt fast!
 Das ist doch au en leide Gast!
 Wie der üs d' Bäumlü zupft und drehet

Und 's Laub na allen Ede weht.
Rei Winter, fang manierli a
Und tue au wien e Ehrema!

De Herbst hät Alles gchocht und gmacht
Und hät eim so in d' Auge glacht
Mit süeße Trube, Obs und Most,
Mit frischem Trank und gueter Chost;
Er hät si Sächli ordli bstellt
Und alli Mensche zfride gstellt.

Drum rüest men em de Dank noch nah;
Wer wett nit Achtig vor em ha?
Posz tufig jo, es wär nit recht,
Wenn öppen Eine schimpfe möcht;
Denn wer nit zfriden ist damit
Verdienti au de Sege nit!

Und sei 's, wie 's wöll, er ist vorby;
De Winter will am Rueder sy;
Mer händ jo gwüßt, er werd bald cho,
Und grüftet drum sit langem scho
Die warme Strümpf und Pelz und Schue
Und ghörig Holz und Licht dazue.

Drum chomm du nu, du strenge Ma,
Mer chönnd di scho e Zittli ha;
'S ist gwerchet, was me cha und soll,
Und d' Rueh, die tuet üs alle wohl!
Sogar dem Weize und dem Chlee:
Si schlooffed besser undrem Schnee.

Und wahr mer d' Sömli treu und guet,
De liebe Tierli Fleisch und Bluet;
Schütz Jedes na fir Art und Wys
Und heb mer Sorg zun Bluemestrüß;
Und mach doch nit gar z' grüßli halt,
So weiße i, daß es Alle gfallt!

Und mach e schöni Schlittabah,
Daß üser Buebli rite cha;
De Schlitten ist scho lang parat
Und blanget, bis es use gaht;
Und üse Ruedli no vil meh,
De jublet: „Ho! Jezz chunnt de Schnee!“

De Chasper macht si Schlittschueh zweg
Und goht zum Weier uf de Steg,
Er findet fryli no chei Ns
Und chrazt im Hoor und süfzet lys:
„Scho wider en vergebne Gang,
Doch goht 's jeh allweg nümme lang.“

De Hansli ballet scho de Schnee;
Er hät am Hus e Meitli gseh;
Er wirft und 's groht em nit so guet,
Probiert drum, wie ne zweiti tuet,
Er wirft si gegem Dächli hi
Und tätscht e großi Schyben i.

Pog Welt! Wie hät de Batter tue!
Er nimmt en bi der Chappe zue
Und füert de Lecker gleitig hei;
Jetzt sitzt er im e Winkel bei
Und macht e gar erbärmliß Gsicht
Und denkt, daß sei e schlimmi Gsicht!

De Charo luegt bidentli dry,
Das Wetter mueß em lästig sy,
Und 's Chägli suecht de Ofetritt,
Es denkt: „So mach i nümme mit,
Es frürt mi jo am ganze Lyb
Und 's Muesen ist chei Zitvertryb.“

Au d'Espähli sitzt trurig da,
Si züchted ihri Chöpfli a;
Si stedted scho im Winterchleid

Und trüged um de Sommer Leid;
Jez flüged s' dört uf 's Bäumli uuf
Und denked: „Hätt 's doch Chriesi druuff!“

Ihr liebe Tierli, glaubed no,
Mer wend i sicher nit verlo,
Ihr müesseß Brod und Chörnli ha
Bim Chuchisenster nebedra;
Mer streued 's uf e Brettli her,
Denn picked 's mit enander leer.

Und wo in Hütte d'Armuet druckt,
Verschreckt me, wenn de Winter ruckt;
Wo Holz und Gwand und Nahrig fehlt,
Wo hei Chredit und au hei Geld,
Do grüesed s' denn de Winter nit;
Denn ach, er ist e bösi Zit!

Verzaget nit und glaubet no,
Es wird so strub wohl schwerli goh.
Jsch 's au gar chalt und sind ihr arm,
E Menscheherz blibt sicher warm.
Gott schickt bald da, bald dört sin Gruesß
Und seit eim, wo me helfe mueß.

Und Eis uf 's Ander goht vorby,
Es wird nit ewig Winter sy;
Me denkt denn zruck an erste Schnee
Und meint, es sei fast gester gsee.
So warmet 's denn enanderno,
Und endli ist de Früehlig do.

J. Kuoni (St. Gallen).

Der Winter.

Jez ist de Winter wider da;
Er hät scho s' Laub vun Bäume gnah.
Zerst reist er artig umnenand

I sim yschalte wyße Gwand;
Me künnt e scho, de grüßli Ma,
Er hät so groß Pelzhändschen a
Und großi Finken a de Füeße,
Me setten, dänk, nüd ghöre müeße;
Dänn plögli fahrt er wild dur's Land,
Er schüttlet starch sis wullig Gwand,
Da chunnt vum Himel Schnee uf Schnee,
Me gseht kei Bißli Bode meh.
D' Ghind springet hurtig under's Dach,
Doch d'Vuebe laufet ganz alsßgmach;
Sie watet gern im tüüffe Schnee
Und säget nu: Das tuet nüd meh.
Si juchset na und fänd a lache:
„Jez wänn mer emal en Schneema mache!“
Si hüüffet hurtig Schnee uf Schnee,
Me cha de Schneema wachse gseh.
Si mached em so dicki Bei,
Dänn stoht de Schneema ganz ellei,
Und Chopf und Arm, das mueß er ha,
Sußt wär er ja kein gförmte Ma.
Die tufigs schlimme Vuebe gänd
Ihm no en große Stoc i d'Händ;
Er sett di Andere z'fürche mache,
Damit si tüchtig chönntet lache.
Doch ach, de Schneema cha das nüd;
Und hett er Bei so dick wie Stüd,
Er ist en styfne, totne Ma
Und luegt ein dumm und dochtig a.
Da gönd f', die Glyche, wo ne gmacht,
Und werfet, 's ist e wahre Pracht,
Mit Puff und Stoß, mit Stei und Stoc
Dä mißli Schneema über Bock.
Jez aber machet's andri Männbli:
Si liget ase mitem Gwändli
In Bode use, wien e Mus
Und stretchet d'Bei und Ärmli uus
Und troolet i dem tüüffe Schnee,

Me gseht nu fast kei Buebe meh.
 Und dur und dur sind s' füecht und naß —
 „Gönd tröckned i, es ist kei Gspäß.“
 Si springed heime zue; und d'Chind,
 Die scho vom Stoh erfrore sind,
 Mit ihre Gsichtre grünen und bla
 Sind s' bi dem Springe vornen an.
 Si hömet hei: „U schoch, schoch, schoch,
 O Mütterli, wie frürt's mi doch,
 Wie gstabet sind mi Fingerli, —
 Ach Mueter, huuch mer s' au e chli!“
 Jez sind di warme Finkli guet,
 Bänn's ein a d'Züefli früre tuet.
 So sind s' deheim jez, Chind und Buebe,
 Und händ derzit, dur d'Schibe z'luege,
 Und sönd am Änd no z'chlagen a:
 „De Winter ist en böse Ma,
 Er hät is alli Herrlichkeit,
 Hät Laub und Gras und Bluest verschneit.“
 Doch er, so böss er mängsmal tuet,
 Meint's mit de Chinde herzli guet:
 Er goht, wänn de Silväster chunnt,
 Um Mitternacht in stiller Stund,
 Ganz listig i sim Bullegwand
 Mit Tannebäumli umenand.
 Die Bäumli alli sind voll Glanz,
 Mit Sachen überschüttet ganz,
 Mit Obst und Spilzüg um und a,
 Es cha's kän König schöner ha.
 Und all die Sache sind für d'Chind,
 Die folgjam, still und artig sind.
 Er treit s' ganz still in jeders Hus,
 Gohet lyßli zu der Türen uus,
 Und erst voruffe uf der Straß
 Da gügget er no gschwind dur's Glas;
 Und gumpet d'Chind um's Bäumli här,
 Dänn goht er furt und 's freut en sehr.
 Drum stimmet, Chinde groß und chli,

Mit Freude i mis Versli y:
„Wie wild er mängsmal struble cha,
„De Winter blyht en bravne Ma.“

Marie Ammann (Zürich).

Für d'Buebe z'Bärn, wen e früsche Schnee gefallen isch.

Buebe, lueget doch! Zuhel!
Schöne, früsche, wyße Schnee
Isch vom Himmel gfallte;
Er lgt schön da vorem Huus.
O! wär nume d'Schuel scho uus!
Gseht! er lat si balle.

'S isch doch über d'Buebe nüt!
Das syn ech die töllste Lüt
U die bräufte Ghnächte.
Summer, Winter, halt u heiß
Isch de Buchen alles eis,
Alles isch ne ds Rächte.

Aufen! uufe! marsch i Schnee!
E Schneeballe tuet nit weh,
Das me drab müest gränne.
„Stöckli-Buebi“ seit men eim,
Wenn er briegget, „blyb daheim,
„We de grad witt pflänne.“

Gseht? der Muß am Chlosterdor
Het so mängi ufem Ohr
U seit nüüt derwider.

Früsch druuf los u wehr di o:
Rächts u linggs! U breicht's di scho,
Ghei mer nid grad nider.

Marsch, d'Batallie facht jez a;
Halt di wie ne Schwizerma —
Guet so! — Gfesch? si laufe
Wie d'Haltungge scho dervo.
Auf u nache! Gib ne no
Wyßi Weggli z'haufe.

D'Manne ufem Brunnestock
Mit dem wyße Winterock,
U der Ghindli-Fräßer,
U Christoffel Haaggema,
Alli, alli müesse ha;
U je meh je besser.

Aber Buebe, hübschli da!
Andri Lüüt lat rüewig gah,
Lat mer si ungschore;
U de Tiere tüet o nüt.
Tüet e chli wie wüzig Lüt —
Süsch — Gnab Gott den Ohre!

G. J. Kuhn (Bern).

Schlittefahre.

Ei händ's schier nit erwarte kenne,
Und endli het's denn Vieri gschlage:
Lueg, wie die Bueben use renne
Und haim uff alle Wege jage
Und d'Schlitten uffem Estrig hole
Und dusse sich mit Schnee verhole!
Kalt isch's, me mecht zue Ds vergoh,
Doch d'Buebe froge nyt dernoh.

Lueg, wie si dert der Berg ab schnurre,
Loß, wie si dur enander schreie,
Loß, wie die Gleis am Schlitte surre;
Lueg, wie die Zwei an d' Mure keie!
Hesich gmeint, sie schreie? O bewahri!
„Das dunkt mi lustig, dorum fahr i“,
Sait Ain dervo und wischt der Schnee
Us Gesicht und Hoor — „'s tuet nimme weh“.

Der Ander hinggt und mecht gern gryne,
Doch schämmt er si und byßt in d' Rippe,
Er wott nit gern e Maibli schyne
Und het jo zletzt no gsundi Rippe;
Drum sait er, um si Muet z'bewyse:
„Lo mi vora, i will jekt wyse;
Du kassch ja nyt, paß uff, du Nar,
Eb i au an e Mure fahr.“

Der Ander lot em gern der Schlitte
Und siht em uff — und Baidi schnurre
Wie Pfyl dervo. O weh! e Dritte
Wott no mit Schlittschueh vorne dure.
„Brugg!“ schreie Baid mit Laiestimme;
Doch Dä, im volle Zug, ka nimme —
Der Schlitte kunnt und fahrt — o waih —
Im Schlittschuehläifer grad an d' Bei.

Das git e Rumpfleten am Rode!
 Denn alli fahre si dert use
 In Schnee — Ain mit verstauchtem Knobe,
 Im Andere tuet's Schienbei fufe
 Vor Schmerz, der Dritt macht endli Wyne,
 Als fehl em au nit d' Lust zum Gryne,
 Doch händ si nonig gnueg am Schmerz,
 Der Zorn au stygt enen in 's Herz.

Berst blybt me zwor bi Ibernäme:
 „Laternestogg“ und „Schlittediebe“ —
 „I tät mi mit so Schlittschueh schämme“ —
 „Und i behaim am Ofen blybe,
 „Ihr Pfluten Ihr“ — Das isch d' Trumpeete
 Zum Agriff uff der Schanz z' Elisabeth;
 Si gehnd enander uff der Lyb
 Zwee gegen Ain, im ärgste Ryb.

Und Alli bilden um si umme
 E Kraiss und luege zue und lache.
 E Tail will wehre —. Lehdn si numme,
 Si werde selber fertig mache —.
 „Mai, 's isch e Schand: Zwee gegen Aine —“
 „Worum? Dä mit de lange Baine
 Het scho e Vortel iber Deeb“ —
 So goht's in Red und Gegered.

Doch lueg — der Strit ka nimme bure;
 Si werde mieße Fride schließe —
 Lueg dert di schwarzi Gestalt; um d' Mure
 Grad ume lenggt si — Alli griesse
 Gar hefli und ziehdn d' Käppli abe —
 „Wer sind die ungezogne Knabe?“
 So frogt si und goht uff si zue,
 Und ausgebliggli händ si Rueh.

Die Drei stehnd do wie armi Sinder,
 Rot, purpurrot bis iber d' Ohre,
 Vor ihrem Pfarrer: „Liebi Kinder!
 Sind d' Mensche denn zum Strit gebore?“

Redt er si a, „mueß d' Jugend denne
Au scho in Zorn und Haß entbrenne?
Ißch das die Unschulb, die sich ziemt
Und die men an de Kinder riechmt?

Was isch der Grund? I fa mer's dängge:
Er sind gwis anenander gfare
Und dorum wend er ych no frängge!
Er werden andri Steef erfahre
Uf eirer Wanderfahrt, jo, falle,
Und sini Fyft darf doch Rain balle
Und wiete — denn 's isch Gottes Plan,
Und was er tuet, isch wohlgetan.

Denn, wemm me's recht betrachtet, Knabe:
'S ganz Lebe isch e Bahn im Große;
Mer fahren alli 's Bergli abe
Und miend oft anenander stoße;
Jo, Menge schießt an Stei und Mure,
Daß alli Menschen inn bebur;
Denn d' Schmerze sind no andrer Art
As die vo Dem, wo Schlitte fahrt.

Au 's Leben isch e Bahn, jo wahrli,
Und nit so glatt wie die und ebe;
& Fall druff isch oft lebesgfährli;
Nit Jede fa sich wider hebe
Wie ihr und stoht uff gunde Fieße,
Nai, lige blibt er, und do schieße
No alli Schlitten iber 'n her —
'S wär besser, wenn er gstorbe wär.

& Menge mueß sich gliggli schähe
Und Gott im Himmel obe dangge,
Wenn d' Glider numme sich verlehe
Und er si Reis darf witer wangge
As arme Tropf, doch mitem Lebe;
Und Alles schägt er gring bernebe,
Will Alles gern verlore ha,
Wenn er nur leben und atme fa.

An dene Lüt 's Exempel z' nemme,
 Das sotten er, das wurd ych nuze;
 Er wurden ych dernoche schämme.
 Bim allergringsten Unfall z' truge,
 Und, statt ych's Lebe so z' versuure,
 Enander helfen und beduure;
 Denn unser irdischi Lebesfahrt
 Isch ohnidiz scho ruuch und hart.

Und soll si denn dur unser Strite
 Und Zangge nur no ruucher werde?
 Nai; lehre drum Geduld bizite,
 Und trage klaineri Beschwerde;
 Denn 's Lebe spart si Kaim von Alle:
 Er werde no ganz anderst falle;
 Drum frommt uns Mensche nyt so sehr
 Als Friede. Bhiet ych Gott der Her!"

So het er gsait, druff isch er gange.
 Und d' Buebe? Händ sich losse brichte.
 'S het nur am rechte Wertli ghangen,
 Um uff der Stell ihr Händel z' schlichte.
 Wie allemil — si sind in Schaare
 No fridli binenander gfare
 Und spoot am Obe fridli haim:
 E gueti Lehr schadt halt e Kaim.

J. Mähli (Basel).

Der Schneemann.

Juhee, juhee, de Schnee ist blutt
 Und lad si prächtig balle;
 Jetzt losed, was mer mache wänd,
 'S mueß wahrli Alle gfallle:

Mer mached is en Ma vo Schnee,
 En rächte große Kärli
 Und lueged, wer e trässe chönn —
 I meine, das sei herrli!

Ich und de Hans wänd de Lyb
Scho tüchtig zäme rugle
Und du, Hans-Jakob, machst de Chopf,
E rächti großi Chugle.

Jetzt stelled mer de Kärli uuf,
Er macht si gar nüd übel:
Gstalt häd er wie en Bölima,
En Chopf fast wie en Chübel.

So iez, du tusigs Läckersbueh,
Wänd mir di rächt drißchagge;
Dem Hans si Balle trifft em s' Ohr,
Und myni chläbt am Bagge.

Mer rüered tüchtig uf en los,
Mer chönd fast nüme schnuufe —
Jetzt ändtli häd er übergeh
Und lpt bei am e Huuffe.

Notensweiler (Zürich).

Das Vögelein im Winter.

Chumm, Frenzli, lueg das Vögeli dört
So höch uf's Schmide Dach do ehne;
Es het si nit und het kei Lehne.
Lue, 's flügt dervo! Seh, heste ghört,
Blib wegen eus nur unverstört!

Denk au, wie hert: 's cha nienen n;
D' Hünd heule jo und d' Wäge knarre,
Und 's Grundysch goht und d' Bäch verstarre:
Dä arm Tropf het keis Stübeli
Und Nieme holzt und heizt em dri.

'S chunnt barfueß nider ufem Schnee;
Lueg nur, wie wetti's nit au früüre?
'S mueß weger d' Zechli nümme gspüre;
Säg, het's echt 's Christkind nit au gseh,
Het's ihm de keini Strümpfli meh?

Mueß d' Mueter dir um d' Füeß no 3' Nacht,
Wenn d' Bise pfyft dur alli Spalte,
Ne warme Hudl parati halte —
Wer nimmt dä arm Schelm duß in Acht?
Reis Bettli het em Nieme gmacht.

'S findt, lieber Gott, sis Esse schwer:
Reis Müggli gheßt, Reis Hälmli sprosse;
Der Winter het's i Schnee ybschlosse
Und loht Reis sufers Plähli leer;
Was meinst, wo Öbbis 3' sueche wär?

Es duurt mi, 's drückt mer's Herz fast ab;
Denk au, wenn 's erst no vo so Bichwerde
Gott krank und übelmögig werde
Rei gueti Seel, mi liebe Ehnab,
Wär do und gieng und luegti 'm ab.

Doch nei! gheßt, 's gümperlet so froh!
Si Heimet ist der Himel lötig;
Do het's das Alles jo nit nötig.
Und chönne mir nur dörthi cho,
Denn, Frenzli, heimer's au eso.

(Solothurn.)

St. Niklaus.

6. Dezember.

(Basel) .

I. Am Vorabend.

Zur Zit, wenn d'Tage kirzer werde
Und d'Sunne mit der liebe Erde
Au gar zu vil Versteggliß macht,
Do dyßelet in stiller Nacht,
Wenn d'Kinder gschlosse sind in's Bett
Und jedes scho si Träumli het.
E Greis mit langem, grauem Bart,
Doch frommem Sinn und sanfter Art,
Vo Ort zu Ort, vo Huus zu Huus
Und suecht sich sini Litli uus.

Er treit e Stab in seiner Hand,
Dä stammt, so wie si Pilgerwand,
Us alter Zit. So wandlet er
Die Stroße hi, die Stroße her;
Jez blibt er an 're Huustir stoh
Und bepperlet, seit Hoschehoh! —
„'S blibt Alles still, me hert mi nit,“
So sait er; doch mit stillem Schritt
Kunnt Epper schnell der Huusgang fire,
Um hibschli z'lustre an der Türe.

„„Wer ist do us? — wer kunnt so spot?““
Sait 's Mieterli, das dinne stoht; —
Und wie es sinnt, wer's au mecht sy,
Kunnt d'Antwort scho zum Spältli y:
„Du liebi Frau, du kennsch mi jo,
I bi jo vorigs Johr au so
Und ha dir in der Winternacht
Zu glycher Zit e Bsiechli gmacht.“

„„Der Santi Klaus““, rief d'Mueter uus
Und sait Willkommen und effnet 's Huus,
Der Mond schynt grad in Huusgang ine
Und glänzt uf ihrer haitre Myne.

(auch Samichlaus
sonstere).

„Still,“ sait der Klaus, „mer wend nit mache,
Daz d'Kinder usem Schloß erwache,
Denn ihne gilt mi spote Gang;
Was lebe si? — Es isch scho lang,
Daz i si gseh ha selbi Nacht,
Wo ais het grinne, 's andre glacht
Und wo si alli doch am End
Mir nyt als Guets versproche hend.
Sag, hend si's ghalte, flykig glehrt,
Brav gschafft und betet, wie 's is gheert?“ —
Ob diser Frog luegt 's Mieterli
Mit stillem Bsinne fir si hi;
Es isch, als ob's ere tät gruse
So z'rugge mit der Bohret use;
Doch sait si zletzt: „„I will nit Klage
Und alti Sache nochetrage;

Der lieb Gott macht's mit uns au so,
 Sunst kennt jo währli Niemed bstoh.
 E Johr isch lang und gscheh isch vil,
 Das i nit widerhole will.
 Rai Klaus, i will dir lieber brichte
 Die guete, als die beese Gschichte.
 Sag, bsinnst di no an's Lisele,
 Das vorigs Johr so griseli
 Si gwehrt het, dir si Händli z'geh?
 Du hesch's fast welle ibel neh. —
 Das het im Frieblig, spot bi Nacht,
 Fir mi e Kommissieenli gmacht,
 Und wie 's so goht de Hysere noh
 Blibt's bime Fenster plehli stoh,
 Dur das e Ton vo Klag und Schmerz
 Dem Kind isch drunge tief in's Herz.
 Es wartet lang; doch wil das Grine
 Nit ufheert, tritt's in's Hysli ine.
 Do findet's denn im schlechte Bett,
 Das kuum e rehti Deggi het,
 En armi Frau in Todesnot,
 E Kinderschaar, die 's Bett umstoht,
 Wo Jedes sini Händli ringt
 Und nüt als Träne fire bringt.
 Im Schmerz verrinnt ne Stund um Stund,
 Si achte 's nit, wer ine kunnt,
 Und hätte si au Eppis z'asse,
 Si wurde 's iberm Laib vergesse.
 Der Todeskampf isch schwer und lang,
 Mim arme Kind wird's angst und bang;
 Doch endli isch mit sanfte Hände
 En Engel so das Lyde ende. —
 Das Loos isch ihre lieblich gfallt,
 Doch wer soll bene Kindre alle
 Wo jeh a Hilf und Stütze sy?
 Fast alli sind no schwach und fly,
 Si kenne nit ihr Brod verdiene
 Und rychi Bettre hend si niene.

Do mueß me helfe, dänggt mi Kind;
Es druggt em ältste Diebli gschwind
E goldig Stiggli Geld in d'Hand —
'S het's gspart gha fir e Bsuech uf's Land —
Und sait: I will bald wider ko.
Druff het's von Alle Abschied gnoh.
Am nächste Morge isch's go wandre
Von ainer Frindin zu der andre,
Het Geld und Klaider zemme glait
Und 's frehlich in selb Hysli trait,
Bis d'Kinderli versorgt gsi sind."" —
„Scheen“, sait der Klaus, „doch sag mer gschwind,
Was hend die andre Kinder to?
Hend si au tätig Ateil gnoh?“
„O jo, si hend sich's nit loh neh,
E Jedes het si Schärfli geh;
D'Sparhäse hend in selber Zit
Recht glichtet; doch das macht jo nit;
'S isch besser, 's Herz schlieg warm und mild,
Als daß me sini Kasse füllt.“
Druff sait der Klaus: „Jez kan i goh,
I ha jo guete Bricht bekoh;
Und wär i nit so dirr und alt,
Wahrhaftig, d'Träne käme bald.
Grieß dini Kinder scheen und sag,
I bsuech se morn am Niklausstag
Und bring e Sagg mit guete Sache,
Doch muesch se nit zu glustig mache.
Denn Zuggersächli bring i nit;
I gib's, wie's Gott vom Himmel git:
E Hampfle Ruß, en Äpfeli,
Au Bireschnitz und Huzeli,
Und hechstens noch e Honigkueche
Gib i dem glaine Bolgg z'versueche. . . .
Soll i ächt d'Auete duffe lo?“ —
„O nai“, sait d'Mueter, „'s ka nit goh.
Denn d'Kinder mieße frieh scho lehre,
Daß Ernst und Gieti zämme gheere

Und 's nur druff a funnt, wie si's trybe."
 „Jo Frau, es soll bim Alte blybe!“
 Furt isch der Klaus, und d'Mueter goht
 Zeh au in's Bett, denn 's isch scho ipot.

* * *

II. Am Niklaustage.

„Nöte, liebi Kinderli,
 Wer isch nächte bi mer gsi,
 Wo ihr alle gschlofe hend? —
 Bsinnen i, es wird's am End
 Doch wohl Uns errote kenne
 Und mir schnell der Name nenne.“
 „„Fryli““, riefen Alle ghy.
 „„'S wird der Santi Klaus ghy sy;
 Denn wo hit, am frieche Morge
 'S Biseli will 's Wische bsorge
 Borem Huus, so het's im Schnee
 Grossi, braiti Fuehtritt gseh;
 Und do sait 's is schnell in's Ohr:
 Gebet acht, 's goht Eppis vor,
 I vermuet, in stiller Nacht
 Heb der Klaus si Bsiechli gmacht.““
 D'Mueter sait: „Jo, 's isch eso,
 „Nächte isch er zue mer so
 Und het vo mir wisse welle,
 Wie's sig mit eich junge Gselle:
 Het mer gsait, i soll eich grieße,
 Und 's werd wenig Bit verfließe,
 Bis er käm im lange Rogg
 Mitem Sagg und mitem Stogg.
 Mit der Ruete digg und lang....
 Nitwohr, Fryli, 's wird dir bang?“ —
 „„Mueter, nai, i fercht mi nit““,
 Sait der Fry, „„doch was i bitt,
 Sag is au, was isch der Grund,
 Daß er zue de Kinder funnt

Alli Johr, um si mit Gschängge
Und mit Andrem no z'bedängge?"" —
„Gern“, sait d'Mueter, „will i 's tue,
Nemme nnr und lose zue“!

X

'S isch gsy zur Zit vom Kaiser Konstantin,
Daz in Klain-Asie zu Patara
En Ehepaar glebt het still mit frommem Sinn,
Die hend en ainzig, lieblich Viebli gha,
'S het Niklaus ghaiße, und vor alle Schätze
Hend si sich kenne an dem Kind ergehe.

Si hend's erzogen au in Ehr und Zucht
Und 's hechste Vorbild im vor Auge gstellt;
Drus isch erwachse bald e gueti Frucht,
Die besser isch, als alli Schätz der Welt:
No Gottes Wort und scheene, hailige Gschichte
Het frieh es glernt si Wort und Wandel richte.

So het das Viebli zuegnoh an Verstand,
An Alter, Wysshait und an Gottes Gnad,
Und au als Jüngling isch er an der Hand
Wo sim Erleeser blibe, schlicht und grad.
So isch er worde Jederma zum Sege,
Der Eltre Fraid und Hoffnig allerwege.

Und won er druff ins Kloster treten isch,
Wo's gsellig Lebe gege d'Ainsamkait,
Der Rychtum gege Zelle, Bett und Tisch
Vertuuscht heb mieße werde: er het's trait
Mit feltner Kraft und sich so ganz im Stille
Der Armuet ibergeh um Gottes wille.

'S fiel Mängem schwer, eso si Hab und Guet
Z'verwalte nur im Sinn vom Himmelrych;
Denn wenn men au den Arme Guetes tuet
Und selber herlig lebt, es isch nit 's glych.
Arm isch er gsy bi Gold und ryche Gobe,
Het tufig Lyde gstillt: isch das nit z'lobe?

Am liebste het er in Verborgehait
 Do won er gwißt het, daß me helfe mueß,
 Si rycht Gob ganz haimli umegleit,
 Daß si erschine isch wie Himmelsgrueß
 Und au der Dangg nur Dem het kenne werde,
 Der Alles bsicht im Himmel und uff Erbe.
 Dernebe isch er au e Kinderfrind,
 E treie Frind vo junge Lite gsy;
 Er het si glehrt, und gferchlet, ob er find,
 Was eppe mecht e Zug zuem Guete sy.
 Es het en gfrait, wenn er mit volle Hände
 Der Kinderwelt het kenne Sege spende.
 Drum het ihm Gottes Segen au nit gfehlt
 Und all si Wergg e guet Gelinge gha;
 Met het en gliebt und ihn zuem Bischof gwählt,
 Do isch er gstande fest als Gottesma.
 Doch endli het au ihm si Stindli gschlage,
 Si hend en gsenggt in d'Grust mit Schmerz und Klage.
 Und sit der Zit erschynt er alli Johr
 Als alte Kinderfrind am Niklaustag,
 Im bruune Pelz, mit grauem Bart und Hoor,
 Bi jedem Kind, das ordli folge mag;
 Und findt er's guet, so loßt er sich's nit wehre
 De brave Kindre Allerlai z'beschere.

* * *

„Jetzt, Kinder, han i denn verzellt
 Em Santi Klaus si Lebesgschicht. . .
 Doch lose, lose, het's nit gschellt? —
 Jek wider? — Zind Nis mitem Licht!
 Was gilt's, er selber isch nit wit;
 Es kunnt mer vor, i heer si Schritt. —
 Willkumm, willkumm, du liebe Ma!
 Du findsch e jungi Gsellschaft do;
 I hoff, du hesch e Gfalle dra,
 Je mehr je lieber isch's der io;
 Und au di Schritt isch ziemli schwer.
 I glaub emol, du kunnsch nit leer.

Es dudderet e Mängem do,
Wenn du wit gnaue Bricht verneh;
Doch dängg i, du wirsch 's eppe scho
Mit glainem Volgg so gnau nit neh.
Nur mecht i bitte: Loß mer's hit
So ame Zuespruch fehle nit!"

J. J. Schaublin (Basel).

Christbäumli.

Mis Anneli mueß es Bäumli ha
Und hundert herrlich Sache dra:
Höch oben es Babi mit Spizen und Bändre,
Dänn ringsum Frucht us alle Ländre;
Nu rächt vil Guets für Chinderschnäbeli:
Pastetli, Törtli, Chräpfli, Chräbeli,
Läbchuechemännli und Marzipanwogbli,
Und zuckerni Schäfli, Hüenli und Lübli;
Dänn Dirggeli, Läderli, Schokoladepfägli
Und Bilder und Spilzüg für mis Schägli
Und hundert Viechtli mit goldigem Schy —
Mueß Alles a 's Annelis Bäumli sy.

Staub's Bilderwerk (Zürich).

U Brief vom Chrischindli a die chline Buebli und Meiteli. (Luzern).

D'Wiehnecht ist vor dr Tür. Us de Wälde sind d'Tannli scho ghaue
Und mit Chramänzel verziert, mit rotem und gälem und grüenem;
D'Kerzeli steckid scho dra und erwartid, aß me si azündt.
D'Rüßli sind kauft und si glänzid wi Gold und wi d'Stännen am
Himel;

D'Birewegge sind zwäg, und Basler Läderli han i
Hundert Gutteli voll, Läbchuechen und anderi Guetli;
Rösseli han i au gnuet und Wägen und Geislen und Dampfsschiff,
Lokomotiven und Pflüeg und Trummen und Psoffen und Diddi,
Geißen und Schof und Busi und Hünd und anderi Tierli,
Süberli gschmizlet und breit, me cha si ned zelle, so vill sind's;
Strümpfli und Schueh, Belzstöbli und Hüet mit mächtige Strüße,

Die sind für d'Büebli, wo gärn Soldättli machid im Husgang.
'S Allerischönst chunnd zletzt: das sind Büecher mit prächtige Helge,
'S Äschebrödeli drin, d'Frau Hülle mit gräßlige Zände,
Risen und Zwärg, 's Dornrösli im Schloß und dr gstrubelig Peter,
Und no vill Anders derzue — i darf iez ned Aus scho verrote.

Grüßtet ist au im Ehnächt, din Schmutzli; är möcht scho uf
d'Neis goh;
D'Ehräzen ist gfüllt, und dr Städten ist zwäg, d'Belzchappen und
d'Holzschueh.

„'S wär mer doch rächt“, so dampet er gäng, „wenn i einist chönnt
asoh;

D'Ehndeli plangid scho lang und rüesid mer: „Schmutzeli, chummau!“
Aber en andere Ehnächt, der Ruprächt, stampfet und trablet;
„Ish nonig Zit?“ froget mängist dā Schalk, und 's prässirt em gar
grüßli.

Das ist ke früntliche Ma, nei wägerli, schwarz wi der Lufel,
Auge heb er wi Für und e Stimm wi ne lötigen Pöbär;
Ruete treid er es Paß, e Goliath möcht si chuun gschleppe.

„Wartid e chli!“ so han ene gseid; „morn z'Oben am Föusi
Gömm mer uf d'Neis; gänd ordeli Ncht de und machid mer d'Sach
rächt!“

So! iez han i no Zit es bigeli z'frogen, ier Ehnde.
Sägid, wi hend'r ech ghalte dur 's Johr uus, i frog ech uf 's Gwüsse.
Lügid mer ned! i weiß ech jo Aus; i ha flyßig vom Himmel
Nidst gugget uf d'Wält und gluegt, was er tribid und schaffid.
Will hend ordeli to; es freut mi, aß i's cha rüeme.
Ufstoh öppe zur Zit, es Gebättli verrichte mit Andacht,
D'Händli schön inenand und zum Himmel ue Äugeli grichtet!
Wäschen und strähle dernoh und sech alegge wi's Bruuch ist,
Druf zum Mueterli goh und zum Batter und ordeli d'Hand gäh
Mit eme früntliche Gruetz: „Guet Tag au, Batter und Mueter!“
So isch es rächt, und das gsehn i so gärn, und es bued mer im
Härz wohl.

Und de am Tisch eso heiter und froh bim gfuerigen Ässe;
Gfägn ech's Gott! E chrestigi Ghost ist besser as Schläckzüg.
Milch und Brod, Härböpfel und Fleisch und vom Brunnen es Glas
voll,

Das macht rüstigi Lüt, di cha mer de bruuche zum Wärdche.

Schaffele düend si scho gärn, wenn d'Händli und d'Beindli no chly
find,

'S Stubeli wüschén und d'Gäng, Holz trägen und Wasser i d'Ruchi,
Gras usjätten im Garten und Stei ufläsen im Mattli,
Kumissione verrichte, zum chlyner Brüederli luege,
Aß es ned fällt und ke Rodlen erwüschét und ned d'Etägen abtrolet.
Wägerli jo, z'due git's e so vill, und doch fragid no mängsmol
Flyßigi Chind: „Säg, Mueter, was hest is de öppe no z'mache?
Gib is en Uftrag! Lueg, 's ist gmacht, was d' vorig verlangt hest.“
„Jo,“ seid d'Mueter im Witsch, „gschwind bringid der Chränkliche
Husfrau,

Wo det am Ächerli mont, es Anfestöckli, es Halbbrod,
Mähl, es Budälleli Öl und es Stückeli Fleisch, aß si gsund wird!
Packid's i Chorb und iez gönd! ier wüßid doch rächt, wär i meine?“
„Jo,“ seid eis, „e die Frau, wo die härzige, härzige Chind heb!
'S Betheli heb erst nächti es Tschuppeli Nägeli prunge.“
Säg, was hend si im Sinn? Die Fraheli rönnid i d'Stube,
Düend 's Schublädeli uuf, 's Sparrhäfeli schleipet si füre,
Fingerlid Bakeli druus, die Frau und die härzige Chindli.

'S Schaffen ist doch e herrlich Sach, es bewahrt eim vor Sünde,
Macht eim heiter und froh, wohltätig und friidli und höfli.
Nachtid ech nur, wi 's Buebli prässiert, sis Chäppeli abznäh,
Wenn 's dr Inspäkter gseh, dr Pfarrer, der Lehrer und sunst no
Gachteti Lüt, und es seid: „Grüß Gott!“ und gib nen e Titel.
'S Matteli lauft, was 's mag, und streckt scho sis Händli vo witem,
'S rächt natürli — es weiß's und vergißt's gwüß nümme im Pfer.
Gönd sie i d'Schuel, so lehrid si brav, gänd ordeli Nchtig,
Was me ne säg, und si bhaltid's im Chopf und es gfallt ne gar
grüßli;

Und so wärdeb si gschnd, und si wüßid, was rächt und was läß ist.
Settigi Chind sind e Säge für 's Huus und was d'Sunne für d'Ärde.
Chumen a's heimelig Huus und böppele hübschli am Pfeister;
Gschänkli bring ene mit. 's sind prächtigi Sachen und nühli,
Öppis z'schlädelen au, — nur einist im Johr, das verschändt nüd.

Aber es gid au Chind, wo mer anderst mueß mit ene rede:
Buebe mit schmirrigen Gsicht, wo verlieberlet ume vagierid,
D'Chleider verrüßid im Strit und d'Schueh i de Pfüge verhergid.
Rede düend si so wüest, aß en ehrliche Möntsch ned cha lose,

Fluechen und schweeren und d'Lüt usspotte, die besten am ergfte.
 Schaffe, das mögid si ned, und 's Lehre chund ene dumm vor;
 'S Schuelhuus hassid si gar und d'Chile wie Gift; wenn dr Vatter
 Oder d'Mueter si mahnt, so laufid si, aber dr läß Wäg.
 Gib me nen öppis z'tue, so vertändlet si d'Zit, aß e Gruuß ist;
 'S luegt nüd use debi, und Alls ist verchehrt und verpfuschet.
 Aber bi lumpige Streiche, do sind si buschber und häluf:
 D'Trübeli stälen am Hag und Pflümeli bängle vom Bäumli,
 D'Glogge zieh ame Huus, Hünd ploge und Bögeli mörbe,
 Und de no lüge bezue und laugne bis usen und use:
 Jo, das chöned si guet, Hauptkärli sind si im Bosge.
 Aber i will ech ned Alls ufzelle, 's Register wär z'trurig;
 D'Auge wärdib eim naß, wemm mr dänkt, wi die lockere Burste
 'S Glück wägstoßid mit Gwalt und schnuerstrack rönnid i Abgrund.
 D'Wiehnecht ruckt, und de chund dr Rupräch mit ere Ruete
 Settige Ghinden i's Huus, und er list ne de Lägt, aß si's mertid.
 Anders verdienet si nüd. Ruuch mueß mer verchehre, wenn d'Güeti
 Nümi vermag. Wenn's nur battet und hilft! 'S ist besser, dr Rupräch
 Zeigi bizite, wi's gieng: i dr Juget ist d'Besserig liechter.

Läbid iez wohl, ier Ghinde, bis morn! De mach ech es Bsüechli,
 Braven e Freud und de schlimmen e Strof, grad wie si's verdient.
 'S gfiel mer gar grüfeli wohl, wenn einist dā gschluderig Rupräch
 Nümme so wättere müeßt, und wenn ene nümme müeßt mitnäb.
 Chundnd's ächt emol bezue? — Das wär mer e fröhlich Wiehnecht!

J. Bucher (Luzern).

Wiehnecht! (Basel)

„Willkumme denn, du liebi hailigi Wiehnecht! Jo, Ihr
 liebe Kinder, Er derse jeze scho juchzge, denn morn isch si end-
 lich do. Händ Er nit allibott gfrogt: „Mieterli, isch bald
 Wiehnecht? Mieterli, wie mengmol mueß i no schlooffe, bis's
 Wiehnechtkindli kunnt?“ bis si zlest gsait het: „Jeze weiß i
 asanga nimmi, wo mer der Kopf stoht mit dem ewige Gfrog!
 Nimm Du bi Schifertafele, Haiggi, und mach Dini Buech-

staben und's Mariggeli ruumt 's Doggetekänsterli uff und macht e besseri Ornig. Was mainisch, wenn's Wiehnechtkindli di Grim-pel gsäch? Zänse mer der Klai nit, hescht gheert, Niggi? Heb Du lieber dini Bauhelzli uff, 's lyt Alles z'underobsi am Bode Und eier Bersli, Kinder, Er blybe no allemil stägge; kumm sag mer's scheen uff, Mariggeli, und noch wil i der au brichte, wo di alt Ditti hi to isch So, jeze goht's jo ganz ordelig, und kumm, i sag der's in's Ehrli: Dängg 's Wiehnechtkindli het's gholt" Und em Niggi si Wagen au? „Jo im Niggi si Wagen au." Du passisch doch uff, as wien e Hästlimacher; jo Niggi, jo, wo dim Wa-gen isch jußt d'Reb; de bisch mir e scheene, daß de nen im Regen im Hof losch stoh, daß alli Farb abgangen isch."

En ander Mol sait si: „Setz lehn' mi in Rueh und luege zu, wie's schneit," und do sind denn d'Kinder uff d'Ses-sel gaist und hân ihri Nasen an d'Schybe druggt. Die wyße Beegeli sind in der Luft umezwirblet, und 's Dach vom Koch-ber isch scho ganz wyß gsi. Uff der Schnee aben isch e Pfloz-wetter to, daß me mit de Glaine nit het kenne zum Huus uus goh. Isch das en Glend gsi! Der Männeli im Degglache het als gege d'Dire druggt, der Niggi und 's Mariggeli hân enander plogt und d' Mueter het pardu mieße Rummiffione mache. Z'Immis drno het si em Vatter verzellt, wie Alles in de Spil-sachelâde gstegeedig volle sig; me heb fast e kai Bschaid kennen iberko. Und luege haig si mieße, wo d'Tante Luisen au no kâm; die Gueti sig eso im Yfer gsi, daß si als mitem offene Baarebli an der Dire borzt heb, bis Nini zuenere sait: „He, mache Si doch zerst Ihnen Ihre Baarebli zue!" Und wie hând die Kinder gluschteret, ob d'Mueter sunst nyt verzellt, was si selber kauft het; aber si het nit derglyche to. Aber emol z'Doben isch e Paggträger hinter em Vatter d'Stegen uff mit ebbis Griens; me het d'Buebn am Grips gnoh und si gschwind in 's Gßtibli gspebirt, aber si hân im Gang noch en e glai Ästli gfunde, und 's sait Nin zum Andere: „Du, 's Wiehnechtbaimli isch scho do!"

Und brav sin sie jeze; me bruucht e kais z'gschende. Sunsch hän d' Bueben enander plogt oder 's Mariggeli mache z'grine; jez isch ai Liebi, und wenn si's ganz Johr eso wäre, bruucht me gar nie e Dätsch z'gäh. Und das isch guet, denn d'Mueter het aineweg gnueg z'schaffe gha mitem Guzi bachen und mengmole het si de Kindere gschwind Eppis zum Versueche brocht. Wenn aber z'Nacht alle gschlose hän, sind Vatter und Mueter in d'Wisitestube gange, d'Fäde sind scho an de Guzi; do isch e Kerbli vollen Epfel, dert lige die goldige Nis, und alli Tag wird 's Baimli scheener. Der Engel isch ganz in der Heechi; d'Glasfugele und d'Sterne hangen in den Äst, und witer usse d'Guzi, und unten isch 's Miesch mit de scheene rote Beeri.

„Was fehlt jez no zum Guete?“

Postausig, no ne Ruete“

Do isch si scho mitem goldige Stil und mitem rote Lättsch dra. Der Vatter tuet sie z'vorderst, daß me sie ämmel au gli gsieht. „'S ka si“ wissen Er, wie's witer kunnt, Ihr Kinderli?

„'S ka si, si haut Der“ Gelte, lieber nit; Er wänd jo ordelig si.

„Setzen isch Alles am Baum und uffem Dischtuech“, sait der Vatter, und doch isch's mer, 's fehl no Eppis . . . He jo allweg, d' Kerzli! Das isch jo d' Hauptsach; und sige no so scheeni, koschberi Sache dra, wenn me mit de Liechtli schmirzelet, so het's e kai Gattig. Si sin gly abe brennt, fällt isch wöhr; aber 's isch doch, was aim vo der Wiehnecht am längste blyht. Wenn Er emol groß sin und wohne villichte wit wit eweg vo behaime; 's isch Nieme's do, von Ech e Baimle zweg macht — do sitzen Er am hailigen Oben allai in Eierer Stube und dänggen an eppis Guets, mainen Er? O nai! Er dängge: Wenn i nur no e Kind wär und d'Dire gieng uff, und däne wär der Wiehnechtsbaum mit de vile, vile Liechtli, und dä festlig Gschmagg vo Tannerns und Waggskerzli, wo me finere Lebzig nimme vergißt!

Gottlob, daß Er ainstwyle no glaini Kinder jin, gälte? Und morn! Morn um die Zit stehend er im Gang; 's druggt si Nis an's Ander und Er heben enander an de Händli: „'S Wiehnachtkindli wird doch nit eppe selber dinne stoh?“ Und jeze, gheren Er's nit? „Glingglang!“ und d'Tire goht uff und drinne — me ka's gar nit sage, was das fir e Pracht und fir e Glanz isch! . . . „Kemme denn emolen ine, Ihr Baschi!“ . . . Es glitzeret in de Glasfugelen und in de Sterne, und dert im Spiegel giht me der Baum erst rächt und giht, wie vil Liechtlis dra jin. Und d'Mueter stoht do mitem Männeli uffem Arm: si kann en schier nit erhebe, so tuet er vor Fraid zable.

Jeze wämm mer aber singe: „Ihr Kinderlein kommet.“ Sisch gar e lieb alt Liedli . . . Nai lose, wie dā Männeli dry girt! . . . Und jeze, 's isch guet; aber Eierl Versli? . . . 'S goht jo ganz ordelig . . . Und jeze dersen Er der Baum recht aluege. Han i's doch dänggt, was der Niggi zerst erliggt! Gäll, d'Rittenewirftli und d'Guzi? Bschau Du lieber die scheene gstipfete Renette do, und die nätte Vorstorfeli mit de rote Baggli! Haiggi, gib Achtig, dert will e Kerzli abefalle; gäll, dāsmol hān mer scheeni, roti, gälli, blai und veieleli! Und was bringst Du, Mariggeli? Di lieb alt Ditti; das isch aber emole gmüzt, und het nuggischi Schieli und Strimpfli a, und, nai aber au, Leggli just wie du! Und was saisch zum Schlitte, Haiggi? Jetzt bruuchst nimmern uffem Schuelsagg 's Nainli ab z'fahre. Gäll, mer wisse's? . . . Do hān mer jo au di alti Trumme! Waisch no dā Spetaggel, wo de druff gstande bist wien uff e Schemel, und plumps, alli beed zieh unden ufe! . . . Was i sag, soht dā Batter nit no a trummele: „Drei lädrigi Strimpf.“

Im Niggi si Wägeli isch persee au do, mit zwai neie Keschli und uffem Disch no Helgebiecher und Fedrelädli und Gschirli zum Kecherle. 'S isch vil z'vil fir Eich, was het au 's Wiehnachtkindli dänggt! Und was der Männeli befo haig? Zaig em emole si Bajas, Batter; so, do am Schmierli muesch zieh;

lueg, wien er mit den Arm und Bai uffen und abe gumpt. Jeze sag i aber au nyt meh; das Siti will en jo abschlägge . . .

Aber jeze gsihn i Ech a, daß Er mied sin; der Riggeli macht jo ganz glaini Nigli. 'S isch au e kai Wunder; denn 's schloht Sibene, und um die Zit sin Er als schon im Guschettli. D'Liechtli sin au bald dunde; aber 's Engeli miend Er mer vorher doch no aluege; 's het's nit emole Kais gachtet und 's het Ech doch die ganzi Zit zuegluegt. Und das han i Ech no welle sagen, Ihr Kinderli, as Er dra dängge: Eier Engeli isch au allemwl bin Ech, wenn Er wach sin oder wenn Er schlooffe; es gsiecht's, wenn Er brav sin; wenn Er aber nit folge, macht's e betrieht Gsicht. I waiß aber, wo's allemwyl volle Fraid gsi isch — bin eme Kindli, wo in der hailige Nacht im Krippli glägen isch, und alli Engeli hän e grofi grofi Fraid gha und sin ganzi Schaare vom Himmel oben abe fo; und was hän si gsunge? wissen Er's, Ihr Kinder? . . .

„Ehre sei Gott in der Höhe, Friede auf Erden und den Menschen ein Wohlgefallen!“

Und jeß sagen orbelig guet Nacht, und — „Bhiet Ech Gott alli mitenander!“

E. Hebel (Basel).

D'Singvögeli am Wiehnechtstag.

Wie chuutet's und lustet's, wie isch es so halt!
 'S letst Räubli vo Stuude und Bäume no fallt;
 Reis Greesli, Reis Würmli isch duffe meh z' gseh,
 Denn d' Ächer und Matte verdedet der Schnee.
 Dört inne im Stübli wie isch es doch guet!
 Dört bhymt si bim Ofe das frostige Bluet;
 Dört isch es so lieblich, dört isch es so warm,
 Dört gspürt me kei Chölkti, dört isch Niemer arm.
 Und Liechtli viel tuusig die glitzre am Baum,
 Und d' Ghinder, die juzge im seligste Traum!
 Es het ne jo Gschenkli das Christkind bescheert,
 Das bringt ne hüt Alles, was 's Herzli begehrt.

Ach! Chömet chly uuse, ihr glückliche Chind,
Und loset, wie wüetet dä fürchterlig Wind.
Mir Tierli, mir arme, vergütterle ganz;
Mir hungre do usse, und dinne isch Glanz;
Jo Schlinge no leit me, für d' Freiheit üüs z' näh,
Jo anstatt üüs numme nes Brösmeli z' gäh —
Und singe doch düe mer ech 's uusenbig Johr,
Erfreue de Mensche ihr Herz und ihr Ohr.
Drum gät is nes Chörnli, dir heit re jo gnue;
Dir Buebe mit Schlinge, o löht is in Rueh!
De sy mer im Frühling recht zytlig au do
Und danke mit Liedre euch lustig und froh!

J. Haffetter (Solothurn).

Der Weihnachtsabend. (Aargau)

Beteli:

Ruedeli, 's blangt mi gar grüßli, so i der Chuchi uf z'warte;
'S Wiehnechtchindli macht doch au gar erschrockeli lang.

Ruedeli:

Das ist ebe jo rächt, 's het schynt's vil Sachen uszstelle,
So vil guldige Chrom, Geißle, Soldate und Ruß.

Beteli:

Jo und es Juntli für mi und schöni, sidigi Bändel;
Bueg au bim Schlüsselloch dert, wien es so hell derdur glänzt!

Ruedeli:

Still! i will düßlig derzue und au e chlei weneli güggle,
Rume e wenig; i gseh 's Wiehnechtchindli villicht.

Beteli:

Ruedeli, nei gang ned! Weischt, d' Mueter het der's verbote?
Ha, do chunnt si jo sälbst; 's gschieht der uf d' Nase gar rächt.

Mutter:

Chinder, zanket jezt ned, und du, du Wunderfig, strych di!
Ha der 's verbote jo hüt — folgest mer jezt e so nüt?

Wüßet er öppe scho nümme, was 's Wiehnechtchindli mer gseit het?
„Numme wer folget, het's g'seit, numme der ist mer lieb;
„Gfätterzüg han i im Säckli und Güezi für artigi Ghinder,
„Aber e Ruete für De, wo finer Mueter nid folgt.“
Und du Ruedi, was meinsch, wenn i ihm jeh alles wott säge?
Wie d' ame 's Beteli schloßt und nit i d' Schul witt goh?
Meinst, es chromti der meh, als e Birfegüezi vom Schwarzwald?

Ruedeli:

Müeterli, säg ihm au nüt, gwüß i bi eisder jeh frei!

Mutter:

Und du, Beteli, dänk, wie d' ame grynist und chibist,
We me der Öppis befihlt, und wie der Ruedi verchlagst.
'S Wiehnechtchindli, ihr Liebe, het gar e schöni Bedütig;
Loset und gänt mer jeh Acht! präget ech's tief i i's Herz!
Wo is der Heiland uf Erde am heilige Wiehnechttag cho ist,
Ist er im Chrippeli gsi, d' Engel händ gsunge und globt;
Alli Welt het si gfrent vo wäge fir Tuged und Frömmi,
Denn vo der Zuggedzit a het er feis Sündeli to.
Druf sind drei Könige cho, wit usem Mohreland use.
Die händ ihn z' Bethlehem gsuecht, sind vor sim Chrippeli kneut
Und händ bättet und gsüßt und händ ihm allerhand mitbrocht:
Gold und Myrrhe, Weihrauch, chöstlichi Sache zum Gschent.
Sitdem stürt me de Ghinder am heilige Wiehnechtstest z' Obe
Zimmer im christliche Ryck, damit es Jedes dra dänk',
Lehr i den Eltere folge und früeh si üebi im Bätte
Und au so fromm und so brav und e so tugendsam wärd.
Ghinder, händ er 's verstande? und wänd er 's jeh nümme vergäße?
Säget, isch 's ech au Ernst? Chömet und gänd mer druf d' Hand!

Kinder:

Müeterli, jo mer versprechet 's, es würd is grüßeli dure,
Wenn d' nit Freud an is hättsch. Mueter, du bisch jo so guet!

Mutter:

Au so wämm mer denn luege, was 's Wienechtchindli ech gchromt het.
(Enfeli öffnet si d'Tür:) Ghinder, jeh chönet er cho!

(Margau.)

Der Neijohrsbaum. (Basel)

Si warte nur, bis 's Gleggli lytet,
 Und Alli stehend scho uff der Wacht;
 Si wisse jo, was das bedydet,
 Und händ dra dänggt di ganzi Nacht.
 Der Schloß isch selten an si ko,
 Si sind z'erwartungsvoll und froh;
 Der Morge mueß ene jo bringe
 E ganze Schatz vo scheene Dinge.
 Eis luegt zuer Türen us verstohle
 Und händ er's gheert, wie 's Gleggli schellt?
 Und jetz — me bruucht si nimme z'hole —
 In d'Stube goht's, wo scheen erhellt
 E Tannebaum si Herrligkait,
 Si Rychtum an de Zwyge trait.
 Mit sine wunderscheene Gobe
 Erglänzt er uffem Tischli obe.
 Das isch e Fraid und en Entzigge!
 Zerst sprachlos stuune si en a
 Und ässen en scho mit de Bligge,
 Eb Nis nur ebbis sage ka.
 Me het fir d'Eltere kai Bligg,
 Gohet zerst z'ringsum, macht vo sim Bligg
 En Iberschlag — und endli quelle
 Us ihre Myler Jubelwelle.
 'S isch aber au me ka's nit sage
 Wie scheen, as wien e Märli traum.
 Die Äst, die wyßi Liechtl trage,
 Und 's Gold und Silber an dem Baum!
 Di ganzi Filli kennt er nit
 Ertrage; in sim Schatte lit
 No Mengs, me het's nit kenne hängge
 Und mueß es doch de Kinder schängge.
 E blangge Sabel in der Mitti,
 E gwirte Tschakko nebe dra,
 Und rechts dervo e fridlig Titti,
 Ringss Helgebuech und Optika;

KriegsKnecht vo Blei; zuem Baue Holz;
En Armbrust mitem Psyl und Bolz —
Kurz, alle Kinst vo Krieg und Fride
Isch do e frei Psyl beschide.

Jez händ er 's kenne bschaue, Kinder,
Und wisse, wemm er's z'dangge händ.
I zwysle nit dra, danggbar sind er
Si gehnd und gend den Eltre d'Händ;
Derno sait Jedes 's Winschli her.
Der arme Mueter wird 's so schwer
Derby — und ihri Träne fließe! —
Wer mag das Gheimniß wohl erschließe?

'S sind hite numme Drei erschine,
Und 's fehlt e Bierts, wo vorem Johr
No gstrahlt het, Fraid in Bligg und Myne,
Und gjublet het im Kinderchor
Drum fließe d'Träne — und wer wiß,
'S nächst Johr vilicht fehlt wider Als —
Die Kinder kenne 's wohl errote
Und grinan au im liebe Tote.

J. Mähly (Basel).

Heimat und Vaterland.

Die Rückkehr zur Mutter. (Luzern).

Wenn't us de Fröndi hei chunnst und d'Heimet wider gheßt,
De chausch i niemerem säge, wi's dir im Herz de wird.

'S isch Obe gsi und d'Sunne hed welle hindere Bärge,
Do ghör i 's Bächli ruusche, und det isch scho de Stäg.

I gohne nid grad drüber, i stohne zerst i Bach,
I wäsche vo de Schuene de Staub vom frönde Land.

Wie simm mer alli gsprunge, mir Buebe de gschlagnig Tag
Dur's Tobel uuf und abe; es hed fe Gattig gha;

Hend gluegt, wie d'Fischli schwimmid. und wie vom große Stei
De Heibochs abegumpet, as wi ne Wätterleich.

Und det uf dāner Tanne underem grüne Tach
Hend d'Eiker Nügli gschnauslet, wi hed das Müli gmacht!

Und mir sind unde gstande hend ggüggelet müßli still:
Me sind do gsi wie Gspānli, di Eikerli und d'Chind.

Und 's Tübli uf de Chile und d'Geis im grüne Gras —
O, dāni schöni Zite, schier chām mi 's Brieggen a.

Wi bin i alle gritte uf ösem tröine Türf
Und stolz dur's Dorf hzoge as wi de Beierfürst.

Doch los, was ghör i hälle, was rönnt um dāni Buech,
Wär bringt mer us de Heimet zerst e liebe Gruetz?

De Türf isch, jo es isch e: „E grüez di, Kamerad!
Hesch gwüß all Obe passet bim alte Wibeckag;

Hesch ussgluegt, öb di Meister ächt chömm vom frönde Land.
Do gfißsch mi jo, do hesch mi; ieg blybed mer binenand.“

I han e tättschlet, gstreichlet, är hed mer 's Töpli ggah,
Hed gwäbelet und gweißet, kes Änd hed's welle näh.

Me sind do witer's ggange, ha d'Wägli wol no gwüßt,
Han iede Chrisbaum könnt und iedes Wibebüsch.

„Det gfihn i di alte Linde, ieh Türk ieh lauf mer gschwind,
Det stod mis Hüttli drunder, det isch mis Mueti drin,

Mis Mueti, 's härzig Mueti, isch ächt gsund und zwäg?
Wenn under dene Johre“, wie chlopfet mer mis Härz!

Do hend bi Linde gruuschet, wi Antwort isch es gi:
Mir hend dis Mueti bhüetet und 's Schwösterli das chli.

Do hed's mer wider gwolet. „Jeh, Türk, ieh häb mer Rueh!“
I tüßele ganz hübschli zur offne Türe zue.

Det isch mis Mueti gäffe und 's Meieli hinderem Tisch,
Si hend zum Ässe bbättet, wi iede fromme Christ.

Mis Schwösterli gfihd mi, stußed: „Mueter, e frönde Ma!“
Und 's Mueti suecht no'm Spiegel, 's hed blödi Auge gha.

I gohne zuen eren äne, i luege si so a.
„E je, das isch de Seppi!“ Si fällt m'r i mi Arm.

I cha kes Wörtli säge, i drück si a mis Härz,
I han ere 's Baggli gstreichlet und au es Schmühli ggäh.

Und ändli seid mis Mueti: „O, läbti der Ätti no
Und gäch er ieh mi Seppi i sim Rubelhor!“

Dä wurd eis luege, mache: „Seppi du tusigs Bueh,
Wi heßt au trüeit und gwachse! Näi, Mueti, lueg au, lue!“

I ha mis Mueti tröstet: „Gwüß ist er ieh bi dis,
Är luegt vom Himmel abe, und hed e sälegi Fröid.“

Me hend do 's Muesli ggäffe am alte eichege Tisch
— Es hed's mis Mueti gchochet — und druf e Schlottermilch.

Das Mählmues i de Heimet äs hed mi besser dbunt
Äs alli Wy die türe im Rhynland und d'Burgund.

Wil han i müesse zelle; wi hed mis Mueti glost,
Und 's Mei uf mine Chnöine, was hend ech die nid gfrogt

Do bene frönde Lande vo mängem Künigrich,
Do Stedte, groß und mächtig, vo Rom und vo Barys.

„De muesch nid meine, Mueti, i heig nid a bi dänkt,
I heig nid gspart und ghuset; mängs Bagli bring der, mängs.

De muesch mer füre Winter das wermist Belzli ha,
Und 's Mei e nöie Schlutti mit sibege Franse dra.“

Gha nümme wilers brichte, es isch mer win e Traum,
'S chli Ämpeli heb gschine grad wi ne Wiehnechtsbaum.

Weiß nur no, i ha immer zum Mueti äne gluegt;
Sis Hor isch fryli wyß gsi, doch d'Bäggeli rot wi Bluet.

Ha hübschli bi mer bbättet: „O Herr im Himmelrigh,
O laß mer au mis Mueti no langi, langi Zit!“

Kämmert vom Möbli (Luzern).

Schwizerlied. X

'S Schwizerländli ist nu chly,
Aber schöner chönn't's nit sy!
Gang i d'Wäldt, so wyt du witt,
Schönri Ländli git es nit.
Berge, wie de Himmel hoch,
Mit de schöne Gletscher noch;
Alpe, Wälder, Triste, Schnee
Chast so prächtig vor der gseh;
See blau und spiegelglatt,

Wie me luegt, me wird nit satt.
Schiffli fahred hin und her,
Wie wenn's all Tag Sunntig wär.
Und au d'Lüt sind frisch und froh,
Freiheit hend s', wie niene so;
Und e lustigs Schwizerbluet
Gfallt mer über Alles guet.

J. Kuoni (St. Gallen).

Das Schwizerbuebe Schwizerfreund.

Geh, wie die Genschi so lustig springe
Und i de Flüehne d'Bärgamsle finge!
Geh, wie das Chälbeli tanzt im Gras!
Sälber no ds Chueli, wär glaubti das!

Frolich, mir chunnt uf der Alp o settigß, —
Keinen im Tälti weiß nadiß wettigß, —
Mir chunnt es gleitig i myner Füß;
D'Milch u der Ziger sy gar so süß!

Sunne steit uuf, u Sunne geit nider;
Bileß verleidet mer, Eis freut mi wider:
Dä wo die Bärge het gstellt, die Bracht,
Dä het o mi für die Bärge gmacht.

Niemer syg gschulte, ke Mensch verschraue!
Jede mag dß Beste sym Ländli traue;
Aber e Schwizer isch o ne Gsell:
Schwizer hei Chraft, hei Ehr u Gsell.

Gschauet, äb öppis si gälte müesse:
D'Sunne chunnt geng si voruus cho grüesse,
We si am Morge i dß Tagwärdch steit,
We si de Lüte Gottwillche seit.

U si möcht z'Abe nit hei ga nücke,
Luegti si nit dur die letsti Lücke,
Bhüeteti nit, wien es früntlichß Ghind,
Rüest em sy Mueter i dß Bettli gschwind.

Luft hei mer gsundi, fräsch, ußerläse;
Hei gar es herrliguets Wassermäse:
Wyt derburuse trinkt Alls dervo;
D'Wält würd verschmachte, wenn's nit tät cho.

Chrütli de wachsen is wunderchrestig;
Würzen, es blanget drum Mänge heftig;
Dokter u Schärer, uf süßig Stund,
Mache die Chränkste mit stark u gsund.

Aber es Böckli de z'Vollem hei mer!
Numen es Stüeckelti rüehme wei mer:
Stellet's i Chrieg, und es steit wie Flüeh;
Treuer als Gold isch's i Not und Mueh!

Wylt's uf de Bärge deheim im Fride,
Läbt es, vo Chyb u vo Chummer gschide,
Fröhlich mit Wenig bim Hirtespil.
Heige die Andere Schöns u Bil!

Sött den es Buebi, wie üsereine,
Mit es chlys Biheli doch si meine,
Daz me 's e Schwizer cha grüesse, heh?
Mag me grad öppis Gfreuters gseh?

Wäger, der Himmel git's so nit Alle!
Mir isch mys Gschickli gar fryns doch gfallt:
Bin ig der Gringsti vo Schwizere scho,
Lieber's chönnt nüt i der Wält mer cho!

J. N. Wyß (Bern).

Dr Schwizerseppli.

Dr Seppli isch uff Ehr e Ma,
So wie me keine finge cha.
Vom Morge früeh bis z'Oben spot
Er fälte vo dr Arbet goht.

Im Huusgschäft guet, im Stall,
im Fäld

Isch üse Seppli ordli bstellt.
Es Bürschtli isch er no drue,
Wo Gäld im Sack het ordli gnue;
Dr schöni Buchs, dr gradi Gang,
Die reini Stimm wie Glogge-
chlang

Zieh fasch gar alli Härzen a,
Er isch doch gwüß e nätte Ma.
E nätte Ma, i sag ech's frank,
Er chönnt kei Schlich und chönnt
kei Ranf,

Au het er's Härz am rächten Ort

Het Bidersinn, es heiligs Wort,
Es chriftligs Gfühl, e reini Hand
Zum Nächsten und zum Batter-
land.

Au uff syr Freiheit het er vil.
Es isch doch gwüß keis Narrespil,
Wenn fröndi Lüt ne tschumple wei
Und quäle tüe i Huus und Hei —
Wenn de dr Seppli böß und wild
Zum Stuger gryst und zieht, wenn
's gilt.

Und wär sy Schwiz au no so chyn,
Möcht halt dr Seppli lieber sy;
Er chönnt kei Fürst, kei Gessler-
huet,

Isch Herr und Meister uff sym
Guet,

Das, wo dr Ätti ihm vermachet

Dür mängi heiße Schwizer-
Schlacht.

Scho früeh bim erste Sunnestrahl
Singt er es fröhligs Lied i's Tal
Und johlet dry: „Dir guete Lüt,
Wo dem was duff' isch, wott i nüt!
D'Natur het üssi Gränze gleit;
I frog au nit, was däne geit.“

„Dr Himmel git sy Säge dry,
Aß ig e freie Schwizer bi.
I han e gsunge, frohe Muet,
Für's Vaterland es heißes Bluet;
Wenn Eine mi im Fride stört,
So isch dr Seppli do, hesch fört!“

L. J. Schild (Solothurn).

Schwizerlied.

Juhee! i bin e Schwizer!
Was wett i doch no meh!
I singe, daß i Bärge u Wald,
I jedem Schwizerhärz es schallt:
Juhee! juhee! juhee!

D Schwizerland, mi Heimet,
Was cha me Schöners gseh?
D'Schneebärge hell im Sunne-
glanz,
Wo isch e so ne prächtige Schranz?
Juhee! juhee! juhee!

U d'Chüe mit ihre Glogge
Im feiße, grüne Chlee,
U d'Schaaf u d'Geißer a der Flueh,
Der Chüejer juchzet froh derzue:
Juhee! juhee! juhee!

Chäs, Ryble, Milch und Anke
Hei ufem Bärge mer beh;
Mer trinken Alpluft, gesund u fräsch,

Daß mänge Chünig glustig isch —
Juhee! juhee! juhee!

Mer läbe frei u lustig,
Wi ds Gernsch uf der Höh,
U wär üs Schwizer pläge will,
Dä danki no a ds Tälle Pfy! —
Juhee! juhee! juhee!

Die alte Schwizermanne,
Wer chunnt ne glych? La gseh!
Hei gschlage d' Fünd, wie ds
Wätter chragt,
U hein is frei u glücklich gmacht —
Juhee! juhee! juhee!

Drum wei mer Schwizer blybe!
Was wette mer no meh?
E rächte Schwizer, chäch u treu,
Singt fröhlich alli Morge neu:
Juhee! juhee! juhee!

Fr. Haller (Bern).

Märchen, Erzählungen, Sprichwörter.

Ba me Bögeli, das d'Wared seid.

Am e Morged früeh ist d'Müli im große Tobel uf eimal gstande. Der Müller — schi hei me der räich Jos gseid — steid uf ga luege, wa's hebi. Wie er in d'Müli abchunnd, so gsiehd er ufem Wasserrad en große Chiste ligge. Er ragled ouf und glangt d'Chiste abber. Wie er lueged, se liggend da drei prächtiigi Chind, zwei Buebe und es Weidi. Jos heb's fast die Gsicht gnun, denn d's Haar ist von Gold gsin und d'Stirne heb recht glenzt von drei guldene Sterneli. „Mreie, stand weidli, weidli ouf und chun abber, aber bett zerst es „Vatter unser“! rüeft der Mann. Wie ds Weib abber chunnd und gsiehd, was der Mann funde heb, schlad sch' d'Händ überem Chopf zsemme und gsegned schi. Weil sch' Sach gnueg und keini eigeni Chind heind, werend sche schi eis, die chline Würemli z'bhalte für ihrni eigene und an e z'tuen, wa sch' nu chönnend.

Van due an ist in der Müli es ganz anders Lebe gsin. Die Chind heind gedrüet, das me's gred gsehn heb und Josch Sach ist aufgange wie Schoum. Wie die Buebe Zwänzgi gfi sind, heb Mühli-Jos gsinnd, er müeh ne jez doch d' Wared sege, und seid ne, da sch' nid scheini di rechte Chind seiend, das er schi nu so und so funde hei. Wie die junge Lüt das ghörd heind, se hein sch' natöürli wisse welle, wer denn eigentli ine rechten Atti und ine rechte Mamme sei. Ali Drei heind nid ghört müede und heind dem gueten alte Mann kei Rueb glan, bis er ne denn seid: „Suehed en alti Burg. Dört ist es Bögeli, das d'Wared

seid, dört werdet er's inne, wanne her as er seid!" Am Morged drouf hed schi der jünger Brueder uf de Choli gsetzt und ist fortgritte ge sueche. Wuche- und Manet- weisch hed me in der stille Müli vergebes uf de Brueder gwarted; er hed nid zuck cho welle und das hed den arme Löute fast ds Herz abgstöße. Endli segen sch' denn zsemme, der ander Sohn soll ge luege, ob er de Brueder nid eswa erfrage chönnti. Di Alte heind e gsegned und er hed schi in Gotts Namme uf de Broun gsetzt und ist au fortgritte. Herbst, Winter und Früehlig hed me albig uf die Bede gwarted, aber feintwedere ist hei chon. Da heind dick alli Drei zsemme grägget, des me d' Hend drin hetti wäsche chönne und gwüß d'Steine schi hettend erbarme müesse. Anume Morged chunnd denn die Töchter und seid: „Ach lieben Atti, — so heind sch' alli Drei dem Müller gseid — der Gotts Wille ged mer doch de Schümmel, das i chan gan die Brüeder sueche, i han weder Tag noch Nacht kei Rueb meh.“ Joos und Mreie heind die Töchter so gere ghan, wie ihrne Augesterne, es ist ne grad e Stich dör ds Herz ggange, alls Bitte und Bätte hed nöüd gnützt, ame Morged ist d'Schwesler fort ggin. Si ist dör große Felder und Wise gritte und chunnt denn in en große, douchle Wald. Da chunnd ere denn uf einmal es alts Weib entgeged und seid zur hübsche Jumpsere, schi müß guet gnueg, wer sch' suechi; ir Brüeder seiend au de gleiche Weg ggange, um das Bögeli z'sueche, wa d'Wared sägi. Ase toufig und toufig stolzi Ritter und Burgfräuli seiend de gleiche Weg ggange, um das Bögeli z'sueche, wa ouf eme prächtige Schloß nebed eme chline Seeli housi. Schi hei d'Löut jedesmal gwarnet; aber me hei uf es alts Weib nid glosset und drum, weil schi schi nid la warne heiend, so seien sch' nume zuckchon. „Wen Er wels die arme verherete Löut errette und Güz Werch vollbringe, so ganged äne Weg, lueged nie zuck, sus werder Er zume Stein; lad's hinter I nu rüefe wie's wil.“ — Die Töchter seid: „Vergelt's Gott z' hundert toufig Male“ und reit weiter. Bald drouf chunnd sch' an en stoßege Berg. Schi muas absitze und ds Roß dahinne lan.

E schmale Fuesweg geid zum Schloß. Hindere sad's an
 muele und rousche; bald rüesd's ir Mamme, ganz fein und
 zart, bald aber rauh und grob; aber Als nüzd nöüd, schi geid
 se vil asch' mag bergouf, ohni schi umzhere. Wiesch' oufchunnd,
 se steid da en grousig große Mann mid ere ganze Tanne in
 der Hand und wil ere de Weg verspere; aber schei schlöüft
 gschwünd gschwünd män under den Arme dur und in ds
 Schloß. Da hed's Gmeyer und Gmehli ghan, das me gar
 nid gnueg luege hed chönne. Bald drouf isch' in en große
 Saal chon, wa voll goldeni und silberni Vogelchäfi ghanget
 sind, die Vögeli heind prächtig und so liebli gfunge und es
 jedes hed i scheir Weisch gseid: „I säge d'Waret, i sege
 sche, los, los!“ So hed's hine und vorne, obne und unne
 grüest; aber di Töchter chehrd schi nid um. Bald chunnd sch'
 zum e eifache hülzene Chäfi, da leid es chleis, chleis usheimers
 Vögeli; gib kein Ton vom schi und lueged die frönd Jumpsere
 nun e so an mid scheine gscheide Augli. Das Vögeli hed sch'
 gfreged, und es seid: „Ja i bin de Vogel, chumm mimer in de
 Garte.“ Im Garte, noch bim Springbrunne mues die Töchter
 en Ruete vom Bode ouflese und mit ere die große Stein
 arüere, die überall ummergelege sind. Da sind prächtig hübsch
 Here und Fraue aufgestande und ouch die bede liebe Brüeder
 und die heind d'Schwester umhalsset. Vam e Vomm abber
 hed ds Vögeli de Gschwüster gfunge und gseid, das sch' d'Chind
 vam e Chünig seiend, en bösche schlechten Chi vane schi us
 em Weg tuen hei welle, wa irne Atti im Chrieg gfi sei.
 Der schlecht Kerli wär halt gere selber Chünig gfin. Wie irne
 Atti zrud chon sei, hei dr Chi gseid, irni Mamme hei drei
 Chaze übercho; und jez liggi sch' imme leide Loch und müeß
 dort elende. — Über das sind die bede Brüeder grousig bösch
 chon und heind leid gschwert, dem Chi der Meister z'zeichne.
 En große Zug Jumpsere und Here sind drouf in d'Stadt zum
 Chünig gange und d'Chind heind irne Atti und Mamme
 funde. Da is doch hübsch gfin. Er chönnd i deiche, wie das
 de Chünig gfrend hed; aber dem schlechten Chi, der grad ouf-

gseh heb, wie e Schlange, is nümme recht wohl gsin. Zerst heb me drouf d'Mamme usen Loch erlöst und bernaß die guete Pöüt us der Müli gferget. Die heind e Freud ghan! Us der gscheide Schwester heb's berna en Chünigin gän und die bede Brüeder sind zwei gwaltegi Helde worde. — Der schlecht Shi heb überchon, was er verdienet heb: am andere Tag heind sch'e gricht.

Van de drei Brüeder.

Es ist emal en Chünig gsin, der heb es Land ghan, das bis and's Meer ggangen ist. Wie er asen alt und schwach gsin ist und lei Freud meh am Chünigsein ghan het, het er zu scheine drei Sühn gseid: „Wer mer in drei Tage de hübschst und best Wage mached, der soll Chünig sein.“ Der jüngst ist en biz en tumme gsin und die bed gscheide heind en nid mid ne glan. So ist er in Gotts Rammen allein in de Wald gange, und wie er nümme weiter heb möge, ist er an en Pöusche gsauhe und heb usere Bulsge Chäs und Brod fürher gnun; und wie er issen, chunnd en alte, grawe Mann zue ma und bettleb as Stückli Brod. Där guet Lappi, für das hend sche beheimes albig ghan, gib dem Mann grad Als zemme. Wie der Alt gnueg ghan heb, seid er: I weiß schon, was Dir fehlt; i wil der helse, schlaf da, bis i di wecke.

Der Burscht heb das lang getan und wie er erwached, steid der hübschst Wage da. Mit dem Wage ist er zum Chünig chon. Die Andere bed sind au da gsin, heind aber nid emal es Rad, gschweige den Wagen fertig ghan. Der Chünig heb jetz dem Dümme d'Sach gä welle, aber die Andere bed hend nid lugg glan, bis der Chünig noch an Prob la mache heb. Das Mal heb en Jedere en Raiste Hampf überchon und wer drouß das seinist Fade machi, der hetti solle Chünig sein. Uf das ist der Jüngst widerum in de Wald gange und sezt schi an en großi Gumppe Wasser und sad a rägge. Wie

er e so da ist, chunnd es Fröschli und fraged, was er hei. Dem erzeld der guet Burscht Alis und ds Fröschli seib: „Wart nun, i wil der schon helfa; würf nun de Strange in ds Wasser.“ Der Suhñ tued das und drouf zied's me grad d'Auge zue. Na Lengem armached er und da laid den en güldene Strange. Er nümmt e und chunnd hein. Di Andere heind zwar au hübsche Fäde, aber es ist nöüd gsi geged schein Fäde. Der Chünig wil dem Jüngste gän, was me au ghörd hetti; aber die Andere verwerrend's widerum. Jetz verschwärt schi der Chünig höch und tdur, er les 's zum letzte Mal drouf an chonn; welle as me die hübschst Schnure ferggi, der soll Chünig sein. Där Jüngst rägget dasmal nid. Fröhli geid er zu schein Fröschli und seib me's. „Gimm mer weidli en Chus, i wil der schon für eini Sorge.“ Dem grouset's nid, ds Fröschli z'chüsse, und edes er z'luege, steid es Waibsbild für me, wie die ganz Wels no keis gsehn heb. Er nümmt sche an den Arem und chunnd mid ere hein. Da is den bald ousgmached gsin, wer di Hübschti hei. Die bede Here heind mid ere lange Nasa müassa abzoddle und der Lappi ist Chünig gsin und heb mid schein Fröschli glebt wie d'Vögel im Hampffame.

Van drei guldene Öpfel.

Es ist ase lang, das emol en Chünig en grousig schweri Chranked ghan heb. Me heb nöüd anderist grechnet, as er müeß sterbe. Emal es Tagsch chunnd denn es arems Böürli, das seib: „I chönnt Eni schon helfe, wenn Er drei guldeni Öpfel usern vermünschte Garte z'überchon wüßted.“ Das seib der Chünig scheine Sühñ. Der Alst nimmd's Roß und reit ewegg. Im Wald chunnd er zumm en alte, grame Mann. Im Gsicht heb er en großi Flere Hout abghan. Er seib: „Get mer doch der toufig Gottswille es Almoje!“ Aber der Prinz gib me eis uf ds Moul, wie er men albig in den Ohre gsin ist, und reit weiter. Zleist im Wald chunnd er zumme Würtschhaus

und chehrd da zue. Wie er Etes ggeffe ghan heb und weiter will, weis e d'Würti z'brede, das er bliben ist, bis er Als d'ürhigricht ghan heb, und drüber ab heind sch'e ingsperrt. Wie der Alt nieme chunnd, geid der Zweit und dem geid's prezeis und uf de Tupf eso. Im Jahr drouf geid der Jüngst gan die Brüeder und d'Opfel sueche. Er chunnd au zun dem Mann, heb's aber nid gmached wie die Andere. Edes der Alt fast nun angfange heb, gid me er grad e Schübel Geld. Der Ma seid: „Zer seid en guete, liebe Mann und Zer müessd berfür au d'Opfel han. I wil I grad d'Chündi gän vam Weg. Ganged am Würtschhous, wo am Weg ist, vorbei und led i ja nid edde inzögga in ds Hous und led i doch nid Spect d'ür ds Moul ziehn. Derna ganged in der Nichtig gegeb Sunenoufgang und vor drei Tage chommed er zum varwünschte Garte. Zerst chommed er zum e Land, was louter Löwe, den in eis, was nun Bäre het und gletst chunnd noch das Affeland, Er heid gwüß au ase dere leide keriose Tieri gsehn. Seid fein mit dene Tier; schi tuend I gwüß nönd, wen Er schi nid uzet; denn es sind nid rechte Tier, es sind verheret Lout, die wartend, bis Esmer chunnd gan schi ledig lan.“ — Der Suhñ heb gedanket und reit weiter. Bim Würtschhous heb's angfange singe und visperle, das me grad fast heb müassa zuachehre; aber der Reiter tued's nid. Edes am dritten Abed zuognachted het, ist der Prinz chon, wo d' Löwe gfi sind. Da heb me ne zum Chünig gfuehrt und dem erzeld er Als haarchlein. Der Chünig seid: „Z' Mittetage prezeis um Zwölfi darfst in de Garte und wen vier Viertelstund vorbei sind, muast widerum oußer chon; denn wie's Eis schlad, würd ds Tor zuegschlage, daß grad bröhnt, und de chönntist berna nümme zrud. Deich denn aber au an de Löwechünig und fergg mei au drei guldi Opfel.“ Ds Gleiche hei me di Bäre und d'Affen au gseid. Grad wie's Zwölfi schlad, ist der Jüngling fürem eiserne Tor, da schi grad goffned het. Zwölfschad de Löwe chunnd er zu re so prächtige Zumpfere, die ist eso es wunderberlis Frauezimmer gfin, das me fast die Gsicht vergangen ist. Zun Dere heb er schi gseht und erzeld ihre Als bis uf de Tupf. Schei

fassed e mit de schneechreideweißen Arme um de Hals und seib: „Weg doch, der toufig Gottswille, das d' d'Opfel übarchuscht, los aber nid uf das Singe, suß simm mer für jetzt und albig verlore. I aber mues da warte, denn i chan nid fort.“ Der Prinz geid und verschopped schi d'Ohre. Bald druf findt er d'Opfel nnd nimmt zwölf: Drei für dr Ätti, drei für da Leu drei für da Bäre und drei für den Aff. Den nymb er d'Zumpfere mid me und schi gand zum Tor ous und blos sind schi dukne gsin, se schmättered's das Tor zue, das der ganz Wald grad recht gezitteret heb. Wie er versproche ghan heb, gib er di nöun Opfel zruß und gaid heimat zue. Kum sind sch' as Stättli ggange gsin, rousched's und rassled's ne nah und gstobe heb's, das me nöüdme gsehn heb. Das sind Ritter gsin, die der Prinz mit den Opfel erlöst heb. Ei glegenisch der bhüetisch ist das e Sach und en Hantierig gsin! Wie di Gsellchaft zun dem Würtschhous chunnd, heind sch' grad welle die zwei ältere Brüeder hirichte. Die sind e so bodesfroß gsin, dasch' der Brueeder erlöst heb, und darnah ist me zum Chünig gezogen und der ist van dene drei Opfel gsund chon.

Bohne, Bohne i zerhaue ti.

Drei arem Brüeder heind mid nöüd in d'Fröndi müesse. Wie sch' in en Wald chommend, sind sch' vanandere ggange. Edesch' Bhüeti-Gott van anandera gnun heind, heind sch' drei Ehröuz in en Eiche gmached und gseid, imme Jahr wellen sch' widerum do glemme chon. — Der jüngst Brueeder chunnd teuf in de Wald zu re Hütte varre alte Frau. Da fraged er, ob sch' nöüd zwerche heddi für e. Schei seib: „Ja, Er chönnd mer zwei gram Chaze und zwei weiß Ente fuetere.“ Wie ds Jar um gsin ist, deicht er an d'Eiche und die drei Ehröuz und heusched van der Alte der Lohn. Die gib men en Bohne und mid dere heb er gah chönne. De Burscht heb's freilli lütchel gebedcht, aber er ist zfride gsin. Ufem Weg heb's

e gchützleb, die Bohne z'zerhaue. „Bohne, Bohne, seid er, i zerhaue ti.“ — „Ach nei“, „rawed die Bohne, „tuen's doch nid, i wil der gwüß tuen, was d' nun gere witt.“ — Über das ab seid der Bueb: „I wil es Tischlache“ — und richtig, im Augenblick seid en Tisch mid eme prechtige Tischlache drouf gspreit und drouf ist allederhand Ehost gfin, was me schi nun Guets hed beiche chönne: Tschungge, Digeß, Fleisch, Roum, Reis, Chestene und Weie. Der Burscht hed en ungschlächti Freud ghan und ist zue de Brüeder chon. Die heind hübsch Löhn verdiened ghan und frägend jetz de Brueeder, was er verdiened hei; und wie er di Bohne zeiched, se fend sch' a lache wie d'Marre. Er seid aber: „Tischli, deck di!“ — und der Tisch ist fast zemme gheid under der Last. Das hed ne nid schlecht gfallt, da eso dischiniere z'chönne; segend denn aber: „Das ist gwüß Alles guet und recht und chamm me nönd darzue säge; aber nu vam Esse chamm me in Gotts-Mamme nid lebe.“ Der Burscht seid drüber ab: „Bohne, Bohne, i zerhaue ti.“ Die Bohne seid: „Ach nei, Liebe, i wil der gwüß grad tuen, was d'witt, wenn d'mer nöud tuest.“ Der Burscht wünscht en Geis, das ds Gold gagli. Im Augenblick ist di Geis da gfin. Das heind me di Andere grousig vergunnet und hei au welle pröble, aber es hed sch' nöud gnügt. Drouf heind sch' mit dem Jüngste Fride gschloße, nemend ds Tischlache und die Geis mid ne hein zun Atti und Mamme und sind ihrne Lebzig reich Löt gfin.

D'Adlerbront.

Zwei armi Lötli heind vil Jahr und Tag bei Chind ghan. D' Lötli heind dick zemme gseid: „Es ist doch guet, das die ghein Chind heind, schi ghemen's sous gwüß nid; der lieb Gott weis denn doch Allem etta z'rate und z'helfe.“ Der lieb Gott mached's aber dick anderist, as d'Lötli meinend; und so is au da gfin. Uf eimal hed's es Tagsch gheisse, das arem Weibi hei en tolle, wackere rechte Bueb — ja gwüß en rechte Bueb.

Der arem Straumittlig heb au nid gwüßt, wa um di Gvatterlüt, und wie er schi denn eso bsinnnd, seib denn d' Hebamm (das ist eini gsi, die meh as bis uf Höufi zelle heb chönne): Eimal desself weiß i. Holsche müeßd er emal gheini; den edde eswer werdeb er wol überchon. Ganged jetz grad ab an de Weg und warted bis eswer chunnd und den erste beste Reuter gwinneb zum Gvattermann. Das heb der Mann eso gmached. Er ist gange und bald drouf chunnd Eine uf eme Roß. Der Mann heb zuegseid, helft der Bueb taufe und gid me en große mechtege Pletsch Gold in d'Fesche und denn natdörli au noch ds Taufgeld, me häd se gwüß as i mer's Lebe hen, grad en hübschen Acher drouß chaufe chönne. Und deiched au: der Götli ist en Chünig vamm me — äch, wie seib me jetz au nun — (Dou, Hans, wie seib me au ame Land, wa zringum Wasser heb, dou weiß?) — Insle ja, ja Chünig va re Insle ist er gsin. Der Chünig seib denn zu de Lüte — das sol esfiles wahr sein — schi solend der Bueb aufziehn, bis er Achtzehni sei, und denn solem sch' me ne schicke und er well me denn schei Töchter gän.

D'Eltere heind getan, wie me ne besole ghan heb. Wie der Bueb Achtzehni gsin ist, heb e dr Atti zum Götli gschickt. Bi me Bränneli setzt er schi, nümmt Chäs und Brod und der Hegel fürher und sab an esse und Wasser treiche. Wie er eso da ist, schlöuft zwüsched de Tosse en groufig leide Zwergg fürher, grinzed e an und seib mid ere groufige Tschere: „Wenn d' nid tuest, was i will, und die Chünigstöchter nid mier lascht, se friße 's grad mitsamt Hout und Haar.“ Ar chönd i deiche, wie dem junge Burscht gsin ist. Nümnen arweigge heb er schi dörfe und er heb müeße bi dem leide Mendli Chnecht sein. Na Lengem sind sch' den uf die Insle chon und der Chünig ist grad arschroffe, er heb's fast nid heirichte chönne, das schein Götli e sotte ungsürmete Chopf ha soll; und bsundersch wenn der Chopf bim Gahn den eso dör und her grobled heb, heb me fast nid luege dörfe, es sotts Gsehn is gsin.

Au der Tochter heb der leid hülpig Chrüppel nid gfallē;
 allimal heb's ere groufēd, wenn sch' nun dran gedeicht heb,
 daß das ir Mann geh soll. Dersür heb ere denn der jung,
 hübsch Mann besser gfallē; wen er edde mal en biß mid ere
 gholded heb, se ist der leid Särblig grad fast vergizled.
 Er geid und tued en groufage Fluech und varwünscht die
 Töchter weit weit fort in es Land, wo albig en Döuchli
 ist wie ire Chue. Zum Chünig seid er, schein Chnecht sei
 en Heremeister und hei gmached, daß die Töchter ewegg
 chon sei. Uf das hin hein sch' dār Chnecht ingspert. Wie
 sch' e in d'Schellewerch gsühert heind, heb e der Zwergg nun
 ousgfislēd und den heb er eso im Sand ummar gatared wie
 die chleine Gose. Dem schlechte Kerli het der Chünig Als
 glaubt und befilt der hübsch Burscht z'töte. In der Nacht
 chunnd en alte Mann zum Götli vam Chünig und seid me:
 More edes der Heicher um di chunnd, se darfst noch ettes
 heusche. Denn heusch Dou brei Schiff voll Fleisch und säg,
 mit dem wellist Dou Di Töchter sueche. Uf das seid der
 Burscht: Se gwüß as en Gott im Himmel ist, und es ist eine
 im Himmel, wil i nid ruebe, bis i die Töchter han, und wen i's
 nid tuen, se wil i nid selig sterbe und das wil i. Dem Sohn
 heb me gehn, was er gwünscht heb, und er ist fortgfare.
 Zerst chunnd er zu de Bäre. Der Bärechünig seid: „Wer
 chönnend der währli kein Duschunft gehn, aber wenn wer der
 ettes sottend helfe chönnē, se muest nun pfeife; wer wöllend
 gwüß chon.“ De Bäre lad er es Schiff voll Fleisch zruet und
 fahrd zun de Leuwe. Die überchömmend ds zweit Schiff, segnend
 au, schi wellend gere chon, sehalb er sch' brouchi. Zletst
 chunnd er zun de Lenimergeire, wüß der dere große mächtege
 Vögel, wa sind wie groß Tschüds und weiß Chöpf und dere
 große mächtege Feggd heind. Weil er da eso mid dem Chü-
 nig redt und wundered, wa die Insle fin chond, chommen
 au die Andere zue ne und luegend da das Fleisch an, under
 anderne chunnd an alte Geier und seid: „I weiß, wa die
 Insle ist, ase junge bin i emal durt gsin.“ Der Adlerchünig

hed an dem Fleisch grad en nârschi Freud ghan und seid: Treich us der Gumpo Wasser und denn chast di zu me Vogel mache. Der alt Adler und der Burscht sind denn midenandere fortgshiffet und chommend uf die Insle, wa nie lei Sunna gschina hed. Zerst chommen sch' zum a alte Weib, um die sind albig sibe weiß Mäusch ummergaziberled. Das alt Weib gid ne den Duschunft über Alls, wa sch' wüsse heind welle: „Mei Mäusch chönnend i der Weg zeiche, zun der Burg, wa die Fürsti gebannt ist.“ Der alt Adler hed's aber nid mögen oushalte, e sotti groussagi Döüchli ist gsin, und flöügd hein. Jez ist der jung Mann elein gsin und d'Mäusch heind e zum e große mächtege Felse gfüehrd, der ist noch vil hundert mal höher gsin as der Rappestein im Frauetoel. Uf dem Felse ist en Burg gstande, grad eso eini, wie ds Schloß z'Gäfreißa, wa's au albig heist es geistli. Die Burg hed nun es einzigß Pfenster ghan und an dem Pfenster ist die Fürsti gseße. Der Burscht mached schi zumm en Adler und flöügt ouf an's Pfenster; dört gid er schi z'archenne und seid ere, was er well. Schei seid: „Danf hajist Dou, aber zerst mueßt noch der Drache töte, wa albig uf mi lueged und imm e teufe Loch nisted.“ Der Burscht hed schi nid lang gsoumt und ist mid amme große mächtege Schwert gan ds Unghöür sueche. Bim erste Streich sprüht 's rezegrad ab; da chunnd dem Burscht denn z'Sinnd, er mües nun pfeife; und bim erste Pfiff chommend die Bäre und d'Leuwe und die Geire und hend de Drach grad zerrupft. Ar hed schi zwar noch töufeli gwerd, aber es hed e nöüd gnüzt, er hed halt nid heer gahn möge. Druf nümmd der Burscht d'Liebsti und geid mid ere uf das Schiff. Ja das han i noch vergesse z'sege, ma hed noch Greze und Holz zemme getrage und de Drache verbrennt. Wie sch' usem Schiff gsi sind, sind da uf eimal reich hübsch, prächtig Here gsin; das sind Alls dere varwünschte Adler und Leuwe oder Bäre gsin. Uf der Insle hed d'Sunne gschune und ds Schloß hed's ghudered und ghacked. D'Vöüt sind aber alli zum Chünig hein, ach her jegerli au! hed der nit e Freud

ghan! De Ehrüppel aber heb der Lohn überchon, me heb e grederet. So, jetz weiß i nöud meh, se ganged hein und schlafed wohl.

Der Bäresuhn.

Im e Heuet ist en Baur mitem Weib gange gan ylegge. Weil sch'kein Geumeri ghan heind, nünd sch ds Poppi iri lange Zaine mid ere und stellt die Zaine herb an en Wald under en Bomm in de Schatte und gaid an's Wärb. Wia sch' gegäd Abed cho wil, gan der Bueb oufnehn, ist die Zaine leer. D'Muater tued erschrockeli und seib's dem Mann. Er zupft d' Arle und seib: „Den heb uf all Fäll der Bär gnun, den überchomm mer nümme.“ Bedi hend im Wald gsuecht, bis' gnachtet heb, aber vergebess, und Bedi sind trourig hein gange. Der Bour heb's errate ghan, ds Bäre Güsche heb de Bueb gnun und aufgezoge. Föüf Jahr berna heb ds Güsche der Bueb zu re große mächtege Tanne gsuehrt und heißd nā di Tanne oußerrupfe. Er heb aber nid möge; duo mues er widerum der Güsche nahlaufe, bis er Zehni gsi ist, und dum probiert er widerum, aber erst wie er Zwenzgi gsin ist, heb er die größt Tanne mit de Wurze oußgrupft wie en Strauhalm. Due heb die Güsche gebrülled, das me sche zweistf umer ghörd heb, ja getan heb sch'! Jez heb der Burscht heichönne. D'Muater heb e nid erchennd; er fraged sche: „Heid er nöud z'esse? I han doch en groufige Hunger.“ Der Suhñ heb drouf die Brobhangen voll Brod uf ei Ohlapp gesse, und es ganz Fas Wein oußgetroucha ohni Abseke. Das heb der Alte nid gfallē und schi gid me z'verstahn, er söll schi eweg schere. Ihm ist ds Zornäderli gschwolle und er geid ouf uf de Grad und fergged en ganzi Burdi Gams abber und seib: Da, mached i bsalt; gid schi aber nid z' erchenne und geid in d'Fröndi als Chnecht. Zum Lohn heb er nöud anderist welle, as das er zletst dörf de Herre betätsche. Wie Dār gsiehd, das der Chnecht mit eme einzige Föustlig de größt Dr z'Boda schlaf,

das er überdaz drolet, heb er de Schlötterlig überchon und heb gmeint, er well e schon mid allerhand Werchi hodege. Due schickd er e, beicheb au! in d'Hell ab um Mehl. Der Ehnecht heb nun e so furios glached, erschlad zwei Ore, heb sch' gschunte, buezed d' Höut zsemme und schlouft in d'Hell. Dört heind die chleine Teufeli für der Tür glached über den Narr und legend: Wir heind keis Mehl für di. Der Ehnecht heb ne aber für de Narr gän und schlad sch' zsemme wie ds süeß Chroust, bisch' me ds Mehl gän heind. Er chunnd hein und meind, der Herr sol en komoderi Müli sueche. Dem Baur is e länger i unheimlicher chon und er schickd e zum zweite Mal in d'Hell, gan die Reise eiziehn. Der Ehnecht geid und chunnd grad hein, wie ds Jar um gfi ist. Er gib dem Here en Sparz, daß er siße Stund weit eweg gflogen ist. Jez wüßt er die Gschicht vom Bäreßuhn.

Vam me Vögeli, wo guldeni Eier leid.

En arme Besmemacher heb au gwüß nid gwüßt, was beize und breche. Es Tagch ist ds Weib mid de Buebe in de Wald gange gan holze. Da chommend sch' denn in de Grouber zum e Vogelnest; ds Alte sitz uf guldene Eier und lad schi gere fahn. Schi rammisierend Aus zemme, laufend hein und zeichend's dem Ätti. Der verchauft ds Vögeli ame Goldschmid, daß der ihm und si ganzi Familie druus erhalte müezi. Der Goldschmid ghörd denn ame Tag ds Vögeli sege: Wer meis Hirn issäd, gib e Chünig, und wer meis Herzli nümmt, überchunnd all Tag hundert gedoppled Schiltituble. Der Schmid ist au gar en Intressierte gsin, heb nid gnueg amme guldene Ei all Tag ghan und geid gan ds Vögeli mehge. Wie er ds Vögeli gebrate ghan heb, mues er von der Platte en Augeblick ewegg und underdem chommend die bede Buebe vom Besmemacher und essend ds Vögeli. Der eint nümmd ds Herz und der Jünger isseß ds Hirni. Der Goldschmid heb grad gschoumet va Wuet und jagd d'Höut eweg.

Die bede Brüeder sind en jedere uf e Seite gange ga verbiene. Der Jünger ist uf e Stadt chon, wa sch' hei Chünig ghan heind. Da het's gheisse, wer zerst uf de heilig Büel vor der Stadt chöm mit eme Roß, der chön Chünig sein. Unsche Jüngling heb au dörfä reite und ist der Erste dobne gsin. Schi heind e zum Chünig gmached; und er heb schein Vöut lan zue me chon. Der Ander heb en große Geldseckel mit hundert Duble drin funde, heb es hübs, reichs Weib ghöuratet und Ali hend's irne Lebzig guet ghan bis an's leift End.

Di Gschicht vum Leutefresser.

Sibe Buebi sind emal in e Wald gange und heind nümme hei chönne. Die arme Buebe heind au nid grüßt wa ous und wa an. Da gsehn sch' denn weit weit ewegg es Liechti. Uf das sind sch' zuegange. Uf einmal chommen sch' denn zumm e große hübsche Hous. In der Stube heb es Weib gspunne. Die ist recht guet mid ne gsin und gid ne z'esse Guets und gnueg. Drouf versteckt sch' esch hinter den Ofen. I re Stund drouf chunnd en große, mächtige Mann (es ist grad d'Stube voll gsin) inner, der heb grousig gschnaufed, tapped in der Stube ummer und seib: Da sind Leut ummer, wa sind sch' Ali? Ds Weib tueb, as ob sch' van Keim nöüd wüßt, und es wer Ali guet gange, wenn nid Eine ds Ofesürhängli glüpft hätti. In eim Schnapp heb e der Leutefresser gnun und gschluckt. Noch Eina heb er gresse, und zletst noch ds eige Weib, weil sch' glugned heb. Die andere Buebe heb er in de Hennechomme underem Ofen ingesperd, und dasch' nid edde oußer chommend, schlad er en große mächtige Nagel in d'Hennechobie. Am andere Morged chunnd er denn bi me große Ruß Sunne und zöucht d'Hennechobie. „Chast louse, Bueb?“ seib er zum Gröste. „Ja freili“, seib der Bueb, „und d'Niß sind i au.“ „Nuse, se chumm!“ Es ist ebe ds chezerschen en Bueb gsin und taret den so in dem Haar ummer, bis ds Ungheur entschlafen ist.

Jez nümmt der Bueb — deiched au! — das groussich Schwerd und schlad dem wilde groussige Mann grad der Grind eweg. Die Andere chrouchend au fürher und nämend die ganz Sach mid ne hein. Die heind an rechte Plätzch Gold und Silber überchon!

Nach Casp. Decurtins, mundartlich von Chr. Walthmeiser (Graubünden).

Vom Wolf und vom chlyne Säuli.

Es isch emol e Säuli-Mueter ghy und die het mit drü chlyne Säuleni glücklech und im Fride gläbt. Do undereinisch isch e Hungersnot i 's Land cho und die Alti het schier nüt meh für sich sälber z'byssse gha, verschwige de für die drü Junge. Das isch ere grüüßlich zueche gange und mit schwärem Härze het si ihri Söhn lo bschide und seit ene do: „Ihr arme Tröpfli müend leider Gottes sälber scho i d'Wält use und luegen eues Brod go z'verdiene, i cha's mi Türi nid anders mache.“ So händ si de mit vilem Briegge Abschid von enandere guoh und jetweberes isch sy Wäg gange, ds einte linggs, ds andre rächts und ds Jüngst grabuse. Wo's Eltiste, das wo linggs ggange isch, dure Wald chunnt, do bigänet ihm e Ma mit ere Burdi Strauh ufem Rügge. „Ma mir Strauh geh, as i Hüüsli boue cha!“ seit 's Säuli. „Du mir Borst gisch, i dir Strauh gibe,“ seit de Ma. „Mira —“ seit 's Säuli und macht sich es schöns Strauhhüüsli zmitts im Wald. Chuun isch es fertig und sitzt i der Stuben inne, so chunnt der Wolf und pöpperlet a der Türe. „Säuli, mach uuf, i chumme z' Visite zue der.“ — „Gang mer ewegg, du wottsch mi nume frässe.“ — „So blofen i und stoßen i und stoßen i und blofen i, was gilt's, i verwütsche di!“ Und druf so bloßt er und stoßt er und stoßt er und bloßt er und — Wutsch! — isch 's Strauhhüüsli zsämme gheit und dr Wolf het 's Säuli gfrässe.

'S zweet Säuli isch rächts ggange und chunnt do au mit eme Ma zsämme, dā het e Burdi Chnebeli-Holz treit. „Ma, mir Holz geh, as i Hüüsli boue cha,“ seit's Säuli. „Du mir Borst geh, i dir Holz gibe,“ seit der Ma. „Mira —“ seit's

Säuli und baut sech es Hüüsli vo Chnebeli-Holz. Won es fertig isch, bschlüüßt es sech 7 und do chunnt der Wolf: „Säuli, Säuli, mach uuf!“ — „Für was? De wottsch mi nume frässe!“ — „So bloßen i und stoßen i und stoßen i und bloßen i — was gilt's, i verwütsche di!“ Und dr Wolf het bloßen und gstoßen und gstoßen und bloßen und — Wutsch! — gheit's Chnebelholz-Hüüsli zsammen und 's Säuli het er gfrässe.

'S Jüngst vo dene brüne, wo graduse ggangen isch, trifft e Ma a mit ere Hutte voll Stei. „Ma mir Stei geh, as i Hüüsli boue cha!“ seit es do. „Du mir Borst gisch, i dir Stei gibe,“ seit der Ma. „Mira“ — seit 's Säuli und wo das Steihüüsli fertig isch, sitz't's dry yne und chochet z'Mittag. „Säuli, bisch binne?“ rüeft der Wolf. „He allwäg!“ seit's Säuli. „Vo mi yne,“ seit der Wolf. „Chunnt mer nid i Sinn,“ seit 's Säuli, de wottsch mi nume frässe.“ — „So bloßen i und stoßen i und stoßen i und bloßen i.“ Und druuf so bloßt er und stoßt er und stoßt er und bloßt er und dänket nume, 's het dem Hüüsli nüd to, es isch halt ebe vo Stei gsy. Wo das de Wolf gseht, wird er furibund, het aber nüt lo merke, im Gägeteil, mit syr süeßeste Stimm fahrt er furt und seit: „Apropo, 's isch de nume Gspaß gsy. Aber uf em Chasper sym Pflanzplätz bi der obere Bündte weiß i die herrlichste Räbe, wo's git. Wämm mer morn bere go uszieh?“ — „Me cha jo!“ seit's Säuli, „wenn gilt's?“ „Dänk öppen am Morgen am Sächsi, 's isch de no Niemer ume,“ seit der Wolf. „Mira!“ seit's Säuli. Und am Morgen am Fünfi scho stoht es uuf, lauft, was gisch, was hesch uf's Chasper's Pflanzplätz nud wo dr Wolf am Sächsi chunnt cho pöpperle, isch es scho wider ume gsi und tuet grad die schönste Räben im Chochhafen über 's Fүүr. „Säuli chunm, 's isch a der Zyt,“ rüeft dr Wolf. „Wäger nid“, macht's Säuli, „i bi scho gsy!“

„Hätt' i di nume, i tät di verschnütsche!“ dänkt der Wolf, seit aber: „Und die schönste Öpfel i 's Müllers Garte, wämm mer ächt nid morn zsammen e chly go de Baum schüttle, öppen am Fünfi, wenn's der's eso breicht?“ — „He wäge was nid?“

seit's Säuli, macht sich aber scho am Bieri uf d' Bei, chunnt i 's Müllers Garte und klätteret richtig uf de schönst Öpfelbaum ufe. Dert obe fangt es de a z'schnabuliere und versuumt sech derby; und das isch lät ghy; denn won es ufluegt, wer chunnt zum Gartetor y? Der Wolf. Poß tuusig, isch's Säuli verchlüpft, aber nid lang. — „He gueten Obe, Kamerad,“ rüest's oben abe „heb uuf, lue, da rugetet grad dr schönst de Berg ab!“ Und mit dem wirft's en großen Öpfel de Rain ab und dermyle daß de Wolf däm noh schießt wie 's Bysimätter, rennt's Säuli uuf und dervo und schloht dem Wolf d' Türe vor der Nase zue — hesch mer's niene gfeh?

Zum dritte Mol isch dr Wolf wider cho. „Morn isch Kohrmärt im Städtli,“ het er gemeint. „Mach di parat, am Bieri göhm mer.“

„He so nu so de,“ seit 's Säuli und goht am Drü. Es chromet es großmächtigs Ankefaß und rugetet's langsam dr Berg ab. Doch wer gfeh't's unden am Berg, won em grad entgege lauft? No einisch dr Wolf. Wi dr Blitz schlüüft 's Säuli i 's Ankefaß ine und loht's von em sälber dr Berg ab troole. Dr Wolf gumpet ganz verschroden uf d'Syte, won er das hölzig Untier gfeh't; und 's Ankefaß stoht still justemänt by 's Säulis Huustüre; und chuun sind Faß und Säuli dinne, so chlopset dr Wolf: „Säuli, Säuli, chumm enandrenoh!“ „Wäge worum?“ macht's Säuli. „He, won i dr vor 's Huus cho bi, bisch furt ghy; und won i elei z' Märt ha welle, het my bi mene Hoor es hölzigs Untier gfräße.“ — „Das bin i ja ghy im enen Ankefaß inne,“ rüest 's Säuli, „hättisch mi doch päcklet?“ — Jetz het sich der Wolf nümme chönnen ebha vor Wuet: „Wart nume,“ het er brüelet, „jetz het's di grüß, i chumme zum Chemi inne!“ — „'S isch nu guet, daß i's weiß,“ dänkt 's Säuli, macht es mächtigs Füür, stellt de Chochhase parat und stoht mit dem Pfanne- deckel i dr Hand dernäbe. Platsch! troolet dr Wolf i 's süttig Wasser, 's Säuli macht de Dechel zue — und jetz het 's Säuli endblech Rueh.

E. S. (Murgau).

Des Ungghür.

(Ein wirkliches Erlebnis.)

Mi Fründ heb mer äs hübs Gschichtli erzält, das er in dr Jünger erlăbt heb, und das gwüß derwărd ist au Andern z'erzälla.

Als en Buob von ölf old zwölf Jahren ist er ämal am ă Herbst gän Gizi suochă in d'Bürschlößer Alpă und Verneza und i Baninn. Es ist nah Hellagăchrütstig gsin, bereits im Wimanat, wa mā schon ũberal entalpăget ghan heb und keis Beh nienă meh ummer; uf dă Stăfel is gsin, wia usgstorbă, erschrockeli dđd und still und răcht eisam zum fũrchtă.

Du weist, was das fũr en groŕi Verănderig ist, wenn ăs hũt no alls Beh uf dr Alp ist, und dă Gschăll eis so anheimălăt — und moradăsch am Abed ist wăder Staub no Flaug meh da, Als so still wie ufem Fridhof!

Us demm Grund heind d'Lũt nah und nah sđvl Ungghũr-gschichtenă vo dăn Alpă erfundă, und Mengă, dăr scho lang ză dă Heeră Tisch ist gsin, heb's ergruŕet, wenn er allein um's Zuonachtă old spăter uf en Săŕ chon ist und verby heb mũeŕă, es heb en angfăngă tŕchupă dũr d'Vuuseri uf und er ist en biŕ gŕchwinder ggangă; und ăttă vo Dŕchăhră old ũbernachtă — kei Red! lieber, wenn's sin muăŕ, under ă Pũŕschă dunnă bim Alpzun.

Mi Martin, so heiŕt dr Buob, heb dđrt in denen Alpă dă ganz Tag a schinen Gizi gsuocht und ŕchi nienă chđnnă errată; vergangă heb er ŕchi nid; es ist ă hũbschă Tag gsin und kein Brăntă ummer, und d'Chũndi heb er dđrt gwũŕt, fast wie i schim Hosăŕack; lăngwilig heb's en au nid găbuchet, er heb dă Gwehr bimă ghan und zwar nid ăttă zerŕmal; i chann dăr săgă, er heb in dem Alter, wie er duo gsin ist, schon mengă Haas und mengă Fugs gătũrnet ghan, dăsch' z'uffstahn fũr albig vergăŕă heind. An demm Tag aber heb er glaudi nũd gŕchoŕă.

Zlettst, wie's scho wider gspatet heb, chunnd er no uf dā Vaninner-Säß und ersteltt schi dōrt. Da ist zerst Uus still wie dr Tod. Nun äs Schneevögeli sitz dōrt ufem Schärägwätt und äuglet äso zuo mā dūr, äs wenn's sägā wetti: „Du wüerst bi denn āmal nid understahn, dʒs hārā Nothysä gāget mi z'richtā.“ Uf dā Chüetaischā sind no es paar fugšroti Mistflāugā ummergšchärmiziert und am Ferggel ufem Schottätrog hocket en dicki Brummleri und machet äs bumms Gšicht; schi heb im Augstā ā mächtigi Baizi ghan mid āmā lindā Ziger, und jez heindšch'en fortgnun, und schi meinti, schi hättend feis Rācht ghan. Suß heb er nūd Lebendigsch gšehn. Es ist äs chüels Lüftji gangā, wie's auf dā Bārgā gwōhnli dr Fall ist, wenn d'Sunnā vergold gaid; bi chleinen Blacktjeni, dia no nahgwagfā sind, heind äso dūr und hār gšchwanket, und er heb nid gwüßt, söll das heißā: „Willkommā!“ oib machend sch' des „Nei“, ättā, daß die Gizi nid da spend.

Wie er da so driluget und denn gsiehd, daß d'Sunnā dōrt dānet am Rhätikon bald z'oberist dobnā ist, und wie er so deicht: „Jez is hōhi Zyt mi hein z'machā;“ und wie mā duo grad no z'Sinnd chunnd: uf demm Säß da geist's au — grad wie mā das dūr dā Chopf fahrt, so gaid hinder mā i dr Hüttā en unheggelāschā Läptig an! Das heb grumplet und kneblet und färjosi Rāagg glan und ist aaggangā, wie dr angstli Lūgger! So ättās hätti wāgschi au en Gwagsnā chōnnā entlūpfā und in d'Sprüng bringā. Unschā Buob heb denn au ā vermalešchā Flaug gnun und denn noch einā; es ist nuu vil, daß er nid uf d'Rasā gšht ist. Duo aber staid er still und chert schi um — deich au, wie fräch! aber es ist mā im Springā d'Sinnd chon, dr Ätti hei gšeid: mā söll nid fliehn, wenn's ättes Ungradsch is; suß springi's eim uf dā Rugg. Das wāri frili ān erschrocfelāhi Gšchichti! Ufem Rugg heb er nūd gmerkt, und wie er zrugg luoget, au nūd gšehn vor dr Hüttā; und au binnā is für dā Augäblich erstillet. Jez wāri Mengā erst rācht an äs Laufā, was d'gift, was d'hest, drdūr ab und uus, äs ob mā en Huot wārft.

Martin aber ist stahn bliba. Duo gaid dr Späktakel widrum an, as ob en Stab Noß ummerchneblend; äsie heb er gmeint, es sy im Chäschäller, äsie bi dr Fûürgruoba, und äsie gar uf dâ Gebälattâ. Ob sch'ättâ mit dâ Gebân chäglend, und dr Nachübel wâri d'Chuglä? Er heb schi nid entstührâ chönnâ, was under Gott das au sy wârdi; ättes Rächtsch âmal gmüß nid, heb er gsinnet. Aber gflohâ ist er nottâ fei Schritt meh, dr tufigs Buob! Im Gägäteil, er heb es paar Schritt, frili nu chleini und gmachi gâget d'Hüttâtür gâtan.

Es ist mâ nâmlî d'Sinnd chon, dr Ätti hei au zuo mâ gfaid, âr wüssi nid, ob's würkli Ungghûr gâbi; aber das müß er, daß mâ schi nid z'fûrchta brühi, wemm mâ-nâs guots Gwûßni hei — „und das han i!“ said er fast luut und gaid widrum zwei, dri Tritt uf di Tûr zuo. Jêß rumplet's dinnâ vo Nûem, en barrâ Hârâtanz! Es fahrt mâ en biß in di Wein, sâlb möcht i nid laugnâ, i glaub âs wia viel heb er gâzitteret; aber nid lang. „I han denn au no d's Gwehr bi mer!“ seib er ganz reef und hebi's mid beden Hânden und richtet's gâget di Tûr — und so staid er da wia David in dr History und d'Hüttâ ist sin Goliath. Ja, myn Buob! es guots Gwûßni und âs guots Gwehr sind uf all Fâll en quoti Werri! Und wenn unschi Sôhn im ganzâ Vatterland mid erâ söttâ Ustrüstig ufwagsâ tâtend, das gâb — weist was? das gâb das alt Schwyzerguraschi!

Martin heb schi duo so steelli dr Hüttâ gâbijet, bis er entli mit dm Gwehrlauf dr Tûr heb chönnâ â Stoß gân, aber wenn sch' au fei Schloß heb ghan, so isch' doch in dr Fâllâ gsin, und drum âbâ uf schin Stoß nid offâ ggangâ. Er muoß mit dr Hand d'Fâllâ lûpfâ, und drum in Gotts Namâ noch âs Rûckji vormwärts — und er tuot's! So, jêßt mag er d'Fâllâ glânggâ, frili nu chluberli.

Jêß nûmm bi denn jâmmâ, my Liabâ! Du staisht da würkli, wia mâ ättâ i dânn Bûchern lißt, an „der Tûrschwelli der Entscheibig“, ob dÿs muotigs Hârz Heer gahn söll old d'Angst norm Ungghûr! Aber — d's Gwehr, und d's Gwûßni und dr

Ätti heb gseid! Und en Drah und ä Stosß und ratsch offä! gaischt, sälb wemm mer probierä — und schi gaib au offä, di Tür. Aber im glihä Augäblich tuad er au en paar Sprüng auf d'Sitä; i glaub, y und du hätten's au tuon. Ja es ist mä währli durst gsin, daß er gschwind zrugg ist, fuß wär mä ds Ungghür ohni anders in die Bein old uf dä Rugg gsprungä. Wia er nämli schi duo widerum umchert, jä bräglät di ganz Geisterkammedi zr Tür uußër! Und was isg jin? . . Deich au, nüd anders, as en ganzi Haab Gizi!

Aber du liabi Zyt, wia heind diä drin gsehn! Dr brand-schwarz Hunger heb nen zu dn Augä ußer gluoget, strubi sind sch' gsin wia än Hächlä, und bschißni über und über. Schi heind nid getan, as ob sch' en gsehend und vo vergält's Gott für d' Erlösig vom Hungertod ist lei Reb gsin. Schi sind wia bfässa uf di Blactjeni los und uf alls Grüens, wa sch' nu beglänggä heind mögä. I dr Bernöti hätten sch' aller Gotts Dingä di giftigen Böhnlä y'gworget und di nüdnuzigen Blutzä.

„So — o — das ist ds Ungghür!“ seid der Buob und atmet uf; fuß saib er gar nüd; er nümmt ganz äristhaft ds Gwehr an d'Ärlä, grad wie der Ätti; es ist mä in dämm Augäblich, as ob er hinicht en ganz Anderä sy, as am Morget. Er tuod noch en Blick in d'Hüttä, wia's au da usgsehi. Ja, da gfiat's hübsch uus, das chamm mä schi deihä, wo sövel Mößer wär weiß mövel Tag y'gsperet gsi sind! Aber wär heb schi denn ygsperet? Schy sälber heind's äso gschickt chönnä! Di Tür würd offä gsi sin, und duo sind sch' in d'Hüttä und dört hinter Alls yn und uf Alls uf, wia's di gschentigen Gaisß albig im Bruuch heind; und duo mid Ummerjoglä und Stosßä ist di Tür zuo und in d'Fallä ghyt und di armä Vüeber sind gfangä gsin. Söttigs passiert ättä-n amal, und dr Gvatter Christä meint — nid nun dän Gizi!

Jetz machet Martin, daß er abaus chunüd; d'Nacht ist da, und vo Baninn bis Jenaz gaib's no über mängs Egg und dür mängi Tollä. „Wägä dr Dückli“, saib er zuo schim sälber, „wär's mer grad glych, aber dr Ätti würd blängä uf mi.“

Wia där uszücht! Mā möchti währli nid meinā, daß er dā ganz gschlagā Tag uf dā Beinā gfi wāri. Dür dā Stürchel uus chunnb er gā Mundjä und dōrt chert er schi noch āmal um und luoget zugg gā Bāninn, wenn er au vom Stafel nüd meh gfiat. Erst jēz bfinnt er schi rācht, was er denn eigentli hüt erlābt und dūrgmachet hei, und duo sā stogt mā dē Hochmuotji en biß in dā Chopf; und es heb au tōrfā, sālβ sāj i. Er heb āso um dē Merkā am Huot grückt, daß er es bißji stoßiger ufem Ohr sißi; aber es heb's Niamet gsehn, as dia stillen Walldavoser-Tännā, und dia heind en nid vermüpfst.

„I bin doch en Kärli!“ heb er gemeint; aber au das heb Niamet ghört, as en altā Tannrolli, där us schym Nāstloch irā halb dūrrā Ronnā aper uf en ggäugēt heb. „Wieran sjest,“ heb er gābrummlet und heb unwillig schy langi Spāchmasā zugg gāzogā indē Nāst; „āmā Kärli ist nüd z'trūā!“ —

Jēz aber gaid's widerum vorwārtē dūr d'Wajafāßā uus und hein ohni Erschnufā. D'Stārnā glänzend dobnd am Himmel und i schym Gmüet ist dr Widerschyn, da glānzt rāchtā jugentlihä Frohmuot. Er ist zfridā mid schym sālber und freut schi; am meista aber freut's en, daß er's chōnni vorzuo dm Ätti erzāllā.

Andreas Wyß (Graubünden).

'S Murerchlaufe Kaveri.

Me het em dr Murerchlausi gseit. Nes brāvers Mannli het's nit gā unter dr Sunne. Er het imene chlyne, einsame Hūsli gmohnt, am Bāhnlistuß āne, dōrt, wo dr Wegwysjer stoht und 's steinig Ehrüz drnebe. Das Hūsli, nes ghübligē Achterli, nes magerē Ghüeli, si ehrlich Name und acht unerzogeni Chinder, das isch si ganz Rychtum gsy. Und doch het'r si bur Flyß und Sparsamkeit wacker dure gschwunge, ihn und die großi Familie, i gueten und böse Tage. — Einisch aber am ene Morge het's gheißē im Dorf: „'S Murerchlaufe

Frau isch hinecht gstorbe, am Bluetsturz. Dr Ehlausi tue gar schreckli lez und wüß em schier nit z' helse."

Nes Unglück chunnt selten ellei. I paar Woche druuf chunnt dr Ehlausi dr Rotlauf über am linggen Arm; d' Gschwulst loht si im Herze zue, und i drei Tage lyt au er ufem Lade, bleich und stoff . . . „O jere, die arme Chind!“ hei d' Lüt gseit: Und d' Gmeinröt si hi gange i das Hüüsli am Rein und hei Als ufgschribe und gschatiget. Und dr Amme het gseit: „So, dihr guete Chinder, jezt müesst dr halt usenand! Es sy ordli Schulde da, und d' Lüt wei Gält. Und dihr sib halt z' jung für z' huse. Drum wird jezt Als verchauft; die Größere chönne 's Äße sälber verdienne; die Chleinere aber werde vrchoftgäldet. So het's dr Gmeinrat bschlosse."

Do hei die Bueben und Meitschi aso briegge, 's isch zum Erbarme gsy; und 's Eveli het 's chlei Buebli ume Hals ume gnoh und het gschraue: „I goh nit vo dr erwägg, gäll Hansli!“ — Nume dr größer Bueb, der Xaveri, het nit gschraue; dä isch im Ofeneggeli gsäße und het i eis Loch ine gluegt. — „Und du, Xaveri, was wottsch du asoh?“ — „Was ig asoh well? Do blybe will i!“ Und er luegt die Manne mit syne ehrliche Auge fest a: „Do blybe will i! Und myni Gschwisterti blyben au do, ha's im Vatter sälig versproche, i syr letzte Stund! Wei i eufem Hüüsli binand blybe und huusen und schaffe . . .“ — „Aber was dänkst au, Xaveri, bisch no so jung, erst Sächzähni . . .“ Dr Xaveri aber stoht uf und streckt si und seib: „Ha mim Vater scho nes ganzes Johr hulfe mure, ha gschafft wie ne Groöze. Und dr Niklausi isch hold Bierzehni und 's Anneli Zwölfi; die chönnen au schaffe, und die andere werden all Tag größer. Nume nes bigeli Hilf vo dr Gmein und vo guete Lüte — und mr wei's luege z' mache!“ — „Sä weit'r de bim Xaveri blybe?“ frogt dr Amme, „und em schön folge?“ — „Jo, jo!“ schreie die Chinder.

„Me cha's probiere,“ hei d' Gmeinröt zsäme gseib; „aber 's wird chumm welle guet goh.“

Tags druuf isch dr Xaveri mitem Amme zue de Kreditore ggange und het aghalte, sie selle no nes Rüngli Geduld ha. Si hei all zuegeit, und d' Müllere het em no ne große Laib Brot gä hei z' träge und Hömmeli für d' Ghinder.

Und de Morge früh, bim erste Sunneblick, isch dr Xaveri uufgstande, het Gras gmäht für 's Ghüeli, het gmulchen und gmistet; druuf het'r 's Anneli gweckt und dr Niklausi, aß si selle d' Milchsuppe mache und d' Ghinder uufnääh. Schlags Sächsi aber isch 'r uf d' Arbeit gange, go mure. Und dr Meister, ne guete brave Ma, het em dr glych Lohn gä, wie im Vater sälig.

Doch gly het'r gseh, daß beheim, bi dene unerwachsene Ghinder, Alls brunter und drüber goht, daß ghändlet wird vo Morge bis Nacht. Wenn nummen er beheim chönnt blybe! Aber 's Gäld, wo's Gäld härnääh und nit stähle? Lang het'r drüber nohgfinnet; aber 's het em nüt Rächts welle i Sinn cho. Do list'r im ene Zytigsblatt, won er uuf dr Stroß gfunde het, nes Artikeli über d' Straußlächtere, wie die Lüt mit gringer Müeh so gstryff Gäld verdiene und Alls mit Huusarbeit. Mit Huusarbeit, das isch 's Wahri! het'r denkt. Und am Sunntig Romittag nimmt'r nes susers Blettli Pappyr und schrybt ne schöne Brief a dä Fabrikant z' Wohlen unte, im Argäu, wie's im Blettli gstande isch

Und i acht Tage druuf, am ene Mäntig de Morgen am Zwei, si er und dr Niklausi, ne Biße Brot im Sack und nes Ehrüegli Milch, abgmarßchirt, uf Wohle zue. D' Tante Lisebeth aber het versproche, uf die Ghlyne Obacht z' gäh. Und z' Nacht am Esfi isch der Xaveri wider hei cho, müeh wie ne Jagdhund, und het gseit: „So, jeze blybt dr Niklausi nes Ehehrli furt. Die Herre si so früntlig gsh, dr glauwer's nit, Tante! I acht, nün Wuche, meine si, chönn dr Bueb wider hei cho; i der Zyt chönn er Alls ordli lehre, wenn'r esli disig sig. Aber jez, Fritz, hört für di 's Gvätterlen uuf, muesch halt im Anneli hälfe as Niklaufe Gstell! Und du Anneli, paß mr uuf und spar mr brav! Lueg das isch jez 's

letzte Gälb, do im Seckeli inne. Und dā Winter chan i jo schier nüt meh vrbienne.“

Und vo dōrt a het dr Kaveri sälber hulfe die chlyne Gschwisterti alegege und wäschen und strähle wie ne Mueter, und het mit ne bättet de Morge und z' Nacht. D' Tanten isch vo Zyt zu Zyt cho d' Hösli pläze und d' Rööfli.

Z' Viechtmis ist dr Niklausi entlig heicho. Und z' Ostere scho het's i's Murerchause Stuben inn uusgseh, me het si müesse verwundere. Am Vode syn's Bündeli Roggestrauh gläge, syn putzt und bleicht; und sächs Chinder si drum ume gsäze und hei ghandiert von Morge bis z' Nacht; do si Hälmligspalte worde, druus het me Drähtli gwunde, die Drähtli aber si zämegflichte worde, — das isch gange wie dr Tufsig! Dr Niklausi het 's Kommando gfuehrt, und wenn das nit battet het, de isch dr Kaveri ine cho, vo dr Burenarbet weg und het syns Wörtli gseit. Das Wörtli aber hei si respektiert, die Chlynste wie die Groöze, aß chäm's vom eigene Vatter. Und dr Kaveri het dinne gluegt und duffe, i Huus und Fälb, und het d' Buechhaltig gfuehrt und d' Kasse. Jo d' Kasse, die isch langi Zyt gar mager gsyn und chly. De zerst isch's mit dem Strauhflechte gar schwerfällig und langsam zuegange. Notisno aber hei si meh Gschick übercho, hei drei bis vier Feustlyber verdienet per Wuche. Die Feustlyber aber het dr Kaveri ordli zäme gha. Und hei syni Kamerade au gheiglet und gspilt und ghaseliert — euse Kaveri het mr i keim Wirtshuus inne gseh. Bloß het'r, wie dr Verdienst gwachse isch, au ne besseri Chost vgfuehrt und gueti warmi Chleider gchaufst für ihn und fini Gschwisterti. Do isch für keis ne Usnahm gmacht worde.

Dr Posthalter het's vrpaulderet, wie streng die Gälbpäckli arucke usem Ärgäu use. Und d' Rüt si schmäkerig worden und si cho froge, ob si dr Niklausi nit au das Strauhflächte well lehre um Gälb und gueti Wort.

Und i churzer Zyt het 's halb Dorf Strauh gsflichte, und der Kaveri het d' Fergstube gha und het Gälb verdienet wie Laub. Die jüngere Gschwisterti aber het'r lo Handwerk lehre;

„de,“ het'r gseit, „au 's Straußflächte nimmt einisch nes Änd.“ — Und mängs agsehnigs Meitli het si Blic uf de hübsch und aschicklig Ehnab gworfe; dr Xaveri aber het gseit: „Bis 's leist vo mine Gschwisterti sis guet usbringe gfunde het, denken ig unter keine Umstände as Hürate. Will euse Ehindere Vatter si, wien i's versproche ha sämmol i dr trurige Zyt“

Hütt aber isch dr Xaveri Gmeinamme und Amtsrichter und führet mitem Niklausi nes zimlig großes Handelsgschäft. Und die ölttere Lüt säge zue de Ehindere: „Sy Rychtum, syni Ehr und syz Glück het dä Ma volluuf verdienet dur sy Fleiß, syz Bravosi und a syne Gschwisterti.“ Machet's au eso!

Joseph Joachim (Solothurn).

Es Stückli us der Schwizergschicht. (Zürich)

x

Vor Altem, das wüßed er scho, sind bi eus uf vile Hügle und Berge hoch, hoch Burge gstande mit dicke Mure und tüfe Gräbe zringsum, und häd drin allerlei Volch gwont, doch allweg eißig meh Lumpegsindel als rächt Lüt: Grafe und Ritter und Landvögt mit vile Ehnächte und Roffe.

Das ist e bösi, bösi Zit gsi für Hamperchsmannen und Burslüt; die händ chönne schaffe und schwiße vom Morge bis Abig, doch allwil meh für d' Herre, als für ihri Frauen und Ehinde; derzue händs f' müesse ordeli still si und nüd dürfe murre no chlage. Häd si Eine nu gmurt oder so en Große nu böz gmacht, grad häd men e gnah und ygsperrt, mir nüd und dir nüd, au gar no tötet und wär er de grundbrävniß Ma gsi.

So e Burg ist au gstande da oben im Kanton Graubündle, hinnen im Domleschgertal; si händ en gshochen und ghasset, de Vogt, wo det ghuseh häd, wil er f' eißig so druckt und plagt und verächtli traktirt häd.

Nu ist da hinnen en Bursma gsi, Hans Chalbar mit Name, de au gar en freie, fröhliche Sinn und e frisches sürigs Blut i sinen Adere gha häd. Drum so häd er de Vogt und drum de Vogt ihn uf em Strich gha. — Emal, es ist just in Hustage gsi, und Wissen und Acher händ ggrüenet, da jagd de Herr sini Roß für d' Churzwil dem Chalbar in Acher, daß s' em de Same verstampfet und Alles verruinirt händ. Min Chalbar aber, nüd ful, gahd hi und schlahd die Roß z' Bode. Nu häd er das schwer müesse büesse; denn starregangs sangt men en η und füert en druf in es Chesi, e trurig und eländs Loch, won er häd müesse Hunger liben und früre und anderi Prüefigen ußstah, bis zletzt si Frau, die treui, mit vile Tränen und Ehlage und für mängs tüfig Guldi ihm na häd chönnen erlöse. — Dernaß, se luegt er still und treu, wie vorher, zu sim Güetli. Da emal, won er am en Imbig just mit de Synige bim Ässe sitzt, gahd d' Tür uuf, doch Niemer häd klopfet. 'S ist halt de Landvogt! De dänkt: Es bruucht ekei Astand, wemm me zu me Bur, so me dumme, öppen uf Bsuech chunnt. Rueged au, wie n er si meint, mit sim große, ghöörige Mantel. Und wien er de Huert stellt mit dem mächtige buslige Bösche! — Die Burelüt fryli, si legged d' Löffel ab und grüezed und buched si höfli. D'-Frau, die ist zsammegfahre und häd zitteret grad wien es Läubli: „Dä chunnt nüd us Fründschaft,“ so dänkt si, „dä wott gwüß nu öppis Böses.“ I der Angst seit si zuen em: „Herr Landvogt, wänn Er mögeb, so sehet I zuen is und äßed; er ist na grad warm, de Brägel, und d' Chriesi sind frisch gsi!“

Sez denked i au, wellen Bscheid gib ihre de Landvogt? Ja, er lächlet so spöttisch und schächt zerst wild über d' Achsele, wie wenn er wett säge: „Ihr Esle, daß Ihr I nüd schämed!“ Und driuf, se chunnt's na vil erger: gahd nüd de uverschamt Flegel und speuzt ihne frisch uf de Tisch und i d' Platte, als wär die en Spucknapf! Die Lüt händ es Augenblickli nüüd chönne, als luege und stuune. „Doch gnueg ist gnueg,“ so dänkt jez de wackeri Chalbar, „das chan i nüd dulde!“ und

— lueged nu det, wie er d' Auge stellt und d' Stirne rümpft und e Fuust macht, — stahb blygligen uuf, nimmt 's Bögtli gar hübschli bim Ohrage, druckt ihm gschwind de Schädle fest aben i d' Platte, und tünklet em 's Gesicht es paar Mal umen im Brägel, daß er schier verstickt ist, und seit ihm derzue no das Sprüchli: „Sez friß, du Lump, vo der Brüche, du häsch si ja züüget!“

Druuf schmeuzt er e rätsch uf de Bode, daß er si nümme verrobt hät.

Dernah geht er usen i's Dorf zu de Bure vo Hütte zu Hütte und verzellt ene grad ase warm vom Vogt siner buebische Schandtät: „Und mir wänd das ferner erträge, und sind doch zur Freiheit gebore?“ Nei, nei, so rüefed si all, und schnell wie es Wätter ziehnd sie im Sturm mit enand uf die Burg vo Fardün zue. Und nüd lang isch es ggange, se händ si Alles verbrännt oder gschliffe, und de Vogt und sini Ehnächt sind froh gsi, daß me i' nüd töt häd.

E. Schönenberger (Zürich).



Sprichwörter.

§ Gottsnamen agfange, so goht's i Gottsnamen uus.

Bätt und chnätt.

Me soll nid flüge, gäb me Fädere het.

Me soll der Öpfel nid vom Baum schüttle, gäb er rypf ist.

Arbeit i der Juged streng, lebst denn froh und in die Leng.

Jung geboge, wohl gezoge.

Wer will, daß 's em ling, der lueg selb zu sim Ding.

Trink und is, Lazarum nit vergiß.

Wer will Bogla sah, mueß nit mitum Stedda an d' Stude schlah.

Wär z'vil wil, däm wird zletzt z'wenig.

Zur Nach bis gmach.

Bling gschossen isch au gefäht.

Hiz ist kei Biz.

E rächte Chrumm ist nid um.

Jungi Ryter, alti Fueßgänger.

E Stei, wo gäng rollet, überchunnt keis Miesch.

Suus und Bruus bringt eim um sis Huus.

Teig mueß me ha, wemm me Chnöpfli mache will.

D' Zit bringt Rose, aber zierst Chnöpf.

Wär ds Chlynna nüt scheet, würd zum Großa nid gseht.

Wschaidili ist weidili.

Usem Bächli wird en Bach, usem Sächli wird e Sach.

D' Chappen i d'Hand und 's „Gott grüez di“ parat gitt offeni
Ohre und guete Rat.

Wer um es Wort nid tuet wie um en Schlag, der erlebt kein
guete Tag.

En große Brüemer, en chlyne Tüener.

Bil Muuls, wenig Herz.

Früh i's Bett und spot uuf ist alle fuule Lüte Bruuch.

Der Fulenz und der Liederli sind Beedi glychi Brüederli.

Der Hansheiri Früehgnueg und der Hansheiri Guetgnueg sind zwee
Brüeder gsy.

Morgegang macht de Tag lang.

Nüt nahla gwünnt.

Wenn era Chaz e Muus etgibt, su paßt si ds ander Mal besser uuf.
Grad usen ist Meister.

Me verschnäpft si mit nüt meh as mitem Muul.

Fürcht dr nitt, su gschieht dr nüt.

Mit Frage lehrt me.

Recht tue ist über hübsch.

Wer e Gäß agnoch het, mueß sie hüete.

We's dr Gnß z'mohl ist, su springt si usem Chabisgarte.

D' Hoffart mue lnde.

Was der Chopf vergibt, müesse d' Füß entgelte.

'S gitt uf der Wält nit luter Hetteligern.

Wär alli Wätter fürchtet, chunnt nie z'Schärm.

Wer nüt erlyde mag, mueß am mehste lyde.

Wer mit Eulevögla flügt, wird mit Eulevögla gfangt.

Wär mit bösen Buebe luuft, wirdt mit bösen Buebe grupft.

We me emol en Ä (Ei) gnoh heb, cha ma nomma höra stehla.

We me nit ist wie ander Lüt, so geit's eim nit wie ander Lüt.

Ennert dem Bach sind au Lüt.

Sälber dänke ist besser wann nachi säge.

Der Loser a der Tör verstoh: Als hindervör.

z'vil Graze brännt, z'vil Schwaze schändt.

En guete Kamerad z' Fueß ist besser as en hotterige Wage.

Me cha nid trösche und Holz spalte.

Mu cha nid höher flöoge, as ym d'Fächti gwachse syn.

Gott und gnueg sind binenand.

Bätte ohni Inbrunst ist Flüge ohni Fäde.

'S ist besser me gang zum Schmid as zum Schmidli.

Selb ta, selv gha.

Wie gwohlt, so ghebt.

• Schwizerrat chunnt no der Tat.

Heime my, was chönnt besser sy!



Inhaltsverzeichnis.

I. Wiegenlieder.

	Seite.
1. Von Ruhn	3
2. " "	4
3. " "	4
4. " H. Cornelius Eutermeister	5
5. " Rüegg	6

II. Abend- und Morgenlieder.

1. Von Burckhardt	7
2. " Peter	8
3. " Meyer-Merian	8
4. " Hoffstätter	8
5. " Burckhardt	9
6. " Hoffstätter	10

III. Schosfreime und Plandereien.

Reiterliebchen	11
Fingerzählen	14
Redereien	15
Nacherzählen	16
Nachsprechen	17
Verbergis, von Staub	17

IV. Kinderfreunde aus der Thierwelt.

Treue Freundschaft	19
'S Bethli Gugguus, von Trismann	20
Vom Chäpli, von Rüegg	21
Ds Annebäbis Chäpli, von Wipfli	21
De Guoni, von Rüegg	22
Wo mer der Fritz, üse Chüngel, vergrave hei, von Straßer	22

Frösche-Hochzyt, von Grismann	23
Frösch und Chreih, von Grismann	24
D'Brösmeli ufem Fisch	25
Vogelsprache	25
Bi, bi, by	26
Wunder über Wunder, von Egli	27
Os Vogelneßli 1. von Haller	27
" " 2. " Meyer-Merian	28
Warnung, von Konr. Meyer	30
De Ehräbs und de Fuchs, von A. Corrobi	31
Der Richterspruch, von R. K.	33

V. Tanz und Spiel.

Zum Tanz, von Grismann	35
Ame Holderbusch, von Grismann	35
Guet ist besser als besser, von Haller	35
Wänn i es Rößli hett, von Rüegg	36
Vom schlaue Micheli, von Grismann	37
König Chabis, " "	37
Königslieb, " "	38
Gluggere, von Mähly	38
Chrieg und Fride, von Bucher	39
Der Drach, von Mähly	46
Wi's mym Mutech gangen isch, von Straßer	46

VI. Hans, Schule, Leben.

De Suppeschüüch, von Rüegg	48
Was macht d'Badt rot? von Haller	49
Witt o flüge? " "	49
Wie mueß miß Büeblt rede? von Bänninger	50
So goht's halt, von Margaretha Kiefer	50
Das groß Fueber, von H. Rüegg	51
De Joggeli, von Bänninger	52
I bi doch e gstrafte Mänsch, von Wipfli	53
D'Ärgäuer Chinder bim Großpapa z'Bern, v. H. C. Sutermeister	55
Der Märit-Chram, von Haller	56
Babemer Chra, von Rüegg	56

U Tasse Kaffi, von Rüegg	56
Der große Stiefel, von Rüegg	59
'S Eiermeitli, von H. Weber	60
Dr Mössli-Hänseli, von Straßer	62
De Chämifäger	63
'S Büebli und der Mond, von Haggenmacher	64
Bi der Nsebahn, von Meyer-Merian	66
Unterm Lannebaum, von Meyer-Merian	68
Ungsorgt, " "	69
D'Füürsbrunst, von Haller	70
'S krangg Briederli, von Mähly	75
Marie's Tod, von Haller	78

VII. Jahreszeiten.

Der Hornung, von Sulger	79
D'Chüechlete, von Nägeli	80
Chomm Ruebeli, von Halber	83
Dürr und Grün, von Meyer-Merian	85
Fyrtig, " "	86
Der Lanzig Chunnt, von Bähler	86
Dr Gugger, von Schild	88
D'Nachtigall, von Rud. Meyer	89
Zuem Osterhaas, von E. Hezel	90
Em Karli si Briesli, von E. Hezel	94
'S Schwalbli, von Schild	96
Der Landmann im Frühjahr, von Konr. Meyer	98
D'V'erche, von Rud. Meyer	99
Die V'erche, von G. J. Kuhn	100
'S Imli, von J. Kuoni	101
D' Hummele und 's Immsli, von Th. Meyer-Merian	108
Dr Spaß, von J. J. Schild	109
D' Ägerste, von Rud. Meyer	110
Föhnlied, von G. Straßer	112
Küßerbubenlied, von Kuhn	113
Der Hirtenknabe, von Rüegg	113
Wie 's Brot wird, von Preiswerk	113
Es git gwüß ander Wätter, von Konr. Meyer	115
Beim Einzug des Winters, von J. Kuoni	116

12

Der Winter, von Marie Ammann	119
Für d'Buebe z' Bärn, wenn e frische Schnee gefallen isch, v. Kuhn	122
Schlittefahre, von J. Mähly	123
Der Schneemann, von Rotensweiler	126
Das Bögelein im Winter	127
St. Nikolaus, von Schaublin	128
Christbäumli, von Staub	135
E Brief vom Christkindli a die chline Buebli und Meitli, von J. Bucher	135
Wiehnacht, von E. Hezel	138
D'Singvögel am Wiehnachtstag, von Hoffstätter	142
Der Weihnachtabend	143
Der Reijohrsbaum, von Mähly	145

VIII. Heimat und Vaterland.

Die Rückkehr zur Mutter, vom Rämmert vom Mösli	147
Schwizerlied, von J. Kuoni	149
Da Schwizerbuebe Schwizerfreud, von J. R. Wyß	149
Dr Schwizerseppli von Schild	151
Schwizerlied, von Haller	152

IX. Märchen, Erzählungen, Sprichwörter.

Va me Bögeli, das d'Wared seid, von Walfmeister	153
Van de drei Brüeder	156
Van drei guldene Äpfel	157
Bohne, Bohne i zerhaue ti	159
D'Ädlerbrout	160
Der Bärejuhn	164
Va me Bögeli, wo guldeni Eier leid	165
Di Gschicht vom Leutefresser	166
Vom Wolf und vom chlyne Säuli, von E. Sutermeister	167
Da Ungghür (ein wirkliches Erlebnis), von A. Wyß	170
'S Murerchlausli Xaveri, von Joachim	174
Es Stückli us der Schwizergschicht, von Ed. Schönenberger	178
Sprichwörter	181



h. Montgomery,
Oxford.

140

29

Poesie und Prosa.

Für d'Chinderstube.

Gesammelt

VON

G. Sutermeister.



Zürich,

Verlag von Orell Füssli & Co.


Mar 179 d 14

MARSHALL MONTGOMERY
COLLECTION



Montgomery 7 d 14.









303229164U

